

鹿山縣志

卷三十四

藝文碑記

應山縣志卷三十四

營建碑文

古今不朽者有三曰德曰功曰言

也應當衝要向爲

戰場凡城郭官衙以及應祀廟宇屢遭兵燹經歷代賢  
侯倡民輸費廢者興之墜者舉之關風水者並拓地而  
鼎新之誠盛事也工竣後悉屬名公筆記壽諸貞珉至  
今披覽之下見賢侯德政邑人義舉猶令人景慕之弗  
諼矧其爲前人手澤哉但年湮代遠剝落堪虞則金石

之易銷不若簡編之可久也志營建碑文

四賢堂記

宋張未

治國有善政不如在位有善人之化民速也在位有善人不如其鄉有善人之化民易也夫人情之所感動常在其所易接而親者若夫政事者固民之所畏則其從之蓋有不得已之心焉其及物淺矣安陸之鹿山楚之窮邑也然其民好文多學者其俗善良不爭純靜易治其鄉之人爲余言曰始吾邑之人未甚知學之利也有宋氏兄弟者講學吾邑之法興佛舍其後兩人皆取高第有聲名久之並爲大官各益尊顯故吾邑之人其

鄙魯不學自棄於夷者愧之其居法興時有連氏兄弟者與二宋公游相好也其後亦登科仕於朝兩人起寒家仕不振然視故同舍生富貴勢必至攀向爲聲勢而兩人益自力不少屈己附之其官終不顯故吾邑之人其有寡廉鮮恥徼倖貪利者愧之凡吾邑之俗好學而文純靜有恥者四君子之化也後宣和間宋景文之孫羲年令應山以進人之意作祠堂於法興方丈之西嗚呼爲吏於斯邑其有恩德久而民祠之者幾人故在位之善人不如其鄉里之君子也二宋公之軼事爵里書於國史士大夫舉知之連公諱庶字公錫以尙書職方員外郎致仕好修而自重直諫多聞之君子也其仲諱庠字元禮爲尙書都官郎中敏於政事號良吏世稱王陽在位貢禹彈冠爲故舊之美然嚴光故人爲帝迷之不肯仕彼獨何哉連公不出宋公以顯名當世卒以隱沒而不悔彼誠知所處與世俗所謂顯晦異矣集賢校理諡郡張表記高隱處士蘄春林敏功書並題額宣和五年七月一日孫朝散郎權知南劍州軍州事連端夫立石

黃州重建門記

鄭獬

治平二年予佩荊州印浮舟跨長江而南道出於黃在見刺史陳侯人其南門旁扶下支隤然其將顛引鞆疾驅而後過之予意陳侯甚才而敏於爲政是將葺之矣而不以告也明年春果有書來新作州門幸遺我數十百字以識之奚予之料之必耶蓋陳侯之爲治有所緩急而後先之必有獲於黃人環境之內皆若家視而人僕而募工斂稍繕治之由是壞者徹完者立賓有館燕有亭粟得新廩馬得新廐遂作州門盡易其腐朽而一

掃之其隅言言其極業業赫然甚壯黃人改觀焉然而作者之意其特以郡邑之得雄而誇大之耶而以關鑰啓閉之爲嚴固耶是亦何足於爲刺史者耶蓋夫刺史之治其美惡必由此而出而坐乎黃堂之上操方尺之紙挾筆而裁之作爲符約以令乎民民莫不環起繳繞而奔走之其出也甚美則以人欣然相告而喜焉其出也甚惡則黃人愆然相顧則憂焉其甚美與甚惡在乎人而何所累於斯以其當而出之也必有表焉者耳故曰兩觀災曾侯有不識焉若陳侯者猶有歉然者耶予

知陳侯者也常恨其所處未得窮其材如得其大且眾者而治之則固若強弩之發振機未絕而其所當者忽以破壞矣然後以得爲意今去於尚書郎而於窮淮之南治一奔棊地其蹂躪民事顧不易爲力哉況若門者斯警歎之餘可以立辨矣春秋之說動於眾者必書新作南門者譏不時也則陳侯之作於九月霜降之後而訖於十一月大雪之初斯其於時得矣可美不可譏於是爲文以遺之治平三年十一月十七日右司諫知荆南軍府事應山鄭獬記

木渠記

治平中朱紘爲宜城令修木渠鄭獬作

木渠襄沔舊記所謂木里溝者也出於中廬之西山擁  
隰水走東南四十五里徑宜城之東北而入於沔後漢  
王寵守南郡復鑿水與之合於是溉田六千頃遂無饑  
歲至曹魏時夷王梅敷兄弟於其地聚民萬餘家據而  
食之謂之柎中故當時號柎中爲天下膏腴吳將朱然  
嘗兩提兵爭其地不得其後渠益廢老農輟耒而不得  
耕治平二年浞川朱君爲宜城令治邑之明年按渠之

故道欲再鑿之曰此令事也安得不力卽募民治之凡渠所漸及之家皆授功投鍤杵呼躍而從之惟恐不及公家無束薪斗米之費不三月而數百歲已壞之迹俄而復完矣其功蓋起於靈堤之北築巨堰郭渠而東行蠻隄二水循循而並來南貫於長渠東激清泥澗附渠之兩涘通舊陂四十九渺然相屬如聯艦高蓄下泄其所治田與王寵時數相若也餘澤之所及浸淫中廬南漳二邑之遠異時之耕者窮力而耨之不得稿苗則得稗穗今見其蒼然巖然皆秀而並實也刈熟之口困廩莫容則委而爲露積雖然此猶未足以見惠也至於歲大旱赤地焚裂而如頽則木渠之田猶豐年也於是民始知朱君之惠爲深也獲而食之曰此吾朱令之食我也以其餘發之於他邑亦曰此吾朱令之食汝也然而朱君之爲是纒踰歲而去經始之作其美利未盡發如其來者善繼之則地可無遺而襄沔之間厭食香稻矣則將委藉而有不及斂者矣則將腐朽而燔燒之矣夫如是木渠之利尙可較耶予旣爲之作記且將鑿之於石則又欲條其事附於圖志王寵之下庶乎其後世復



有修木渠之利者於此又可考也

關聖祠碑文

元安慶路經歷陶壽

應山縣在古荊州北境神嘗治此州爬搔撫循惠澤在人則廟而祀之也亦宜神始事昭烈爲軍司馬昭烈數失軍陷身而神與之周旋不避艱險漢日寢微妖星耀芒天下士子雲趨以從雖荀文若不免失正神獨以忠義自許乃能擇士君子所不能擇者操敗袁紹勢將有中原欲與神共事神不義其所爲辭重爵而出亡列將雖微舊恩必報則其忠義之氣懷千載而常存者也神欲奮身殺操劉主不可卒用困躓議者憾其失策在荊州

時提兵討樊仁虜于禁操將避其鋒而徙都則當時爲漢諸侯能病操者莫神若也操非不欲身禪天下而畏天下義士士有義心而勢不足以爲病則操亦不畏勢足病操而心不在漢則操亦不病惟神以忠赤之心義倡其勇以一州而北動中原權不渝盟漢事成矣然則漢祚之少延國之未墜皆神之功也神之將死權欲留之而彼之謀臣皆知其終不爲用則忠義之志不獨著於國中而敵亦知之非積誠有素者不能也傳稱盛德必百世祀神以身殉國子復死孝血食幾絕匪天道也世運益衰明德若舜者不可復見苟一節之盛祀之可也况應民之祖先實受其賜爲雲初者可不思其所自耶縣故無神祠民皆家祭戶禱喪瀆弗飲少府明君始以毋病禱神獲應迺出己力構廟像於縣治之東北承以門廡繚以週牆凡屋之以間數者二十有二厥土燥剛厥位面陽前列平田後枕山阜軒豁爽塹囂塵不至禱而祀者不戒以肅於是邑之士子合律以請曰惟神以忠義著名於古而少府以孝承之於今惟忠與孝人道大紀粵若稽古神道致孝而碑石不立無以勸今傳

後予惟怪神之事儒所不言而神之大節彰彰見於史冊生能利澤其人沒猶警動禍福以血食其方可謂靈也已迺作歌詩以受神靈詩曰漢日西陞妖星耀芒九州幅裂羣雄鳩張桓桓先主惟賢是與神實爪牙復任心膂舍徐適荆南土是營大戰赤壁浴日鏖兵操雖北遁仁禁尙知神大破之復表舊疆權譎不天蒙遜詐譖襲據其後與我相連嗚呼神兮竟以忠死英靈昭昭宜享廟祀碑之有文實稽諸史至元四年歲次戊寅季冬吉日

社稷壇碑文

元中奉命 曹瑄瑄

社所以神地道居其上食其利必報祭之其來尙矣竊嘗考之社實山林川澤邱陵墳衍原隰五土之神而后土勾龍氏配之也稷則專隰原之祇能生五穀而后稷周棄氏其配也周禮大司徒設其壇壝累土以爲高不屋而壇必受霜露風雨以達天地之氣也自王都至於郡邑得通祀焉春夏祈穀載芟歌之秋冬報賽良耜歌之則豳風農桑之務於是致意焉水土既平百穀盈止則土功用成之日於是有黍稷稻粱之慶焉薦必以血

牲必以黝於是致達陰之義焉然稷非社無以生社非稷無以見生生之效社稷同功均利養乎人固宜祀之也自唐以降諸郡縣又得益以雷師雨師同壇而共祀之雨師畢宿也轉時而生養膏潤乎萬物雷出地奮鼓萬物者莫疾焉蓋四者誠二氣之良能天地之功用流行於覆載之間以育萬物而賴民生其功尤盛焉是則四壇者守土之重祭也應山古侯國今中縣有民人有社稷固宜然也舊有壇壝蕪穢不治至正四年冬魏侯從恕來尹縣事字民以仁甦民之瘼滌弊鋤奸興廢起

墜政令一新於是城之南岡近西之舊趾擴之闢之增之崇之燹之壤之墀之垣之隆爲四壇其崇廣東西南北相距舉以法社稷二壇面北主陰氣也雷雨二壇面南達陽和也甃其唐塗便步隄防泥塗也立石爲壇舊典禮神憑依也既竣事邑士方琇走書來曰吾邑多事新得賢令尹篤撫字平徭役教種藝振游惰爰建社稷壇役雖浩大而民不告勞費雖豐腆而財不出於民斯後也爲吾民而爲之也蓋亦紀之堅砥以彰賢令尹之惠俾畫簾製錦者不徒曰有社稷焉而知所以有文有

實也又使後來者知所矜式焉子盍爲我文之辭不獲命則告之曰昔有爲句容令者先是縣多盜令於是改置社稷而加禮之縣之盜由是遂息焉今令尹禮其社稷徼福於神將以草民俗舊染之污誠先務也嗟夫今之縮銀章墨綬者冗焉蝟毛窘焉鑊焦察焉吹沍懾焉懲虀蹙蹙焉求免上責撻拾焉從事獨賢羣胥誼嗶乎前雨辭辨競乎下未嘗頃刻之少休暇豈遑社稷之建置乎而或僻遐滄靜則山城無事醉醲飽鮮爾奚致意民事念社稷之祈報乎不然淫魅之是嚙咄曇之是信飭土木絢金碧詔非鬼禋非祀又安知寅社稷以奠民乎魏侯賢令也壇壝穹如規模壯如禮制儼如山川爲之改觀人民爲之贊美於是人和而神降之福斯不孤民社之寄彼句容令之加禮於社稷而盜息者大有逕庭又何可與此同日而語哉夫民社先務是宜紀也於是乎書

重修學宮碑記


魯璠瑣

至正昭陽協洽之相月河南張順中子英職教應山既  
蒞事祇謁先聖先師見其殿宇門廡材木多腐瓦石多  
泐簷頽壁仆支西墮東蹙然曰終朝之雨流潦不停旣  
夕之天列宿上羅學制果如是乎連數年城無誦絃聲  
教化不行有識之士所以深慨嘆而重傷閔者君子是  
以觀學校之興廢卜時之盛衰與政之得失也欽惟皇  
朝列聖敦教諭綸綍之詳如此而廟貌之不飭奉承之  
不恪豈理之不繼是負朝廷也是負聖師也是不勝其

任也亟以請之縣提調官達魯花赤黑斯從仕縣尹張叔恭承事及僚佐咸是之欣然曰縣欲新之志願久矣膠擾於簿書未卽經營子得我心之同然伯兮叔兮倡予和汝於是請集諸儒謀其資費咸樂爲之助迺求材木迺堅陶甃迺謀迺作迺召工師迺新迺葺鳩工於甲申秋八月至十又二月將畢事魏從恕代尹縣嘉美贊助厥成益光焉夫其廟貌闐闐矣其殿庭殖殖矣其廡序秩秩矣其楹星將將矣異日之腐泐躓仆者今整整矣子英迺欣然曰吾之責塞矣吾無負於聖師也

之嘆吾知免矣然是役也非縣之賜亦何以遂吾之事焉夫子之不我遐棄則願以紀之將壽諸砥礪以識提調官之功以爲後來之勸毋金玉爾音予以寡陋固辭不獲命則復之曰君嘗捐己財以建河南書院矣則今修泮豈不綽綽然有裕哉所謂常情視之戛戛乎其難巧匠臨之恢恢乎優爲也若夫旅楹旣閑寢成孔安縮版以載作廟翼翼商周敬崇宗廟者詩人頌美之聖人收錄之昭示孝敬也况乎新葺廟學所以嚴明祀教至教篤風化之本原謹爲治之先務可後於商周之雅頌

乎思樂泮水薄采其藻載色載笑匪怒伊教爲之三賦  
雖然二三子濟濟矜佩於於麗澤鼓篋於斯來遊來歌  
盍亦思其所以崇建廟學之故而知其所以爲學者何  
爲也哉



修城記

明邑進士知州顏木

縣而不城蓋百有七十年矣或局於其形或恃於其利  
或難於其人恃於利者以其阨也局於形者以其拗也  
難於人者以其費也謂其阨則岡合而濶環天成其形  
不俟之也謂其拗則中下而四崇隘之則偏拓之則水  
齧而民參之不可爲也謂其費則藏虛財縮勤民動眾  
疑而弗決憚而弗前也夫先王之制侯城視宮今之縣  
古之侯也而可少之乎於是乎王子城之焉徙濶而南  
折東迤北至應麓徑三百步與下流合而堙其故道絕



公之餘補民之參者六十四家體裁一新規模殊別其  
雉堞綿互蜿蜒糾結疑然以盤也睥睨關柝彌縫重襲  
緻然以間也鍛厭蘭綺參錯布列斬然以整也楹磧棟  
窟挺卓伏制崛然以起也枅桁榑櫨交互結構業然以  
承也茅櫨檐楞布散絡連奮然以張也薨棟反宇獸吞  
鳥翔毅然以怒也櫺疏罍恩髹塗聖盛粲然以光也郢  
襄汝申衡從千里疆圉險阻鎮重威遠此其一端可謂  
壯也已夫築削墉圮賠鏖購材增陶埴碣建樓樹櫓鍛  
鑊髹聖關棧管鍵敝精竭神寒暑以之王子之功也王  
子名朝琢字惟佩號環溪吉之安福人

教場碑

顏木

王侯大閱曰教場者畝而強也且菅蒯榛棘擘然而纂  
歷也曰演武亭者砥鄂謙切弗可以爲別也其凡可知  
也曰快手者百也孱而罷也衣物裯如也兵械剝如也  
服習闇如也王侯曰是尙可以爲武乎於是薙於是柞  
於是拓於是築於是圮於是飭於是簡於是閱故其所  
以爲場者廣而堂也所以爲芟者爽而豁也所以爲士  
者壯而制也所以爲器者堅而利也所以爲教者習而  
要也庚寅歲蔡寇至士擒之如櫻蚤捕蟻也王侯曰庶

幾乎武哉夫是之謂麤而近者也且勞而勞也慎而定也密而立也精而成也矧其大者而可無是乎嗟乎於此可以觀德矣夫備周則無患縣而無患可以資生可以敘倫可以興作可以神化藩郡受其成國家安其利豈小小之故哉初侯之屈也文廟亦圯侯亦白之當道而營之其功爲大茲次焉馬帥祠又次焉宋子坊又次焉連子墓又次焉養濟院又次焉兩義塚又次焉禮仁該武文具人神協是諸役之道也故君子謂王侯於是乎有政侯名尙用字賢卿江西之安福人

東張公祠碑記

顏木

公名巡字巡唐鄧州南陽人爲御史丞守睢陽賊帥尹子琦攻城與之力戰死而史載其事縣有其祠官無祝釐牲幣且令甲之闕載也其吾民之私乎公之忠義激發如烈風迅雷所在披靡百世聞者猶足以死奸挽亡而起夫人之敬矧距其上著若死節之地纔數百里者乎大義驅人羣心欽仰而望而祀固其所哉且祠之興而廢廢而興不知凡幾國志有其述父老有其傳豈近世之爲乎僧徒弗逞蝕爲佛堂僉憲陳公廉而逐之

知縣王朝璣典史鄧儒從事焉基爲右隘購諸民而益之祠以三楹翼以兩營繚以周垣啟以大門正其位號定其祀設祠後門旁有隙地也則爲廬以餼民而行其贏以爲圃通計其地廣十尋而弱長倍之而強廬圃之稅歲得白金九十餘銖焉蓋十八以備物祭於是乎供也十二以雜費理其蕪膏於是乎出也祠以久矣民所自爲而莫屬於官禮之明備疑未有今日也不止此也射圃見侵者復舉田見侵者復汶道見侵者復使輶所至頽風振而薄曰敦詩曰淑人君子其儀不忒其儀不忒正是四國其陳公之謂矣陳公名嘉言字伯行關中人知縣王朝璣作有春秋二祭文別載

馬都司祠碑記

河南都指揮僉事 鞏 臣

公諱振字仲威世為山後人曾祖馬喇沙永樂初降附  
 以功陞指揮僉事祖義指揮同知父俊都督僉事皆以  
 身死國公襲指揮使以父忠節陞都指揮僉事宏治癸  
 丑兵部推公武勇忠勤奏除河南都指揮使司公之初  
 來也將士卒分番入衛號令明肅賞罰公信其律已也  
 廉其立法也寬其御眾也嚴而不苟故垂二十年家無  
 長物而人樂為之用正德辛未霸州賊起始以數十人  
 自晝剽掠橫行河北商旅阻遏尋渡河而南是時將兵

者多顧望畏縮不敢追捕公獨率十餘騎奮然挺身逐之自汴日夜兼馳至湖廣應山縣樹林山口接戰起已抵申天地晦冥力寡爲伏兵所殺公之志雖不就卒死以忠悲天公旣死賊愈滋蔓數月之間擁眾十餘萬攻城屠邑大肆猖獗中原爲之震動上廬天子之憂分遣大臣督邊將四路征剿經兩年始得撲滅其甲兵芻糧之費亦已極矣大都憲陝西彭公時總帥駐汴聞公與其父祖咸歿於王事因大書世忠二字表其門先是有司上其事朝廷復陞公子昂如公官嗚呼公之能盡厥職身雖死名何其榮也耶余以菲才備員河南都司與公子爲寮窻又奉勅守備汝甯信陽等處乃公死節之地余常出巡履其境見其山川草木環聳森鬱宛如公昔日與賊對壘而人馬馳突戈戟交加金鐵之聲琤然也使人想公之武勇果之氣慨慕不已焉使是時諸將兵者皆志同於公不畏縮顧望而協心戮力相機策應則賊不難於殲而公亦不死也又豈至勞宵旰而糜餽餉也哉歐陽子云古之名將必出於奇然後能勝然非審於爲計不能出奇孔子曰必也臨事而懼好謀而成

者也今觀其地皆高山深谿道隘不能還車兵法所忌此公之所以取敗然公之心真足以裂金石貫日星不可誣也余歎公之志悲公之死因與汝甯太守平原姚公宗瀚卽其戰處立石書蹟於其上使後之過其地者知公英勇如此若夫公之勲勞忠節固具載國史余不敢贅言也

龍興寺記

明邑舉人 向光振

明嘉靖四年乙酉秋七月應山縣龍興寺新作昆山人成向子光振聞而遊焉曰侈哉懼弗永也已比邨有山齋在邑東內幽奧而外峻絕徑由澗中石白水駛是故四時無車馬之迹鳥獸草木無驚擾之患夫子曰弗永何謂乎振曰吾聞之敬以觀德則以處事功以與人不易之道也古者先王既有天下崇立上帝明神而事之於是乎有朝日夕月以教民事君諸侯春秋受職於王以臨其民大夫士日恪位以儆其官庶人工商各

守其業以共其上夫然後上安下順而可以永久今茲  
土木之迹非以敬德也空寂之道非以則事也遊惰之  
術非以食功也假廬舍無在猶恐其有所墜失迺其說  
徒存而迹彌彰懼于先王之法而自遺■戚比邱曰  
唯唯抑聞諸大覺蘊空而邪妄息性著而難苦解是故  
身於何有豈其戚之能生惟是吾亦懼有所墜失芋其  
居崇所事也尚其人示若存也又豈敢厭縱其耳目以  
干先王乎振曰嗟哉迺今知臺城之變梁武溺焉誰  
浮屠氏爲之夫陰陽者自然之勢也扶陰而抑陽者  
人之教也要之吾有以勝之耳雖非先王之道也何害  
比邱曰此寺不知荆於何時昔者掘地得鐘焉識曰天  
曆蓋元已有之迺元而上莫之或考金石不足也夫子  
之言可詔夫後之人請刻石以徵於永永殿據山斬石  
爲趾凡六楹旁翼四室登其上平棋諸峯前爲石級護  
以石檻內像諸佛鋪鼓器物皆備



印臺書院記

明狀元 羅洪先

楚傅子德輝居應臺山之側察宜觀象登岡阜彝直若  
冥契焉學成出爲天子御史有能聲旣蹶而興不變所  
操人謂傅子得之應臺云羅子曰龍水土而敦仁者大  
智之造也慕幽鬱而藏用者強服之修也樂曠莽而寄  
情者捐俗之適也興采物而呈葩者多文之資也傅子  
奚得諸進不失正退則得己惟大智者爲然御史法臣  
也法臣以法進退天下猶山之羣望也得失人皆議之  
矣詩曰天作高山夫人亦有之中立而不倚乃所謂樂

山也傅子奚得諸然則非得之應臺乎

重修學宮記

明邑舉人知縣 劉化

吾學自成化六祀李侯再造至世廟嘉靖九祀夫子廟  
隳十祀有詔正位號二王侯相繼成廟逮辛酉蓋三十  
餘年而宮牆傾圯廟宇至不能避風雨况先聖先賢所  
宴娛哉是祀夏復大雨益頽不可支講堂  
陳喑喑者有日月矣乃月江樂侯奉命來任方釋菜輒  
悵悵然曰治不先教教不先黌校將化誨之謂何顧時  
郡景藩新封中使往返京師此爲孔道絡繹相望輿隸  
餽餼費供不貲又邑有舊壽國佳城爲新國莊應支令

旨不絕邑爲疲憊土著皆麻而歲復不登侯容與酬應日拊循其民三閱年所而疲憊皆麻稍稍蘇息辛酉甲子兩試無利者堪輿家以爲崇在學宮乃就樂正弟子員語之曰學宮不甯惟頽制且湫隘諸文學其能興乎乃庀徒鳩僦功昕夕深心計畫所以埽而新之其材礧瓴甃取之壽國佳城香殿一所伐之淫祀二所墮望月黝百工餽廩或取之贖刑或估之地值業已有成算矣乃相土枕高貴山環羣山左東觀右三鍾帶汶水榜印臺移舊址前數丈許拓前二十丈爲雲路前坊曰儲書左右坊曰成德曰達材以爲之表槐市矢如也豁如也坦坦如也樹瓢塞者三一拱內向左右翼而崇乃門楣星三角爽塏乃門戟得而入則洞如也灑如也煥如也乃爲墀爲露臺乃爲廟庭棟宇飛雲琉瓴涵霽青苔芙蓉鉅若斷鼈巋若太華翠氣蔥鬱望之隆如也萃如也聳如也伛如也穆穆如也廟東西爲廡翼如也秩如也翩翩如也戟兩掖爲名宦爲鄉賢恂恂如也安安如也邃則祀啓聖宵如也窈如也恢恢如也先聖神得所宴娛哉侯曰可以俎豆矣入爲講肄堂則明倫閣肆軒

如也廓如也轟轟如也噲噲如也齋則東西深靜淵如也儼如也儼儼如也侯曰可以傳習矣而膳庫庖漏廡舍林如也笑如也敬一有堂慄如也僮如也尊經有閣仡仡如也言言如也侯曰可以鼓篋而曳裾矣化理其興乎肆今以舉禮樂則肅如也邕如也神洋洋如也以舉詩書則晰如也琅如也士濟濟如也於於如也絃誦之化彬彬郁郁月江侯之功可泯泯哉夫是役也自甲子秋經營明年夏斷手而祭落夫自數十年所喑喑莫誰何者一日而舉已難而舉之爲大造一掃更新之尤難大造之多事之餘困憊甚且歲之秋而黔首不知勞瘁藏不稱詘尤難難侯之功可泯泯哉按侯名頌撫州臨川人乙卯進士月江別號也

馬公學田記

劉化

夫學理道先之是用譚吏治者卽公儀休黃霸臈炙子  
長猶將指摘而至於文翁則爲之歆豔頌讚之不衰何  
以故雅以能獨興學也然子大夫服先王禮義教以爲  
學其道蓋流注古今貫串天地品物若是其鉅而其修  
之學政者亦稱是鉅及於田之渺小其起於古者養道之  
廢而神浹治化者將藉茲充先聖賢俎實之所未周諸  
師儒膳廩之所未及而通養之微權以資敦乎吾學故  
聞有田晚近來乾沒民族而司理此者率傳舍官常秦

越膠序襲故蹈恆幾何日月矣頃郡伯定宇馬先生入郡之明年特有舉焉按先生崛起鄒魯間用進士起家筮仕命確蚤著異政教聳先帝特以柱史召公立朝風猷表表按部淮上攬轡埋輪慨然古人致節居無何移守吾郡據法謹言約躬循理無謝公儀休而應物摘從崇德敦化無謝黃霸至於興學右文則又方駕文翁焉嘗分俸給廩葺弟子員聚之槐市口橫經而課之二業由郡逮所轄六邦莫不彬彬然嚮鄒魯風者蓋公生有自學有原委治知所先其風力自有餘如是肆今上大

計羣吏黜陟幽明而公首膺符與寵靈龍賜爲天下守第一人此固不必於渺小觀之然觀之蓋有徵先是邑有訟田者俯伏公階鸞鳳片言遂相愧讓厥田於官公畀之學又捐俸若干金廣之凡田若干畝計二所一落邑治南廿里許一落邑治東十里許蓋鉅者舉而渺小者亦克勤且逮所轄夫謂文翁埒非耶田成之來祀邑象視者張維翰來於走問記未及舉迺張公仰松由諫省遷長吾邑凡三閱月吏習民安雅崇文治修舉廢墜一日偕新博曾傳及頤及胡就走曰昔西伯質成而虞

萬有閒田自斯菁莪棫樸之化由汝墳而江漢郡伯田  
斯學也豈小補云乎走頷之而懸之迺俯俯思思端公  
甚盛嘉惠意而記之曰是詎獨出之田哉蓋將令敦且  
育是學者由是田而思心之有田從而修禮耕乎陳義  
種乎講學耨乎本仁聚而播樂安乎此謂心之田而丹  
府靈臺中井井均者耶吾庠固有先得之者處則節義  
出則勳庸茁矣秀矣且實矣而後來者恆復如是不塞  
不蕪而不幸一爲寒熱則力耕之而蓄而畚而大治且  
稱腴則公嘉惠意近之不獨田之田如老農己己者苟

徒舌而織筆而耕而青紫云則禮所謂無耜也况乎種  
而耨耨而穫穫而食乎若是者卽文采不如老農走知  
非公意也以故謂夫藉田之渺小以通養之權以資教  
之鉅者爲可記史官異日者譚史治必將合文翁龔黃  
一傳以示國家菁莪棫樸之風化得人如公公諱文焯  
山東安邱人而贊襄理道者二郡公蔣希孔亦山東人  
皆鄒魯之傑也三郡公孫世光江西德興人四郡公梁  
柱臣河南順德人邑長公張博浙之山陰人

自得園記

明邑貢生州判號松峯 張紹槃

自得之義何取素位而行無入不自得之意也予久困場屋幾得而復失者屢嘗以爲憂忽翻然悟曰此有數存焉非文藝所能博換焉者與其爲此所束縛焦勞苦惱孰若樂天知命守正俟時順吾性以率吾真耶予性癖喜花木耽詩文卜地於城隅得荒園數畝築室於上三年成之匾爲自得規模宏敞而山水之奇天造地設東接城阜西隣黌校臺山案其南辰樓枕其北城下開小徑逶迤迢遞可通往來當戶有石階峻峭可攀援上



下柴門傍竹芳草盈隄桃李成行椅桐夾道松巒端拱  
宛若畫屏地多出泉引水爲池有圓池名太極種以瑞  
蓮育以金鯉中坻其地乃建以亭門屏內有方池焉潛  
以多魚客來舉網可得中有橋直通亭臺樓閣橋之上  
有欄坐而憑之竹影波光自相掩映亭前有名花異卉  
十餘品其他常植不登數一捲簾而山水樓閣之奇舉  
在几席間有客題之曰城市山林又有取其景之可咏  
者分而爲八亦頗自然雖未敢擬之勝地各園惟縱意  
所如皆爲樂事若有無人而不自得者命果通也推此  
樂以公天下命果塞也持此樂以終吾生竊怪世之徂  
於功名富貴者未得患得既得患失詎知通達順逆稟  
於有生焦勞苦惱竟爲何益矧吾生寄浮漚於大海托  
一枕於黃梁秉燭夜遊猶恐時之不逮願以有限之年  
索無窮之欲何惑也其有計錙銖之利爲升合之祿開  
關萬里奔涉四方寒暑有所不辭風雨有所不避險阻  
有所不恤區區利祿幾何而自苦若此其視自得之義  
何如哉故觀於衆人之自苦而益知聖賢之自得不可  
及也孔顏樂處竊欲尋之而未之逮姑以是名園以見

予志焉

應山新修儒學記

楊漣

應山當楚之北徧故地甚貧瘠學亦陋簡嘉靖時安福王侯修葺之嗣是吏茲土者夫且傳舍其官學之廢興復不關殿最之數又費詘莫敢鳩工浸循門垣鞠爲茂草至一切躡踏無禁諸士始未嘗不咨嗟嘆惜久亦習爲故常消索闡召之氣中於人文卽賢書比年不相接也廣德夏侯至釋菜畢周覽愀然久之曰人且病之奚以妥在天者夫黨有庠術有序鄉老塾師率里井餘子揖讓周旋亦莫不几筵絃管秩秩彬彬豈百里之地天

子且命之而聽其圯壞若是博士劉君陳君與諸士某謀所以新之用副侯嘉惠人文之意乃賦其先人田廬之人附以假貸心計禮規鼎今酌昔使習於工作與急公者若義民楊某屬之董理棟宇門堂廊廡庖溜藉聖黻黜之色几筵俎豆之列無不絢好精整規模氣象一煥簡陋耀於光明匪直繕舊矣劉君陳君率諸子弟登侯之堂再肅而前曰聞之禮君子不家於官己耳以官事爲家事士民若子弟之安受成事於父兄自君侯始吾黨實未之前聞侯曰今之居官者謀家皆誤耳求田問舍以遺子孫以爲吾他日歸吾國樂吾有家耳不知家者吾身之所託而麗吾身者之所庇也余旣受百里之地而君之有父之尊母之親主伯之責應山正吾家矣四履之地單赤之飢寒疾痛皆余所當問語曰苟有利於百姓吾無愛於髮膚况吾子弟之秀鼓篋遜業之地焉明珠之光不在櫝而美櫝以爲珠重百工之勤不在肆而善肆以爲工資故重學者士資士者學苟無學而責士之不講是爲父兄者不置半畝之宮而欲子弟絃歌於野也吾免吾責己耳吾方冀吾子弟津津嚮學

吾以時登堂揖讓相與考道論業以匡吾不逮而與諸士交勉之則吾雖愧非賢父兄所幸有佳子弟而家其不替矣乎博士及諸弟子員瞿然退以侯之言屬余記其事余惟侯固曰余爲學以重士也侯不愛心力大有造於諸士諸士不可祇德侯而已無以爲侯重亦奚所得當於侯余謂亦以家喻夫父兄之庀精廬端拜賓師無亦欲其子弟發名成業若猶是荒於嬉而毀於隨徒優游家塾頌美哉輪焉美哉奐焉此以稱父母當矣父母何賴焉是在諸士志之若余不諛之言附之他山之石可也侯名某字予蘭諸善教善政有與人之頌在不具書是役工作之數主亞之名并具在碑陰

修復高貴山靈境小引

楊 漣

應山故多山高貴當申楚之間獨秀挺萬山中插碧撐青只天在上遠近望之若形家言稱天馬者俗呼大龜山是也高僧傳載白暘道人誅茆此山東來目不識丁穴石龕於山頂念佛滿豆若干石遂通靈無外著有尋牛歌人牛雙忘偈遠近信嚮者隨僧俗姓號贈以詩篇皆饒理解一日期山上下比邱將以集日大歸及期自吐火積薪上茶毘及心猶拱手別諸比邱因是山上下寺宇駸駸金碧映嵐靄閒矣嗣後僧饒而眾多不戒於

行甚之有姦穢大士座前者一日停午無雲山絕頂上  
雙龍引水初如兩疋練倒下寺及僧一空山下人迫往  
視之崖谷閒若有人傳聲眾響跡之於木石數千層中  
得一老僧覆木觀音像下衣履無恙駭問之曰不省所  
以此僧後亦不知所往其觀音像今存邑治報恩寺中  
他諸金碧道場亦漸沒草萊矣萬曆三十年予諸生時  
從土人肩鋤採黃精至其頂石碧千尋峻峭直出有苔  
封石屋貯一真武銅像四元帥附近人稱爲無梁殿舊  
靈應甚謁者無遠近冬夏屋前橫架一鐘叩之聲甚洪  
遠鐘前下一石龕則古道念佛處雙趺宛然環眺諸山  
若拱若揖若蹲若迎下視遠近煙村幾點在培塿中是  
日雨後天朗土人指點漢江如線轉北俯矚其莽蒼翠  
峯之下有潭沈泓不測前白日引水上頂下洗穢土者  
此中物也自頂直至山腰得一殿佛像鐘磬猶有可觀  
拂草閒碑讀之則白暘道院也至四十二年再一扳臨  
殿半無瓦僅林礎塵立前瞿曇像藤蘿匝體頂上兩高  
雀巢如拳披荆榛更上絕頂鐘已無有獨真武像在雨  
痕苔色中爲惘然久之人傳偷兒碎鐘甕歸已共昇像

走苦不得動奮引斤鑿之刃倒著臂故不得移此不必  
深論山既險絕無贏糧可以供僧僧故不能住有松庵  
和尚於山下廢寺基上茨屋焚修往語之曰如白暘道  
院稍一葺理汝肯守岑寂乎僧曰唯唯檢得十金付諸  
山下居士楊愛峯共伐石運甃補其垣戶山下好善人  
助以月燈覓得舊佛數尊付松庵禮供今年松庵同劉  
齋公語予曰前年僅存好蹟風雨蓬蒿又復奪之矣奈  
何予無以應時偶有問餽者得二十金卽付僧同劉齋  
公聊且支持適蓮幕智湖程君至語之故力任經理曰  
須一至頂相度之圖所以可久無但支吾目前其策實  
往至山下凡四五喙息始及頂問殿且石矣灰復回之  
不十年而泐裂表如此何故則曰此頂無山與齊雲巖  
亦濛封冰不及冬卽合至春深始解風更迅烈難支石  
但容鑄卽洞人浸循揭之而走智湖曰甃以石故灰泥  
不合須累以甃灌之油灰更理以石牆以當北風殿前  
開平如掌高起臺基納級而上周以石欄使人望之巍  
然起敬其登頂之路仄不容趾陡不容立者並有以平  
之無苦扳躋人或當險絕峭削處開以千人坐表以石

亭資勝倩人叫嘯庶幾瞻禮共快乃成一勝境若仍復  
 草昧屋前石齒齒嚙人趾蹊蹊礙人目登者只有悔心  
 何今日之重修為是則然矣而費不支也曰夫安知人  
 好事之不如我請疏眾共成之破吝之為惠敬像之為  
 禮存舊之為義濟勝之為德亦同人之所共好也吾但  
 聽之而無取必焉不可謂非吉祥善事也余乃次序前  
 後語如此以付松庵和尚

應邑修城記

戶科都諫 蔣永修  
 三楚督學

古陽為全楚門戶衝其里狹其山土瘠而民貧俗醜樸  
 喜儒尚信義有古遺風焉邑治舊無城隍嘉靖時安福  
 兩王公先後作吉令而城築乃竣自闖寇蹂躪以來二  
 十年間剝郡無完城古陽城高二丈周遺六百九十餘  
 丈耳直以馬蹏蹴之胥成平隴而先任徐公望雲獨毅  
 然堵禦之背城厲兵殫墨子守法寇仰攻數數不得逞  
 且被創去迨公陞擢而城遂失守故至今人人能言徐  
 公守禦功城之所關誠鉅矣 鼎興初郡邑粗定流亡



未集余甫葺境四顧荒莽城復于隍敗礫中見三數間  
茅屋擇其一二就葺者爲堂署霜草蔓前庭事寥闕卽  
有善教烏乎施未幾軍需倉卒驛使紛馳僕僕牛馬走  
兼黃麻汝孝問土寇蠲起一日破兩鄰邑距吉陽纔百  
里勢岌岌不可支余募壯士多從徐公守城者戰守具  
皆徐公遺法厲氣巡城募自郊坰村聚之不保者數百  
口以壯我聲靈寇知備以故不敢犯屢馳會城乞師援  
勦三閱月撲滅之間歲一再發而城卒無恙嗟乎江右  
書生亦復誰能堪此顧自念夙昔抵掌而籌者正爲今

日之盤錯試於是起瘡痍卹溝壑循行田隴均賦清賦  
以給軍儲以充邦命又以公餘進士子談說詩禮訂造  
義交無復以非分干者二三年間聚族城中者千餘家  
士民漸歸舊業焉無何己丑中夏霖潦漫漫有懷襄之  
患上遡荆襄下及淮泗城垣多以傾圮告而吉陽爲甚  
夫吉陽百堵未興中澤難擾呼籲當事又不敢以天災  
缺正供蒿日憂心巧炊無術若是卽須之歲月可乎卒  
有震鄰之禍則奈何憶余別京師先任徐公秉憲西臺  
爲余言吏事甚悉蓋十五年前公亦興修築云余今日

之役四倍於前而物力艱苦百倍之然勢不可已乃集紳耆爲營建計訪徐公舊陶始其事設新陶若干所具存鋪備繩纆煨石范土椽砂悉於附近按簿程之是役也余暑不張蓋勞不坐乘日周施工匠前時其勞逸廉其工拙割薪俸以酬飢憊遠近之民咸鑒余誠踴躍趨事宜其刻日成也計城環三百三十餘丈高二丈應用甌料四十一萬五千五百有奇匠工三萬三千三百有奇他費稱是起工於六月望六日告竣於九月望日數月間樓櫓立鍵鑰嚴雉堞一新守禦之備固

圉之慶矣余思天下治有廣狹惠期於誠績無微彰志守其粹近者立法稍峻士民輒騰怨聲迨以仁厚忠信心與爲朝夕而下更多侮慢寬嚴之際詎不難哉黃霸力行教化而後誅罰務在成就安全治爲天下第一處治處亂雖有不同而成就安全之道則在爲政者神而明之余茲應三歷年所朝暮淵冰而不敢遽觀厥成者此也管敬仲有言地之守在城又曰城不完則亂賊入之今楚山以北保障隱然惠政善教不難次第舉已雖然城郭變遷余能必吾之長守此土乎第辛苦備嘗勞不

可沒謹綜厥始終留以告嗣吾政者是為記



修縣署碑記

丁亥進士 應山令 蔣永修

歲丁亥冬孟余始受事永陽入其邑城郭頽圯居民鮮少廨署榛蕪不可問矣未幾張邢肆虐鄰邑江右金逆煽惑繼之斯時人心風鶴未暇他治止力圖底定耳比己丑患洪水城圯焦勞殫厥事露處不暇恤也越庚寅冬余奉 憲檄考三載績因念公署灰燼不可久不葺而民力凋敝如憚人何於是捐俸金鳩工庀材依舊址經營之首建公堂顏以明德新民明所有事與所重也左庫右倉示錢穀所司毋容緩也次建儀門謂眾所觀

聽不可褻也後建衙室敢侈芋甯聊備晏息之所也壬辰春復治思補堂於中從應舊制覆用山茅庶幾入自公而草野艱苦情形目擊而心存也至內外建土神祠各一猶行古人萃渙之義也官駟之廩建於署旁者兩所以應郵使以節悍差以蘇民力爲衝塗任事不敢不虔也若夫候時有樓寅賓有館藏眷有室則俟後之君子擴而用之矣抑應俗土瘠民貧氣雖悍猶樸余六年間臨以寬厚勉以道義犯重法者無有故岸獄空虛焉或曰因圖福堂則圖土之設使人知畏余於此汲汲未遑言用歎云是役也贊政鄭子時董其勞其衙齋亦捐俸竣事均不可無記焉

順治九年壬辰孟秋月之吉

四忠祠記

黃安舉人 張希良

四忠祠者祀張中丞巡岳忠武飛李參政廷芝楊忠烈  
漣也祠四忠而獨稱張公者張公其肇祀也張公肇祀  
而係東者所以別於南張公祠也中丞功在江淮忠武  
嘗防禦安州李楊二公則此邦之皎皎忠烈者也祀之  
允宜中丞當漁陽變起兩京陷沒朝廷聲息隔絕憑孤  
城經百戰卒以其身與城俱碎元兵之入宋也大江南  
北無不開門送款參政獨以維揚片地堅臣節久而後  
亡不屈於阿朮以死其事同忠武憤和議之誤國銳志

用兵忤奸相忠烈惡逆璫之橫義形於色數其二十四  
大罪觸璫怒俱以逮繫詔獄片紙殺身其事又同合而  
祀之於禮亦宜張子拜於其祠而嘆曰甚矣哉人心之  
不死也當祿山僭僞秦檜當國伯顏承制拜官忠賢口  
銜天憲一時羣起而附之者如令狐潮尹子琦万俟卨  
羅汝楫以及呂文煥范文虎與夫乾兒義子之屬莫不  
高牙大纛黃金橫帶而誇得志彼其視駢首就戮沈埋  
獄底之落落數公爲何如耶及其貫日星光喬嶽俎豆  
焜煌雖村媪穉子瞻仰鬚眉莫不悚然起敬慨然生哀  
而回思向之所謂高牙大纛黃金橫帶而誇得志者求  
食其祠前糞穢之餘不可得豈非忠義之在人心有難  
泯者與然吾聞應之先有連萬夫者爲宋將侍郎建炎  
中羣盜犯應萬夫率郡人數千保山砦賊圍三日卒破  
之萬夫怒厲聲罵賊遂爲所害今鄉賢祠獨見遺倘以  
木主附於數公之側是亦忠之屬也夫忠義自在人心  
特無以激厲感發之則不勸自古志士仁人雖其性實  
然亦得之觀感者深也聞忠烈公之被逮別其鄉人書  
曰他日置我於三忠之列死且不朽非其景行於三忠

者有素安能歷九死而不渝乎故卒以四忠顯廟貌雖  
故典型猶新吾庸知此邦無嗣徽其人者四忠烏足以  
限之哉

水竹亭記

邑侯周 補

余於謁郡之初溽暑方始脫帽露頂人寺稍憩情見寒  
梢萬丈空翠依人爰命寺僧闢其穢澗斬其陰翳隨意  
畫一亭助其贊使成之亭未成聞有中山郝雪海侍御  
按蜀有聲者見訪焉余觴於此譚山川之壯麗誇楚國  
之雄豪夜分不寐天明告別貽我以詩曰一派瀟湘萬  
點秋更深積翠傍燈浮相思前路知多少不斷青山黃  
鶴樓又貽之以序曰叔子兄作宰應邑偶見竹筠數箇  
闢一亭據之春初別我於孤亭之上醉墨淋漓未卜後

會之期書此以志不朽千載之下知我兩人曾灑然撫  
溪山之勝也嗣是而亭漸成花間采石竹裏紅泉四時  
來觀光景萬千因額之曰水竹平分亭時與邑之賢士  
大夫分韻刻燭嗣當勒之黎賚公之四方所惜者寺僧  
多事擅用丹蘄累吾儉素王公大人有過而問焉者幸  
鑒之

如淨宮碑

邑舉人 廬士常

如淨宮俗名七里岡其地四通牽車服賈冠蓋相望者  
日夜不絕獨是土瘠人稀林屋鮮少行旅之往來熱者  
無以爲涼渴者無以爲漿牛吼飢腸雷轟乾腹倘所謂  
怨復怨兮遠山曲耶先君日擊神槍旣於山麓作爲大  
士禪林復誅茆結室於其巔煎茶以待過客幾廿載嗣  
後道士海陽更推廣其意而募乞於都人及四方之賓  
從另爲鼎建釘頭瓦縫蔚然可觀工竣顏曰如淨宮雖  
取釋家如如清淨之說先君適字渾如海陽適名淨經



兼以誌兩人艱難肇造之心後有作者其顧名思義毋忘所自始爾頻年水旱人不聊生舉凡瓦筵棖桷之文與夫金碧塗髹之事概乎其未有及也先君方思補所未備以成此勝詎意甲辰春仲忽遭寇賊之變顛躓千端踉蹌百狀先君出萬死一生之中幾不信災祥禍福爲善惡必然之報因憶昔日之大士禪林與廿載之前茶結室盡迂而無當者與有汪子伏龍者南州士也其人持齋好施偶憩於此遂慨然起而修葺之頽牆敗瓦忽現聖壁丹垣在汪子必非無所感而然然以視世之無佛而蔑鬼者懷挾厚質而止思以完聚其室家留貽其子孫余不知其人賢不肖何如也是爲記

重修玉皇閣記

邑貢士 閔則哲

應邑自流氛猖獗以後梵宇禪宮強半爲頽垣敗瓦卽  
幸存十一於千百亦皆童山寸巘無復翠柏蒼松都人  
士耳而日之疑爲神靈之所不屬也惟東門外不數武  
有東嶽觀觀之左有三清殿祖師殿其巍然獨尊者玉  
皇殿也翹厥肇造雖遺老不能言但見古柏扶疏虬枝  
摩頂秦槐岱松不是過也其廟若彼其樹若此豈非神  
靈之所屬哉顧廟貌雖存修葺久缺昔之良材成齷朽  
矣昔之瓴蓋多罅漏矣昔之莊嚴半傾欹矣順治初年

祖師殿以功小而重修玉皇殿以功繁而有待歲己亥張希教孫可選率眾居士等毅然相勉曰皇皇上帝非求民之莫者乎民既已莫而神弗念烏乎可於是爭先爲首以後爲恥而且輸貲無吝心敬神無妄念趨事無怠容不惟去舊維新抑且恢宏其制更殿爲閣奉玉皇於上塑三官於下規模已具奈功力浩廣修飾維艱歲戊申勉力增修庚戌告成人心既愜神罔怨恫甚盛事也雖然應之廟非寡乏也神靈之屬與否未可知使茲廟既成而士習益端民風益樸時和年豐獄訟不興盜賊屏息耆老壽康孤幼遂長所見所聞無非吉祥善事如是而後爲神靈之所屬則廟之成豈僅廟之成已乎故敬抒愚言勒石以俟

倡修大成殿疏

邑進士 閔 衍

應學之大成殿明初移壽王之陵廟而改營之者也厥  
制宏敞厥材堅良歷二百餘年而後榱楹瓴甍始有頽  
圯飄零之狀不得謂創始者之不永久也康熙己酉曾  
有修葺之舉董其事者不以心予力作之工者不以力  
予材不數年而頽圯飄零又告矣乙卯八月釋菜之辰  
閔衍執事見夫桷不勝瓦也楹不續拱也簷牙若辭斷  
也廊腰若摺脅也怒然嘆曰殿將圯矣圯則不可支矣  
且夕不爲之理雖竭數年之經費固濟矣聲音於眾眾

皆唯唯夫諸士之不急念此殿也予知之矣滇方鼙鼓  
響徧荆岳之疆北軍騷繹而下應邑其咽喉也襄穀變  
生不測應邑有震鄰之恐也關西之捷音久曠閩藩之  
招使未歸內帑告匱棘闈詔停文事非其所急矣天不  
駿惠蟲旱頻仍朽柚芻蕘將何以辦非所謂救死不贖  
奚暇治禮義者耶眾皆唯唯嗚呼由是言之則此殿將  
落朽株鞠爲茂草已夫子不云乎自古皆有死民無信  
不立文教之設實亂時之干城非僅太平之黼黻也春  
秋所書之亂臣賊子多先孔子百年而生惟孔子生極  
亂之世始成止亂之書三代而下弑父弑君終未若春  
秋之烈也故欲止亂賊當首尊春秋天下講明於太學  
郡國各講習於其學博士諭導恆於斯生徒問難恆於  
斯而顧此敗瓦欲飛蒼題盡齧心能安乎當今多事之  
秋天子焦勞百姓罷敝爲天下靖大亂建大功著大節  
而後顯 朝廷養士三十餘年之報若先師之靈尙不能  
妥必非禦災捍患憂勞君國之臣金石土木吝不忍捐  
異日必慳志功名全軀保妻子之士忠孝奸頑吾於此  
舉卜之矣齊桓公欲取魯仲孫湫曰不可猶秉周禮漢

高因魯不下欲屠之聞弦歌而漢不忍屠其城文教之固邦本救生靈如此其神且遠也文教之澤獨魯也哉時雖貧乏願以身先之

印臺山文昌閣記

閔 衍

應山多奇傑博學之士而文章氣運尙在顯晦之間多雄岡峻嶺高原大野而各山面目亦未盡標奇絕以顯幽遐豈才之不足地之不靈歟毋亦惟是振勵之術疏而揆剔之功闕焉未備也或謂古之學者日不窺園足不出戶師儒學校未可與孟陽山水雜然而並論不知山水文章自然之聲氣存焉賦喜登高謀欣適野太史公周行天下文章乃有奇氣歐陽公黜時文陋習自謂醉翁之意在山水可知而已神明之宰作興文教往

往修其形勝時其觀遊俾士子置身鬱蔥蒼翠之間發  
奇懷抱之奇踴躍歡欣於不自己優遊履飫潛受其益  
而不自知其法甚良其心甚密邑侯周奉命蒞應釋菜  
之初見學宮頽廢遂有捐俸修葺之意若曰人材莫急  
於賢序故舉之於諸政未舉之先使士子觀感有以明  
吾意之所在而靡然從之耳簿書之暇命駕印臺見其  
山西南逆翔而上秀麗闕廓爲學宮羽衛誠有如形家  
者言兵燹之餘昔之丸丸者童矣溶溶者涸矣軒軒頽  
頽者瓦礫矣於是慨然太息恐山川蕭索之氣中於人  
才文字之間意欲有所修建也而時猶未逮辛亥春有  
以大慈庵請者侯遽許之且捐貲爲眾姓倡夫臺山係  
學宮樞秀今乃首構梵宇爲香火祈禱地非其質矣而  
侯許之者以爲數十年蕭索之區一旦使人捐金錢興  
土木必懶慢而不前姑借感應福果之術以動之人心  
自奮然後因其已奮之心勵其好施之義庶可舉眾姓  
而惟吾之所欲爲庵成與士大夫遊益盡覽其山之體  
勢見東南一角拔出塵外下臨百尺面拱千巖景麗尤  
絕因與士大夫言曰聞此地舊有七丞相祠仰止書院

扶檣閣青芸閣皆藉山川奇氣以風勵人才者也今於此建閣祀文昌神不亦可乎眾皆稱善爭庀材鳩工於是大慈庵之後巍然挺秀而文昌閣出焉龍昂其頭鳳舒其翼夫而後人傑地靈乃與天上斗魁並通其氣也嗚乎侯之篤意人才一至此乎始至修學宮予士子以依庇而又借山水之靈崇文昌之祀爲士子牖其藻思發其奇氣所謂法最良而心最密者矣一人倡之諸人士欣然而成之自茲以往邦之俊彥從我賢侯獮飛閣之雄觀覽萬峯之奇勝聖賢之德業豪傑之經濟無不講貫練習於其中然後信天下之山水文章盡聚於此而無憾也



重修儒學碑記

教諭張璧

歲辛巳十有一月余來司應鐸學宮依城之東隅日就頽廢心實憂之適縣當事號召諸生橋梁廟宇一切興修余以爲此誠賢有司之責然私竊計其爲橋梁地非實能大有爲者越明年工卒不舉諸生無如之何未幾令以調任去署篆者逡巡未遑事益寢又明年癸未九月始獲遇我邑侯尹公自南漳移治於茲下車之明日卽視學徬徨久之慨然有鼎新之志因進諸紳士與諸父老而謀之且

廟狹小荒蕪

昌樓於風水不利皆將並建而遷之焉於是啓土告廟鳩工庀材擇士之殷實而有幹畧者董其役如韓君培彭君鎮邦梅君士傑是也始甲申仲春之某日凡十閱月而成功一舉而三善備焉施之有次第爲之有本末井井鱗鱗向之卑陋陝隘者無不堂皇式廓閉閣更新向之舛鄙蕭索者無不金碧生輝丹黃煥采蓋舉數十年所欲爲而未能者一日爲之以至於成豈夫人之所能爲哉或曰治煩不勞公之才足多也或曰舉重若輕公之力足稱也而余獨慨夫公以風塵鞅掌之躬荷崇儒重道之任能見義而爲其所欲爲且能爲人之所不能爲以視夫竊

聖人之衣被以見寵於當世者既不能毫末有補於

聖人而反借虛聲以濟權術而愚其黔首如前令之所爲其誠僞之分勇怯之故其間之賢不肖夫亦大可觀矣是役也約費金錢數千公先捐金百餘以爲倡余忝官僚之末既樂觀其事又幸觀其成思夫公之功不可沒而德不能忘也爰拜手而爲之記公諱行鐸字醒斯山左

淝城人

新建永陽書院記

邑侯 王鴻典

邑舊無書院子乙未夏莅任即與邑人士謀鼎建值甲午旱荒之後公私窘竭苦無其資越次年丙申歲稍有秋乃即察院行署故基合士民樂輸及充公錢文得千餘緡添建房屋若干楹後三楹中設至聖先師木主東西兩楹為院長書齋左右為庖湍之所前為講堂再前為儀門東西廂房內外共十二楹講堂左右耳房六楹儀門左右照房六楹皆諸生居之肄業再前為大門門之東樓三楹上供文昌奎宿下供土地三神

經始於丙申八月至丁酉五月落成延師主講席募邑  
生童受業其中顏之曰永陽書院董其事者邑貢生梅  
君士傑邑諸生王學義胡模韓天均陳人驥鄭挹皆視  
同己事不辭勞瘁久而不懈乃藏其事至樂輸士民不  
惜己貲以襄此舉洵屬好義例得書之碑陰以垂不朽  
後之君子卽此擴充培植俾遊其中者爭自濯磨蓄道  
德能文章爲國家有用之材尤矧始者之所厚望也夫  
時

乾隆四十一年歲次丁酉冬十月穀旦

新建永陽書院記

安陸進士 何天衢 補村

書院之設蓋仿古庠塾之意而良有司所以陶冶人材  
維持風化者於是爲急嶽麓石鼓楚風競矣應故劇邑  
未遑斯務考邑乘前明有仰高書院在印臺之巔爲司  
馬傅公鳳翽讀書處羅文恭公記今其址亦不存宋李  
元衡曰應山貨殖不饒而俗喜儒學名勝之流相望不  
之今豈異於古所云耶抑振興而涵濡之者固待其人  
也邑侯王西園先生燕南名宿 水莅斯土甫下車卽進  
諸生童月試之口講指畫娓娓不倦越明年政通人和

乃捐俸錢爲倡議興是役邦人亦樂承侯志成輸金恐後爰鳩工於丙申秋杪迄丁酉夏仲而告竣顏曰永陽書院延余主其席夫應山隸德安昔江漢先生仁甫趙公學本朱程下開姚許實上接濂溪之傳桑梓伊邇講學之緒猶可彷彿一二也茲又得賢大夫鼓舞作新先器識後文藝雅意陶成此邦之幸豈偶然耶而擔簦負笈之士果能勉之寸進共惜分陰不懈而及於古將見束修砥礪蔚爲偉器仰忠孝之芳標文章科第續連宋以揚前徽窺厥所原繫我侯力也侯歷仕楚北所至廉幹有聲雖簿書鞅掌而殷殷以勸學校士爲急務近又念里黨之向學無力者將置膏腴闢堂廡爲社學計蓋其樂育爲懷念茲不釋求之循吏傳中雖文翁不足多也所謂學道愛人邑皆絃歌與予以譾陋得與其盛乃紀其巔末且兢兢與多士共勛云

重遊龍王廟閘河記

程致遠

應之爲邑萬山懷抱所乏者停泓巨津也繞城爲汶溪  
 稍有源委然亦細流耳雨澍則漲雨歇則涸舊有木閘  
 時其儲洩但石礎不堅材力亦薄矧經兵燹蕩爲茂草  
 荒谿已邑侯周公莅任登城審視知爲民所利賴於是  
 捐俸數十金集材鳩工相度經營因山爲隄以殺水威  
 分流爲瀦以平水怒壘石如阜貫木如城密緻牢實壽  
 可無量渠成洵爲萬世利矣上建龍王廟奉所司也隙  
 地闢講堂數楹文以丹堊遭以垣垠沿山栽松竹水石岸

種榆柳近水植天桃穠李文杏拒霜水中蓄菱荇荷芰  
階列桂蘭梅菊水光遙映遠山若文君新黛設遇風欺  
雪壓一旦驟老堪令相如嘆殺也况梅花數點彷彿壽  
陽宮簷下乎過此則柳垂青眼桃綻紅腮春山澹冶韻  
致可人若乃楊花撲面鶯管如簧落英成陣爲山陰道  
爲武陵溪應接誠不暇矣俄而榴火垂丹薰風入座荷  
香襲衣小立河干時聞跳魚撥刺又何減琴聲靜好哉  
至金飈初動素月揚輝雁陣驚寒丹楓如醉達人韻士  
誰忍負此以此四時集我都人士橫經問業名賢輻輳  
不大爲山川增勝乎此地也徐大侍御劄之亦甘棠也  
吾謂文翁德化旣成必當掩前人而上之矣夫復何疑

應山縣修路記

沈德潛

平靖關在永陽山爲河南湖北分界處一名冥阨塞淮南子曰天下九塞冥阨其一卽其地也北爲信陽州南爲應山縣地之高下南北相埒而峭削綿互尤在應山從關直下陡坡共二百丈俱險絕自陡坡至亂石鋪中間艱跋履者凡四百丈自亂石鋪至縣治又二百丈高者怒突下者窪陷石子纍纍堆阜連綴其地當二省要衝行人過者馬蹄彈裂車輪摧殘行來恒惴惴恐甲子秋予奉使之楚度關以南目擊艱難進士何君宰是邑



九載政清民孚爰相度於此計道路之短長費用之多寡中有成算是經是營采石于山糾匠于邑蠲俸率先紳士商民慕義來助擇士之敦品者董理縣尉巡檢委令監修起乾隆九年冬十一月訖工十年春三月爲期一百十日有奇用銀一千兩有零既訖工過者揚策馳輪共稱坦途遠近胥慶嘗攷夏令九月除道子產對晉使謂司空以時平易道路單襄公以陳之道路若塞爲廢先王之教則以時除道固合於王政者也今何君修治之政及於道路則平日之修廢舉豈可知矣君之仁及於行旅則平日之周卹四民所以保護而矜全之者更可知矣而世之司牧者若催科之外別無理民惟敝敝焉盡心力於刀筆筐篋以蕪苟免於吏議抑何自待者薄而不思厠於古循吏之列也聞何君風其可以躍然興起已卜一年夏邑人來京師者述君清德勤民丐予作記以余嘗經歷其地信而有徵也因就其所述記之俾錢諸石何君名師軾字又蘇浙之錢塘人乾隆元年進士董理者邑諸生鄒泗依監修者縣尉王城巡檢章三策例得備書

武廟新置香火田記

邑侯 王鴻典

關聖帝君廟建在邑東門外舊無廟田香火供奉僧眾朝夕均莫由贍歲乙未典宰應邑展禮之下詢得其狀慨然曰 帝君神武特出忠義千古神靈之捷等於影響斯邑隸楚北界密邇荆襄聲威赫濯實武憑之尤蒙庇蔭而顧令香煙冷落僧眾飢寒可乎爰捐廉以倡凡邑之紳士商民咸踴躍以勸厥事計金若干置得城西傅姓田若干立契付住持僧緒風掌之夫 帝君廟食千載溥海內外罔不崇祀武廟之設春秋備虔今茲之

舉詎足增重而邑令及士庶之創爲此者亦將藉區區之忱通於神靈卽藉神靈之通以保我士庶風調雨順五穀豐登則永陽之福正有未艾亦官斯土之與有嘉庇也謹勒其始末疏列姓名田畝之數於另碑以垂久遠云

乾隆四十一年歲次丙申

武廟春秋樓記

邑歲貢汪炯

應隸德安荆楚雄關也城東北隅舊有

祠元至元間安慶路經歷陶公記之越我

百年崇祀焉道光丁亥歲牆宇傾圮黝聖塵封廟僧乞士庶更新之殿三楹廊六楹輪焉奐焉可謂急公矣後隙地數弓復矧危樓曰春秋何居或曰邇延野綠遠混天碧可壯遊觀也或曰曲而有容窈然以深風日清美闐然無聞神靈其棲之然皆未知其意也夫應山川秀傑風俗敦龐忠銘史冊孝著里閭馨香在昔無論矣而忠君愛

國之心崇正嫉邪之氣歷久不變焉

帝君爲忠爲義爲勤王爲伐僞大業炳如日星應人恨未能親炙之就正之竊念其服膺絕筆之書爲漢撥亂反正便後起者知儀型焉出爲名臣處爲良士兢兢戰戰庶臺山汶水間皆能懷仁嚮義遇非常臨大節不至迹可原心可誅也越己丑樓成都人士多聚集而登斯樓者考其軼事參諸麟經思夫事昭烈忘艱險不益知首止盟葵邱會之爲定一尊乎思夫辭魏爵終出亡不益知帥偏師無二心之爲盡臣節乎而且討東吳據長江不更疾鄭取禾晉請隧之貌王章乎誅豪強討孫曹不懷許止不嘗藥趙盾不討賊之無君父乎夫然則是樓也豈徒峙彼山城壯遊觀賴保護棲神靈而已耶將使仰而企者覩斯樓心知加勉也謹誌諸石以俟後之覽者道光九年歲次己丑穀旦

永陽書院恆豐田序

應城舉人 呂庭榭 梁湖

天下四大書院楚有其三石鼓嶽麓白鹿著名而江漢  
幾與之埒固賴有魁人傑士挺生輝映亦恃有沃土美  
田以爲焚膏繼晷之助而後師生薪水有資督課於以  
不懈是孟子所謂有恆產者有恆心農恆爲農士恆爲  
士無豐歉一也永陽書院向在印臺山故址卽司馬傅  
公鳳翽讀書處後因察院行署舊址改創於郭內燕南  
王公西園有記其田畝之數臚列於碑陰者若干值豐  
年則供給無虧而歲歉則缺如乙酉彝香于公曉峯楊

公前後莅於斯邑謀諸諸首士者不以予譎陋無文延  
主講席適余舊居停主人吳君可興率其子弟來受業  
捐田十二石爲師生膏火資諸首士乃請東西齋學師  
蘊庵夏公鈞山陳公敬懇詹湘亭邑侯申詳上憲亟加  
褒賞於是湘亭邑侯暨兩學師與諸首士乃名其田曰  
恆豐豐取雷火象無憂宜日中光大也若農力穡必有  
豐年恆之爲義大矣哉思不出其位其益無方力田孝  
弟器識文藝交養互修無荒於嬉無惑於他歧如苗之  
由秀而實加其膏而希其光將於是不平進朱子亦謂恆  
字篆文如舟然則生意之時佔暉肆簡諒於中若同舟  
共載習坎洊至因恆產而保恆心顧名思義野處不匿  
其秀行見豐於資益豐於德賓興計偕鸚薦鳳翥以無  
負

公子壽考作人之至意不其懿與况永陽山靈地厚代毓  
偉人文詞如二宋清潔如二連正氣嶽嶽如楊忠烈後  
之學者值此俯仰無憾之歲苟能灌溉經腴積而充之  
以漸至於潤色鴻業黼黻隆平使其學可以繼聖賢而  
名可以垂竹帛安在今必異於古所云耶生童其體良

有司教誨之義以無忘諸首士暨吳君之義舉可也至夫吳君之爲人也荒年捐穀濟貧乏者暇日造橋梁度行路者與本邑諸善士助修文昌閣聿興文風以其恆產達其恆心固不一而足且伯仲恂恂孝友能以厚德化其鄉閭遠近悉知亦無俟余言之贅云

道光乙酉仲秋穀旦序吳繼

洵勒石

捐歲科試童生卷價錢記

世沈熙麟

蓋聞化民以學校爲先作士以培養爲急應邑環圍皆山如黃峴白雁武陽平靖諸關最稱雄勝韓昌黎所謂深山大澤多龍虎變化也余己酉夏初承乏茲土接見二三紳耆皆敦品力學循循然有醇謹風莅治暇卽行觀風事其時生童尙少繼見余諳諳然興賢育才爲務舉行月課來者漸增閱數月則愈眾而就正者亦愈殷不已風氣蒸蒸日上與昨閱卷畢見有紳士舉人胡墀教職梅調鼎吳棻生員黃階吉鄭德溥閔淮監生胡堅

黃奎吉等公呈以國學生楊化醇暨孫文童慶嵩願捐錢一千八百串文交典生息每試取息錢三百二十串以備各童試卷考費並請撰文勒石以垂久遠予既喜其先得我心尤喜樂善好施獨能見其大也諸寒士得有所藉將射虎雕龍之技胥得自奮於青雲卽囊螢映雪之流亦無慮終淪於白屋洵於多士有功而爲一邑之善舉也是不可不表彰之以爲樂善者勸

道光二十九年歲次己酉孟冬月穀旦

捐歲科試童生卷價田記

邑侯張樹猷

國家以歲科試取士首重衡文而文非卷莫書卷非資莫備一邑之中其力能備卷者惟富家子弟耳至貧寒之士每苦買卷無資往往當縣府試不能終覆輒先歸去而工文者遂至無以見長安得富而好行其德者慷慨捐輸預儲卷價俾士之有才而無資者皆得揚眉吐氣展其平日之所學作爲佳文以博當途之賞識而取入膠庠由是登科第而漸至通顯豈非一快事哉乃慳吝性成者甘爲守錢之虜卽有一二好施徒以修廟宇飯



應山縣志 卷三十四  
僧尼謬自信爲慈悲而欲求其急公好義培植士林者何未之前聞今幸於應山得兩人焉乙丑春予攝應山篆甫下車舉行歲試禮書請發卷價予詰以經費何出答曰向有監生楊化醕祖孫兩次捐錢一千八百釧交典生息以爲試卷之資厥後兵燹頻遭質庫無存而卷價遂無所出惟餘田數十畝歲收租不足於用茲當歲試有期前任失捐廉三百六十釧爲縣府院三者預置試卷旋以調署黃陂而去移交在案今請發者卽此款也予曰是可暫爲之不能必官此者悉如前令必得一

經久之計乃可守之以爲常試畢爰集紳衿籌議其事時圍練局總許君端臣等述及邑紳郝君酉翹梅君時三嘗欲捐助賓興有志未逮予曰以賓興之費備童試之卷固猶是培植士林耳豈必有異初心頃之延至署中相商而兩人翕然樂從歸不數日遂各捐田若干石書契註明送縣請卽立案一時聞之者咸以爲是舉也其計周其利遠較之捐貲生息者尤可恃未幾而又有武生胡遵海者請將其先世所捐石龍寺田亦並附入蓋是時廟燬於烽燧者有年不以養繻流而以培土類

信乎其所重哉予謂助士既多卽惠士益厚竊計三君所入合舊田所出歲當收租百有餘石今而後卷價有資行之久遠童胥受其庇矣歲科試三年兩周其間豐歉不齊亦可酌盈劑虛以彌不足之虞是在經理者之善爲權衡焉夫士之有志進取者莫不自童試始方童子入塾之初賢師長必講求實學勉爲眞才而後出而應試投卷不費一錢采芹如操左券嗣是由鄉試而會試其相繼中式以至入詞林者慎毋忘所自來也予以楊化醇祖孫捐貲昔已勒碑今郝梅兩君之捐田其義尤有不可沒者故樂爲之記書畢適有邑紳高君俊民捐錢三百串以贊其成亦宜附誌於此時與其事者候選同知許君廷楷候選都司陳君紹元藩經歷梅君椿而經理田房歲收租穀及錢以備卷價者縣丞陳君廷鈺皆得書名以鐫諸石

應山縣考棚歲修經費記

邑信 朱榮實

縣治之有考棚一縣人才之所由出也國家設歲科兩試學使者臨郡校文藝之優長以入於學其名必先從縣始士肄業有成欲邀一日之知屆期咸集於縣冀列前茅獲冠軍以爲采芹基卽以爲膺鄉舉捷春官巍科高第之漸萬里程不於是奮乎哉顧縣或有考無棚或有棚而久廢不治往往就縣署或假寺觀爲臨期之用其地旣星散無門衛局鐫不嚴易滋弊混又非有東西號舍排列率二三人畀一几案占尺寸地佈堂廡庭院

幾滿遇風雨烈日霑紙曝面雖有佳思不能成構胡以人才所從出之地顧草率若是豈百里內遂無一人焉願爲廣廈庇抑工大費鉅前有創而後莫之修遂至於頽敗不可復振與故夫考棚之有歲修實法良而意美者也應山於楚北爲人文萃聚之區近以科名鵲起尤比戶絃誦每試不下千餘人予昨歲下車課士坐考棚終日周視庭上下整齊修潔固美其創建甚宏而尤喜其修葺之克繼也詢其費奚出口有胡君者嘗捐田助之計收租若干石每屆試期以爲修葺之用蓋三年之內有歲科兩試則其屋遂<sub>必</sub>歲科兩修有歲科兩修而其屋美好遂至今存矣凡物有成必有敗惟勤爲之修則遂可相繼相承至於千百年而不敗自吾人身心以及朝廷紀綱法度與夫天下之城郭隄防溝洫學校莫不皆然應山考棚固嘗有歲修經費存質庫以遭兵燹質庫逸去費莫追胡君聞之慨然任始得費不絀而歲有修君涇人也賈於應垂三十年生子業儒邑人嘉其義請於縣許之入籍今列縣庠名春瀚者也考棚舊有石碑一記邑紳某某等捐田助卷費予謂邑人之愛士

既爲備卷價以供其揮毫灑墨之用又爲修號舍以便其凝神據案之思今而後其益可發摠才藻頌異標新不獨於童子爲冠軍將大魁天下繼二宋後塵以爲邑里光斯不負培植之盛心乎諸士曰長官有言邑人不敢不勉而是培植盛心亦不可以無述也時方修葺邑志因命春濬歸檢前牒紀其詳於乘而予爲敘其崖略如斯胡君名先岳字岱雲於原籍蓋與予爲姻屬云

渡蟻橋記畧

沈鍾

湖臬憲僉張公宏治乙卯在按古鄆城境抵應山邑治涉關南之溪之橋顧溪環如帶橋偃卧如游龍信乎其爲偉觀者爰訊左右曰茲奚橋曰渡蟻橋也於時慙輿恍若有所敬而式焉者曰異哉茲橋也得非緣宋郊宋祁渡蟻於茲而得名也耶已而復訊左右果然第其橋規製頗卑且隘如以傾圮弗堪公亟召知邑事康侯曰茲橋卑隘傾圮吾欲撤而新之而董厥功將惟爾乎賴且周禮歲成徒杠輿梁詎非王政中之一事而有不容緩

者乎用是多方區畫得白金若干而材鳩工必帑民財  
毫髮靡所假貸委僧會潘祖文陰陽訓術向端出納之  
厥功董於康侯矢殫心力經始於是年八月落成於九  
月己酉高一丈三尺有奇闊僅減一尺兩傍列峙闌楯  
惟時卑以崇隘以廣傾圯以完固以今較昔固擘然其  
改觀矣橋南十武許又建渡蟻坊三楹尤宏且麗其北  
百步許舊有四賢堂春秋祀郊暨邢又暨連庶連庠俱  
兄弟侯謂茲橋之舉憲僉公行王政之盛心使無記焉  
曷以告諸後人謹按郊邢本開封人父爲應山令遂家  
焉因爲應山人郊以渡蟻陰騰故渠荷胡鶴前所相語  
後人立橋於茲以渡蟻名良有攸自矣郊邢著述各數  
千百卷其事業卓卓爲宋名臣云



答滇南風土問

明邑進士 吳翰嗣 御史

滇在禹貢梁州絕境漢以前爲西南峴故地唐宋時尙  
 棄爲遐壤不通中國惟元及明始歸職方等藩服矣自  
 貴之普安而西區域漸別風氣頓開稱勝境焉省會則  
 川原沃衍山澤紆帶而昆明金碧之勝著稱古昔尤爲  
 一方形勝也四時清煦得天地煦和之氣夏無勝暑冬  
 不凝寒信有如圖志之所傳者闐闐則商賈輳集百貨  
 流通視吳會之繁麗荆襄之廣饒殆不多讓而珍竒瑰  
 瑋之物尤有荆吳之所不能致者蓋其西盡大海南接

交趾天竺諸方咸在域中陸輓川輸有自來矣其物產之盛水則魚蝦菱芡之品陸則雉兔棗栗之羞凡江南所有靡不備具而草木禽蟲之屬鱗豔奪目羽毛逞奇則又多江南所無者古稱天地奧區不謂斯方哉獨其巨虺修蛇盤據深山大穴間以潛逞其噬嚙之毒四方行旅不諳山徑誤中之者得禍甚速此不可不慎者也若其瘴煙毒草時作厲氣諸邊境外則惟臨安永昌所隸有之他不盡然也善攝生者能於飲食起居之際節其飢飽適其涼燠而與時消息焉斯亦免矣乃若畜蠱之說予亦嘗聞之而未觀其事也意亦蠻俗所爲與中土巫覡家所習呪詛之術皆聞見偶出非世恆有吾能和眾寡爭使下無怨懟斯亦非所患矣予嘗論之天地五行之氣有生有剋有制有化萬物並育而不知其所以理固然爾假令剋制戕賊之物得獨行於天地間則有生之類滅也久矣是故弩石革刃所以捍毒方書藥物所以衛生惟在智者擇之而已今中土無虺蛇瘴厲之毒而人之妖於膏梁聲色者顧不爲少則安知彼人不以虺蛇瘴厲視吾之膏梁聲色哉吾惟以慎斯之術慎



彼以備彼之具備此則此不汨溺彼不誤中可以中土  
可以蠻域而於所謂生剋制化之理思過半矣

贈彭澗吾道兄雲水遊文

楊澗

憶余庚子辛丑時病已萬無生理非山非水之間疑憂  
疑真之境忽不知病之去體者何故自是屏去筆硯無  
復人間功名想結二三物外交共訂向平許遠遊我  
一囊先封公大事便圖干家一鉢作道人一生活路是  
時道友澗吾其一再爲鍊師宋養虛趙樵山文學劉玉  
磊意味都長劍耿耿倚天外也乃余世緣未斷不幸人  
賢書再捷南宮便如受籠投網奮飛不去已而樓山既化  
異物玉磊亦成古人獨養虛與澗吾不道不俗常以遲

余故亦竟未及遂逍遙遊夫余既自落羈縻復以羈縻之餘絆及兩兄可嘆可憾今養虛已結跌門中二年神日旺而月不同溘吾感慨結侶尋師將開秘於靈境名區都當必有所遇獨憾余之悠悠世路本念既非爲身家子孫馬牛却亦進不成其爲報明主養虛溘吾每言及此鼓掌大笑時或噴口相向然無奈歐人尙無吹毛利劍斫倒一切根盤何也今溘吾能作是決斷矣海天憶念不猶蓬島之羨雲鴻哉余常謂我輩有見地人但能斫斷世緣飄然湖海不須論到蓬島神仙而跳出情

溘忙田二二靜友合領取到處煙霞風月上之成得一個閒下之亦成得一個懶溘吾此行當不屑此一個閒一個懶庶幾他日於兩個字中設一塵以遲我溘吾嗒然笑曰夫所謂仙人亦只是非山非水之間一個閒人懶人也吾行矣無能更遲于矣

闔縣禱原任都察院左副都御史楊公生還文

崇禎忠孝祠  
明義士 閔 致

伏以大來小往天地之氣始通福善禍淫鬼神之權爲  
赫保茲天子嵩嶽既早生申未喪斯文匡人焉能阨孔  
大德未封侯丙吉垂危不死精忠須返國蘇武絕域偏  
存寇聚被萬里之竄丁謂逐而全歸魏公蹈合族之誅  
秦檜亡而無恙蓋物理變則必通賴天網疎而不漏縱  
忠臣多奇禍有十箇九殃之謠豈天意相吉人無萬死  
一生之路鑒觀有赫敢云視聽由民窮迫必呼弗恤肝

腦塗地茲爲本邑原任都察院左副都御史楊漣赤心  
報國灑血除奸一言出而禍隨片紙飛而身逮可憐六  
月炎暑白首龍木而赤體纏徽何忍萬里繫臣哀毋絕  
裾而孤雛破卵九閻已雲封霧結難通魂令之書羣虎  
方吮血磨牙誰泮軀人之劍坐看孤忠之殞命莫可如  
何仰瞻霄闕而陳情安能忍此虔修寶曆用代金滕敢  
昭告於 皇天上帝名山大川之神照及覆盆雪茲滯  
獄愁遺一老永託六尺之孤鐵我良人願效百身之贖  
竊念楊公居鄉履政必念可贊神明擊壤移宮事事堪

白列祖同受榻前之顧命首鋤君側之神奸斃七尺而  
早拌誓九死而弗變果投顯恭之焰火烈崑岡竟罹喬  
固之殃網張漢室但秦庭之璧尙有還期豈索案之囚  
終無生理未必二祖十宗不勝八千女鬼敢希元天黃  
地勿聽上六乖龍同懇帝作主張神司福極開未開之  
日月奮當奮之雷霆或夢通秘籙告本朝不殺諫臣或  
巫降新城懲凶人稍知悔禍或四郊拔木迎公旦於東  
方或六月飛霜脫鄒衍於北寺毋令一網打盡獄起同  
文毋令壯士不還風寒易水毋令楚客重抱江魚之痛

母令楊家復銜大鳥之悲盡轉妖孽作禎祥免使文昌  
纏貫索但得玉闕生人豈殊晝錦  
榮歸即使首正狐  
邱亦勝屍填馬草  
致等塵界無知秉彝好德非不慮城  
門失火殃及池魚決不忍人之云亡邦國殄瘁禱爾神  
祇上下皆曰何辜保我子孫黎民尚亦有利不疏愚悃  
俯鑒血誠

七世祖還極公幼曾出忠烈之門因忠烈被逮入都  
爲此呼天籲地之文同闔邑人士齋醮願求生還是  
知其不可而不忍不爲之事是知其不可而不忍不  
爲之文閱二百餘載每一捧讀輒不禁其聲淚俱下  
良由其事其文足以千古實由忠烈之事忠烈之心  
足以千古不第存明祚於天啟崇禎也厥後崇禎癸  
未六月十二日還極公亦以忠義軍殉國於青堆山  
嗚呼是師是弟並足千古矣還極公復遭乾隆四十  
八年諭旨從祀本縣忠孝祠嗚呼是師是弟又並俎  
豆千古矣子子孫孫宜何如念祖耶 七世孫瀛原  
名文鳳敬識時道光二十三年三月三日方重修還  
極公墓碑言旋也

遊黑龍澗記

邑進士 閔衍

戊申三月既望家君攜余爲高貴山之遊前一日宿楊氏庄談黑龍澗事絕可聽侵辰卽先覓黑龍澗路路傍高貴自腰直達其尾山盡則大溪橫之沿流而人行里許喬木陰森泉韻清絕碧嶺與白雲相爲浮動令人有遺世想再越大阜道漸南折土斷而川分每溪風作若虬蟒之奔崖衝擊者然一徑出巖側不數武而石缺裂不能容步深淵隱於下怪崿肘於左但盤旋而度徑窮則山勢落而平壤肥草滿徑頽垣數堵意者昔有隱君

子歟往蹟難追山英無語第見水雲竹樹縹緲媚人而已更進強半在野燼中與狐狸麋鹿相值於數里同遊者懼計童僕凡二十餘賈勇奮呼而前其最深處有學人欬笑者探之石上有遺果焉或曰此中多猿獼也將南度溪上棧梯聳然即古木之倒地者爲之道過王墳堂不知其何以名但平行多嘉樹飛巖從右起巖岈欲攫人雲羅幽竇自爲蔽虧焉又有怪石挺立遠望若與衆峯合即之則圓潤可以旋馬而一奇樹以根蟠之至頂始生枝本蕩蕩不凡倘所刻曰...  
父材即泉君

跌坐巖畔有絕頂欲依天作勢奇花不待雨添嬌之句共徘徊間而童子報曰某某已到澗中矣起而趨走約半里則見所謂黑龍澗者雙壁撐雲左右如削幽靄悄然濤聲驚落仰視碧霄若臥永巷望五更天氣遊者贊賞皆忘渾疑夢裏耳澗中有潭者三第一潭有石坎龍過摧裂水視之似淺命從者裸試之略舉踵而水已腰半矣二潭水從石堵側出滌蒼浴碧可一丈許至三潭則望之冠墜而瀑布從空飛瀉將落澗一鉅石凸出壁上瀑布觸之跳珠濺玉雨花散滿澗中令人神癡欲絕

不料如此仙境久埋於荒煙寒谷之間也然山不陟其巔水不窮其源古人惜之其於絕壁難以仰躋何余與諸少年於旁山見一流水處有坎可上遂望空膝胸而行屢扳屢息始至左壁之頂頂上多蘭皆一莖一花余下移數躅倚兩斜樹以窺三潭潭廣二丈餘水青黑莫測其淺深洪流注之而淵渟自若凜然有龍窟其中者已而攝衣南下地漸平越二行潦再穿崗脊見山上懸大河水勢皆赴於淵此三潭之源也至於大河之源又未易窮矣余步沙上復尋潭口來潭上一石前軒後軒余跨之以瞰潭水若挽轆轤窺井底耳瀑布直隨肘帶下流去坐久快甚猛焉大嘯忽山雷虺動晴雨紛披眾皆驚走而啼巖號慙之聲貫徹山谷余見眾去乃尋舊道曰適山僧採茶至謂家君等曰三潭若擲以石則有白鶴衝漚起余於是憾先之舒嘯而猶未擲以石也日西薄山中風惡不得已辭去相顧悵然即童僕亦多回顧者嗟乎澗中之景傲龍門而陋桃源不獨甲吾邑之山水而生此上者終身不一至其地間有至者又僅匆匆於一日半日之間何能盡此中之絕勝也哉柳州云



不書所作使勝跡鬱湮是貽林間之媿姑以余之能述者述其大概云

邑侯周公鳩集關民記

邑舉人 盧士常

憾這關古稱平靖關申楚之交詩人咏楊之水卽其地也萬山叢簇峭壁倚天乳虎修蛇飛蟠出沒中劈一線爲南北孔道劍閣蠶叢不是過也兩治相距道阻且長非信宿不達兵燹後葺屋十不存一犇犇車馬絡繹絕供億煩擾附近居民去之惟恐不速煙火不舉雞犬不聞者數十里至馬無解鞍之處人無息肩之所暮夜馳驅鬼燐猿嘯而已邑侯周廉得其善相地經營擇人委任捐俸鳩工庀材闢民舍百楹招集流亡給以牛種

俾之開墾與以資斧使之貿易免其租稅捐其徭役不獨逃者歸亦且遠近聞風而至禾菽被野商旅輻輳矣又爲置署開館行臺壯麗掾吏有房驛騎有廄豫其委積厚其芻茭居者安堵行者如歸官柳垂青壯陽關之行色酒旗高颺助學士之謳吟伊誰之賜與康熙九年旱十年又旱關民不自支咸告去侯慮之凡三出賑賑給之不遺餘力焉民義不忍去十一年春二月火燒民室廬殆盡豈天之厭苦斯民哉或以試公之誠不不倦耳侯卽日單騎往驗沿門慰畱給以錢米資其修葺不數日而茅茨復新婦子咸雜拜請畱焦頭爛額無怨也

重修節孝祠記

恩貢生修撰直隸州州判 陳璧元

節孝之建祠宇自雍正二年始也

憲皇帝御極元年

建坊旌表節義恐已曾建立日久仍致泯沒使人無所觀感着於本地設立祠宇門外建立大坊一座上標節孝婦女姓氏已故者設牌位於祠中春秋致祭此誠激揚風化敦率人倫之至意也二年應山縣尊張公錡於治北門徐公祠故址建造節烈祠迄今百數十年來凡貞魂烈魄不啻沐皇仁之浩蕩也哉但歷時久遠風

雨剝蝕梁柱門壁大半朽蠹秦公芝字秀三其先人三世苦節每於春秋與祭時目擊棟宇將傾牆壁欲仆不勝惻然久蓄重新之志深慮獨力難支令其哲嗣歲貢生曰簣字鹿萃與葉節婦劉孺人之孫名正泰籌議約諸婦節孝後裔勸相而諸裔亦各爲其祖俱樂部輸貲卽邑中紳耆亦捐助由是埴磚瓦構木料僱匠作詎吉於道光十四年五月初十日興工經之營之凡所需木石灰油等項俱應念而備其中若有神助者遂不日而告竣

乘逸於鄉隅者指不勝屈豈得於乾坤之正氣獨多歟抑沐於

國家之教澤甚深歟何敦大節者之代有其人也夫貞操歷久而彌堅榮名亦宜歷久而不沒鹿萃乃與搢紳先生考稽舊志搜採窮鄉其已入祠及未入祠者詳其姓氏各立木主卜於七月十九日迎主入祠而合邑紳耆及節孝後裔數十百人鼓樂懽忻如儀陞座是日也陰雲微布天上雷鳴與樂聲相和斯亦見天人相感之理固若是之不爽也自是烝嘗百世俎豆千秋不惟可以

受諸節孝之神靈卽後之矢志柏舟者亦有所觀感而名教益敦風俗益厚何莫非

**聖**天子獎勸之恩有以成之也哉爰爲書其重新巔末並誌祠中屋數以勒諸石

原祠基不甚闊又買鄰祠市房前後二間以擴之祠宇三間七架簷下月臺加雨榭以作拜廳屏牆一道門常關鎖遇祭始開昭肅靜也外樓一座左首門市屋三間內橫屋一間後正屋一間俱取租貲以助祭費云  
道光二十五年歲次乙巳季春月吉日立

捐田歲修賢宮碑記

邑庠生 韓明煥

煥姻丈陳君紹元者崇祀鄉賢伯善公元樸公之裔也家僅中資而性慷慨好施與凡子弟之讀書能文者無不獎勵玉成爲門第光戚友遇急難時必多方委曲以濟之而邑中城池考棚文昌閣及諸廟宇悉竭力捐貲助修略無勉強行己志也歲春仲入賢宮鄉賢祠助祭見棟宇階楹垣牆戶牖俱有剝蝕傾圮之虞乃商之司慎五學師出青蚨若干敬者正之缺者完之舊者新之用是堂皇典麗巍然煥然於戲可謂盛舉矣而猶慮

其難久遠也又捐田四石八斗五升計入穀之數爲  
修之資非獨伯善元樸二公之靈以妥卽先聖先賢之  
心亦未嘗不默鑒焉豈富有之謂哉抑好義之性不能  
自己耳不然邑之擁倉箱豐囊橐者正復不少何獨無  
人計及於此信乎夫子所謂見義不爲無勇也煨因念  
太祖輝衢公亦崇祀忠孝祠自愧無力鼎新乃與同人  
議一公會醵錢爲除夕元旦並聖誕香燭之費抑末也  
孰若我紹元姻丈留心學校歲時罔替其敬聖敬祖之  
意爲足多乎爰盟手記之俾泐石以垂不朽云

僧王祠記

邑增生 張元珪

今天下大一統食厚德者二百餘年雖草茅亦思報効  
何況藩封然忠義之淺深才力之優絀功績之大小則  
有辨如 僧王者地封蒙古位極親王不貪爵土固矣  
弼我

人勤師萬里不憚險遠宜矣顧當時強寇遍天下非可滅  
此朝食也狼奔豕突最難聚而殲旃也而乃身率萬餘  
眾星馳數萬里魯東斬馘逆匪銷魂鄭北陳師苗賊授  
首麾臨豫楚江漢鏡清節駐幽燕

京畿甌奠既乃厯光固走英霍戰斬黃一指揮而殲厥渠魁散脅從者數十萬此其忠義爲何如才力爲何如而其功在天下矣豈一方一邑所得而私之哉然而身受其福者惓惓矣迴憶同治四年之三月我邑髮捻蜂至兵備兩虛自分一邑生靈同遭魚肉而不意王之自隨馳至儼若從天而降也降則如雷如霆不遑寢食也一戰於孟販店而賊鋒以挫再戰於吳家店而賊氣以消嗟乎我邑之城郭王之再造之誠郭也我邑之人民王之再造之人民也天地不老庶民感戴隨之矣爰爲

誦曰我有子弟惟 王生之我有室廬惟 王存之我有田疇惟 王殖之不祀吾 王心如失之又爲贊曰社稷人民安定惟 王千秋比烈歎維汾陽

重修平靖司衙署碑記

巡檢

謝

超

定侯

楚豫接壤之區皆山也因山設險為關者三左黃土右武勝中則曰平靖設巡檢以鎮撫之地雖荒僻責綦重焉丁卯秋余捧檄來抱此關問官舍則烏有也問吏胥則寥寥也問民居亦復鮮少也市遠無以佐盤飧村荒不能供米糶晝則雉雥於山往來者擔夫販豎夜則狼嗥於野淒慘者苦雨酸風天下有如是之僻陋也哉幾不能一朝居矣家苦寒素甫得一官亦趑趄不能去履汎經年良者徠之莠者去之人既安余之拙而天亦厭



亂歲且大有於是捐廉買民舍並前李姓罰捐房屋改  
修衙署羣皆樂助不日成工前設公堂以視事也後作  
小寢以燕息也旁啓別院以棲眷也右列環堵以妥神  
也一官如寄豈必求安逸也哉蓋欲來者有所託足得  
盡厥職耳後有同志者嗣而葺之不將傳之不朽耶是  
役也約費二百餘金樂輸者不及三之一然名不可沒  
而事亦不可湮也故壽之於石

應山縣志

卷三十五  
卷三十六

詩  
雜記

應山縣志卷三十五

詩

事有發乎性情之微而關乎奢儉貞淫之大風謠是已  
古者太師巡行列國聽民間之謠誦以行天子之賞罰  
誰云詠歌爲末節乎應山文教蔚興其間幽人韻士或  
觀景抒懷賦詩見志溫柔敦厚有古風人之遺筆之於  
書以備輶軒之採擇云 前志

五言古

采鳧茨

宋狀元邑人

鄭獬

朝攜一筐出暮攜一筐歸十指欲流血且急眼前饑官  
倉豈無粟粒粒藏珠璣一粒不出倉倉中羣鼠肥

餘杭郡閣

鄭獬

雨影橫殘虹秋容陰映日寒江帶暮流晚角穿雲出雲  
峯翠如織宿鳥去無迹封書寫所懷聊託荆門翼

行經平靖關

明信陽人  
禮部侍郎何洛文

南山秋色高黃河盤千里形勝控淮南要害轄楚尾峭  
嶺入雲平崢嶸拔地起巖岫何渺冥岡巒多崩麓遠近  
見霞標高下去天尺飛流瀑如練彌望樹若薺蔽隱變

日月峻絕饒壁壘中徑巨靈擘箭括通池邇一夫當莫  
開丸泥封可恃必爭想齊梁雄吞帛申辛出入雞自鳴  
陟頓馬頻委坂折摧車輪石危妨屐齒重繭疲征人濟  
勝愜遊子九塞此居一殺函狀堪擬屢想始及巔崇埔  
冠峯阻古廟棲寒鴉蕭條惟羽士躊躇天塹空關門氣  
正紫慚非青牛駕彷彿逢尹喜曠緬俯中原悠然酌清  
醴聖德方無外車書混文軌出關無用傳設險亦徒爾  
折衝屬廟廊願言圖至理

印臺書院

明侍郎  
安陸人何遷

印臺何巍巍荆楚瞻景光美人恣遠心游行古臺傍卓  
犖比英姿傲儻施眾芳朝披陽阿林夕薄陰升闕環顧  
高雲齊天漢斷微茫開楹七澤渺杖策九疑長腳腕橫  
荒塗洞庭轉蒼蒼因之覽四海鸞鷲與翱翔

前題

明會元

羅以倫

維天有應門虎豹雄九關維南有應臺三楚稱名山我  
愛山中人揚芬立臺端南北兩高峯秋森蒼翠寒詫我  
故山圖恍若遊其間清泉俯可濯喬林高可攀何當一  
振衣白雲生嘖嘖

神仙篇

明太子太保

楊

漣

邑人

浮生厭危役名嶽共招攜雲軒遊紫府鳳駟立丹梯時  
視遼東鶴屨聽淮南雞玉英持作寶瓊實採成溪飛策  
揚輕電懸旌耀彩霓瑞銀光似燭靈石髓如泥寥闕南  
山右超越鳳洲西一丸應五色持此救行迷

被逮賦別崇智宗侯

楊

漣

命駕瑤池側過息羸女臺長袖何靡靡蕭管清且哀璧  
門涼月舉珠殿秋風迴青鳥鶩高羽王母停玉杯舉袖  
暫爲別千年得復來

宿漢口回龍寺為恆空上人作 楊 漣

江山一筭石環以數株樹精舍隱老僧問年不知數黃  
鶴舞對江鸚鵡來蒼素清磬發閒情風檣任沈汨試問  
在舟人能得高眠足老僧笑不言江月澹超忽

晨起寂坐息廬闔扉 邑員外郎 陳聯璧

曉霽風氣涼旅居逢夏仲屋上伯勞鳴花邊蝴蝶夢旭  
影出雲端茫茫細帙動得閒即謀懼斗酒樂與眾放懷  
天地寬甯向丹霞洞

山右署內見韓孝子其煌舍肉思親作

邑進士孝義縣知縣 閔 衍

負米豈云遙當肉不忍食何辭滋味薄常懷缺子職幕  
客驚且唬我心悱而惻臨別贈以言菽水盡其力

梨花歌 為韓孝子其煌作 邑侯 姚孔鑾

純孝本天性性盡天亦從太和盪羣物至奇皆至庸我  
聞韓孝子廬墓歷寒冬墓旁古梨樹花發比春穠微服  
一往觀惆悵紀芳蹤性至乃如此無為異孟宗

程節婦 邑舉人 盧景植

明季天綱墜永陽阮紅巾程公矢義烈節著草莽臣觸

鋒羅凶刃剗斷閨中春正彼舜華時且薄柏舟人絕粒  
輕數日入地從夫君內顧有遺腹仰瞻有老親死者長  
已矣生者有誰任伊川祀不餒我身繫千鈞數月舉亞  
子天憐錫石麟長男遭賊繫脫歸豈非神瀝血撫兩孤  
茹茶甘食貧迢遙數十年昌熾緣母振文章爛若錦兒  
孫擁搢紳鶴算永四代閩誨愈諳諳何怪程門胄恂恂  
且彬彬試看榮衰處豎石鐫

帝綸

印臺山懷古

邑歲貢 魏恩有

光陰百代客天地一逆旅古人不可作我生亦誰與秋  
風吹我衣振袂思遐舉高立臺山巔一覽眾山俯客有  
懷古風慷慨揖我語疇昔全盛時文教嗣東魯巽宮儲  
菁英篆印孕翹楚浩然靈氣鍾維嶽降申甫宋連賢仲  
昆人文百世祖李傅社稷臣抗懷企伊呂向陳諸搢紳  
鄉賢祀廊廡楊公秉忠烈丹心照寰宇有子能克家忠  
肝而義腑在昔多偉人未易更僕數丞相古祠堂馨香  
薦樽俎文院羅英豪仰高矗山斗哲人去不回蕭瑟乃  
如許半月光銷沈泉涸幾寒暑汶水長悠悠山雲自吞

吐挂鐘峯不鳴幽咽蟲聲苦渡蟻古有橋友鳳今無圃  
嗟哉今世人岑寂不如古語罷悲風生涕泣淚如雨我  
聞長咨嗟曰唯唯否否氣數有循環天缺石能補盛衰  
何足論努力步前武况有典型在一步一規矩清風振  
懦頑神奇化朽腐繼起當有人凌風會高翥客聞破涕  
笑精神亦抖擻把酒笑問天狂歌拔劍舞

七言古

和王洙峴山詩

宋進士連庠邑人

大江西來遶重城猶如叢花匹練縈左山右阜若開避  
曾是峴首當頭橫江湍衝山山不動滔滔雪浪東南傾  
隕然巨勢壓漢境萬楚不得專雄名四時美景千百狀  
登臨可以擴襟靈近麓採藍秋水深幽巖團纈春葩明  
寒林蕭疏四面合夏木延袤長川青危巔碑墊龜螭螯  
陰崖檜老蛟龍形俯瞰洲島相向背風恬江面羅紋生  
魚舳數百集其下瞥然來往一葉輕波底崢嶸沈翠影  
槎頭鳧雁斂霜翎天然佳致信可尙只是丹青寫不成  
叔子當年樂山水每來置酒空壚 密賢達勝士共愛此  
謂此風景魁南荆荆人被化思不已立祠山椒供祭牲



爾來綿亙幾千歲瓦飛棟橈誰經營守臣罕肯著腳到  
遂至占山屬兼并非憚鳩工繕完葺誠知仁政難繼聲  
帝眷襄陽曰重鎮宜從內閣擇名卿明公之來百城悅  
壺漿竹馬相歡迎政成公休屢登覽山前車騎長晶瑩  
儻空寓目看不足詩豪佚發輸精誠乃教僚屬復祠宇  
仍從嶺上新虛亭歲時遊憩備言詠荆人愛之猶鉅平  
羊公之政公之化異時一致當同評兩賢繼美何以况  
山之永兮水之清

寶林寺

明應山教諭 俞 釗

梵宇翬飛高插天岡巒面面對蒼煙鐘聲風送山林杪  
山鳥高低調管絃縈紆小逕通幽曲四顧蕭然隔塵俗  
高僧邀我看奇峯清風雨袖雲生足徘徊徒倚琅玕樹  
詩成落筆驚風雨舉頭雲壓碧天低更欲攀雲上天去

表忠歌

明尚書 周嘉謨

衡山岵岵俯三湘雲夢蒼蒼水渺茫天植精忠扶泰運  
中丞家世水雲鄉少年登第姑蘇令清如止水明如鏡  
一從簪筆入承明封事纍纍多諫諍光皇御極甫三旬  
擊壤謳歌徧海濱一朝不豫漸彌留中使傳宣閣部臣

公劾崔賢先有奏天威莫測疑窮究豈意隨班入後宮  
同承顧命真希覩周旋御榻覩龍顏十有三人涕泗漣  
旁門倏引東宮入傳言封后詔宜頒諸臣啓奏冊儲訖  
上顧東宮心若恍仍諭輔佐爲堯舜聞命相看喉哽窒  
旋呼左右進紅丸喜似仙家活命丹昧爽倏傳遺詔下  
舉朝錯愕痛心酸午門首聚奔趨急遙想冲嗣正孤立  
相攜排闥入乾清號泣旻天情孔棘環侍宮門幾許時  
長君方得出堂垂僉謀擁護入文華拜舞嵩呼列陛墀  
隨請移蹕居慈慶長樂鐘遲氛未淨移宮拜疏有公疏  
公獨慷慨如拌命芳辰快覩六龍飛旭日中天萬象輝  
此際彤庭歌喜起先期清肅在宮闈詎知當日移宮事  
實爲逆黨心所忌太阿倒柄甫經年黨惡橫行大恣肆  
公馳一疏九重天罄竹難書萬種愆臚列款開二十四  
惡瑄心膽已茫然不謂竈煬天聽遠戇直忠言徒蹇蹇  
憾不剗刃公腹中削奪相沿胎禍本公旋解綬入江鄉  
神弓鬼矢逐飛揚金吾緹騎紛沓至悽慘如飄六月霜  
室有妻帑堂有母覲面相看淚如雨地方幾有揭竿形  
君言剴切始安堵一入長安進撫司羅鉗吉網日追隨

酷考飛賊逾數萬賣鬻賠償累親知執政逆璫同腑臍  
三朝一比魂飛喪五彪五虎濟窮凶七尺殘軀成醢醬  
嗟乎天遠九重煙台斂何從問六親與君共作囹圄鬼  
更有忠貞十數人此等沈冤何處雪天網恢恢疏不洩  
聖明天子泣朝堂大敦渠魁同殄滅羣臣表奏顯忠貞  
贈卹從優白骨香煌煌丹詔輝珂里七澤三湘倍有光  
楚人祇爲同閭黨朝市山林罹一網官誥頒還起廢頻  
陰翳忽開天日朗思昔同朝共事時余爲首部義難辭  
並許赤心扶社稷微軀何得計安危突爾無端風浪起  
乃以移宮挂人齒與君並列奸黨中余倖偷生君已死  
要與今從一炬焚葛藤已斷淨浮雲忠肝義膽難摹寫  
自有流芳百世文郡公世講篤忠義日擊心傷如芒刺  
多方優卹廣皇恩捐貲下檄煩三四首倡祠祀愜輿情  
余亦涓滴助宏深生者錫廕歿者榮崢嶸廟貌千秋名

過應山縣弔楊忠烈公

喬 萊

嗚呼有明神宗之季國旣艱光宗繼之更短折維時先  
生官給事顧命乃與大臣列防微肩鉅定大計選侍移  
宮一朝決再起中丞赴雙闕大柄已被闖人竊乾兒義

孫滿廟廊二十四罪憤所切赤縣爭高宦者祠彤廷徧  
梁中丞血詎有夢贖楊大洪舍人窮死心如鐵或言漢  
之尉顧潔其名唐之牛李營其穴宋之洛蜀明東林黨  
禍紛紛蹈覆轍封疆已被門戶誤遂譏先生太激烈我  
謂此言殊不然藉口保身附明哲假使當年稍媿嬰張  
禹孔光更何別君子豈能誤國家目為黨人正氣絕鳴  
呼正氣絕國乃滅

題楊忠烈公血影石歌在刑部堂階下秦瀛

東林前事漚影滅留得西曹一點血大洪有骨骨如鐵  
不怕銀鑄三木折大呼高皇眦欲裂嗚呼熹宗之際何  
事無日月昏霧纏妖狐許顯純輩肆毒痛人頭畜鳴有  
是夫君不見點將錄楊忠烈刑部堂血影石

哀應山 尤侗

應山椒山之後身大聲偉貌如天人手扶幼主出宮門  
呵叱羣鬼不敢瞋忠賢大罪二十四當如守忠即安置  
言未脫口頭先碎血衣裹尸無葬地臣死去訴高皇帝

朱母頌言 明孝感人 程正揆

雲臺大夫五馬裝早馳名譽傳長楊

天子東顧親除吏海防特簡尚書郎奠鼇鞭石開閭闔颺波  
清宴飛晴霜醴泉有源玉有種和丸王母流餘芳北堂  
應發宜男草彤管還爭日月光

大慈庵新汲亭茶歌

程致遠

城內看山色不同及至登山色不逢山僧同余尋逐之  
飛入前山清湖中短梗泥壘繼一逼動搖山影如懷墨  
須臾水定山光來復如城裏看山色煮石餐霞事亦偶  
未若白雲鑿內走桑苧評泉並評茗盧全凱勝文字吼  
近日蒙山頂上馨和煙攝入五侯鯖五侯七貴金如斗

熱客門前爭炙手不速自來坐亦久大伴姻婭小伴友  
稱仁獎義佐呼觴龍團鳳餅如傾甌不知日中市餅時  
門外張羅繫客否山僧惘然聽余說起坐極余廣長舌

寶刀篇

先曾祖都督公爲  
刀乃國家奏功之器

本朝開國功臣其  
不但吾洪氏之宗器

貴寶已也家廟告成謹  
藏之神厨用垂永久

邑舉人 洪成鼎

豪士牀頭三尺鐵號風嘯雨聲嗚咽百道寒芒淒似霜  
一條秋水明如雪紫花繡蝕斑模糊猶帶沙場觸體血  
將軍結髮古戰場匹馬拳旗十盪決一呼辟易雷電馳  
當先掃盡豺狼穴誓將軀命奠河山力爲

君王除叛竊西援東剿四十年瘡痍遍體刀痕結平定三藩  
奏廓清獨立大樹忘誇揭功成身退善而藏爛爛新劔  
未曾缺寶茲彝器垂千秋斗牛夜夜寒光白

附騷體

弔連庠塚

明理學名臣 薛瑄

恂好善兮行以躬完素履兮一初終化邦鄉兮革姦凶  
出為政兮用其中三鍾山兮屹穹崇與公德兮並其隆  
豈獨文兮耀幽宮宜配社兮同句龍俾世世兮傲而從  
里閭樂兮廉讓風刑罰措兮年屢豐溥哉利兮垂無窮

渡蟻橋歌

薛瑄

嗟應山之鬱蔥兮橋溪之中昔也卑而今也崇石斯甍  
兮盤霓虹往來憧憧兮據鄭城之要衝民曰僉長我公  
兮創焉厥功我願自天降福於厥躬  
嗟應山之蒼莽兮橋溪之上昔也隘而今也廣名斯榜  
兮鎮北垵憧憧來往兮走塗人之輪鞅民曰我公僉長  
兮厥功焉創我願福於厥躬自天降

五言律

寄大固山嘉祐院長吉上人 宋尚書宋 祁 題人

名高聲譽隱孤錫倚巖扃  
布黃金地臺藏白馬經  
庵雲吞暝燭澗月瀉虛瓶  
坐想溪橋路莓苔又幾青

相國元憲宋公庠輓辭

宋平章司馬光

仁聖初承緒敷天顯俊賢  
得人茲最盛躬策獨居先  
禁省英聲遠巖廊至化宣  
辭榮還故第三事究高年  
邦光華袞補家寶數書陳  
東閣簪裾散西芒宅兆新  
泉臺無復曉柏徑不知春  
獨有高文在芬芳繼古人

龍興寺

明教諭鍾文亮

一徑沿流入雙崖  
劈石開朱門新梵宇  
碧草舊經臺僧少  
廊棲虎階閒樹雜  
萊行童驚客至相  
迓出雲來

前題

明教諭俞釗

翠靄無時歇白雲有路通

龍興寺

明知縣張博

四望儼如削天中一寺開  
泉聲聞笙磬山色遶樓臺  
鳥自井中出僧從澗底來  
紅塵應不到別是一蓬萊

前題

明邑通判張芷

軒窗豁煙樹覽聽協歌詩  
泉密龍眠穩山高日上遲  
鳴鈴酬鳥韻飛絮挂蟲絲  
應笑讀書客譚禪半不知

應山先生詩集卷三十五  
曲徑沿溪入迷途問野樵靈蒲九節老怪鳥一聲嬌風  
勁松濤湧雲間石磴高詎疑身世幻聊此息塵勞

前題

明郡人都御史  
何宇度

蒼磴還千丈清溪恰九盤雲霞籠古剎蘿薜隱諸天虎  
臥峯前石龍吟澗底泉只疑崖穴裏應有地行仙  
又云  
林臥嫌雲冷巖遊愛石奇聽鐘生興遠賡韻續詩遲

前題

明邑歲貢  
向孜

杖藜投野寺翠壁小橋東泉冷龍應蛰林深鳥自通煙  
霞供潦倒樓閣倚穹隆未了空王夢蕭然興味同

永陽道中

薛瑄

萬壑嵐光暖曉騎驄馬行茂林交擁蓋修竹送前津到  
面溪風冷經心石澗清豺狼應遠迹狐鼠不須驚

渡蟻橋

應山知縣  
葉震亨

編橋時若戲愛物念同天陰隲傳千古芳名播萬年老  
僧覘異相小水漾清漣神在感何所文光燭應山

宿振公方丈值師出

明邑舉人  
向光振

暫住虛空境悠然塵外心棟花猶近石楓葉自辭林爲  
客雙蓬鬢初經清梵音意尋支遁去風雨隔前潯



寶林寺

明御史邑人 吳翰嗣

塵事不可盡深山偶獨遊村墟隨處好松竹坐來幽蹤  
跡依伽葉因緣問比丘無端棲息意豈獨白雲留  
又云古殿元人建長松宋世栽古今原過鳥宇宙一虛  
杯

前題

縣學教諭 鍾文亮

山聳千峯秀溪蟠九曲流鳥鳴蘿樹暗僧定竹房幽坐  
久塵機息飄風兩袖浮

過憾這關

明經畧江夏人 熊廷弼

兩年關上路三度病中過衰為沙場早愁緣世網多逐  
臣甘糞土舉國驚風波涕泣三朝事馳驅敢惜他  
同友人登眺漫和老僧口號 楊 漣

二三物外侶盟結歲寒松揮塵倚闌砌捫蘿上梵宮練  
搖飛瀑白鷺帶落霞紅吟眺當茲際塵氛淨眼中

山居陳元樸見訪限香韻

楊 漣

桐吟涼吹夜促膝共元方肝膽衝星壯芝蘭入室香溲  
清聽遠瑟潦倒醉醕觴匪石吾徒在雌黃任短長

正月三日遊天井澗寺

和邑 進士 朱孔照  
候周 邑人

出郭尋幽徑遙情寄竹林山隨雲意綠澗與石痕深苔  
砌虬龍字禪逃鴻鵠心同遊來召父空谷有棠陰

策馬趨天澗雲開晝掩門空山愁虎豹旭日樂雞豚  
木低迎水盤溪曲抱村隨車春意足花鳥亦宜喧

攬轡蒼茫裏東風曉日斜香吹新草木綠遍舊桑麻  
山碓春流水茶鑪煮落霞不知城市近猶有此煙華

地僻行滋折景幽心亦清山窺窗有色水靜竹無聲  
開士方高臥春禽莫亂鳴悠然成野趣何處覺勞生

溪流聲斷續泠泠入孤松世累此中盡官情何處濃  
煙寒迷野鶴霜落響疏鐘欲泛蓬瀛棹神仙不可逢

采秀三山外幽芳自迴然徑歧雲影度水曲石光旋  
澗底茫無際井中別有天攜琴鳴野壑聯袂飲清泉

古道春風度梅花映遠村山川依舊浦草木長新根  
福曜臨幽谷忠魂繞澗門勝遊千古在何必問桃源

笙歌入古寺瀟灑復何言水魅爭潛跡山妖早閉門  
雲生遊子屐鳥宿百花村沈醉歸云晚清風拂響鸞

松高迷遠望水激隔溪聞落日一杯酒曉山千片雲  
華驪穿鳥道白鶴舞人羣高會香山擬春光平分

千載平康道崎嶇誰問津有心樵子夢無欲老僧身曲  
曲流深澤峯峯透早春勝遊良足樂且以樂吾民

前題

邑舉人 陳仰可

沿溪尋鳥道坦閣內悠然石白千峯繞松青萬樹旋圍  
山形似井舉目管窺天僻寺來僧話茶烹瀑布泉

策馬覓深處其中三五村東風夾煖日寒谷長春根野  
鳥驚歌嘯山僧倚寺門邑侯同攬勝卽此是桃源

春晴開遠望攜手樂忘言水曲溪流徑山橫石關門白  
雲封谷口赤幟點煙村饒有醉翁興歐陽堪並論

新晴出百鳥呼啄聲相聞樵子穿清澗馬蹶亂白雲心  
餘官不擾氣厚自能羣人望孤忠樹山川亦半分

昔日干戈擾流離始問津平康傳古蹟元宋幾全身澗  
繞千村市居分萬戶春至今餘兆姓半是舊遺民

天井澗

邑歲貢 程致遠

星移物未換行慶豈無因草霽檐帷色葭飛黍谷春萬  
花難祕錦百鳥欲張斷檀板畱雲住山僧定裏詢  
山圍天貌小雁度滲寒聲石攬危偏固途疑絕復生溪  
藏大禹碣槎臥帝堯菁擷取梅花意飛霖四野耕

靈運承明客山川興自濃登車難鳥道著屐入虬壙猿  
鶴驚還狎藤蘿啟更封山門留帶鎖卻聽出雲鐘  
鹿苑天花滿連河積雪深披蔓起宿鴿踏葉響空林石  
飽慈雲偈龍聽法雨箴三生榻上語葑屋最關心  
松濤千疊遠樵路帶香微金粟聲聞寂石牀戒定歸諸  
峯一氣接孤磬眾山飛願借楊枝水頻澆萬姓肥

前題

應山教諭羅人龍

勝遊僧野望民物轉熙然愠解千煙靜徑幽一水旋入  
山尋禹碣擊壤樂堯天環顧平康裏白雲臥井泉  
攜壺來澗裏縱目望層巒雲鎖山腰白風生谷口寒碣  
苔封翡翠階筍長琅玕醉飲極歌舞同遊此日歡

前題

邑進士周統

一入山溪徑山光自澹然寒流穿石出古樹帶煙旋寺  
遠堪驅俗澗幽別有天得從茂叔往不負此林泉

前題

邑庠生曹士佺

靈壁闢雙闕一溪何杳然雲依山曲折水與樹周旋鳥  
出寺邊井人穿谷口天地荒春自早駐馬得高賢

讀書龍興寺

周統

忠烈遺高跡

楊公會讀書此寺

余今復問津山川猶自古窮達

尚殊身嘯冷千峯月胸羅萬象春東山如可出能不忘吾民

高貴凌霄

羅人龍

永陽名勝地高貴且連天布瀑四時雨層峯幾辨蓮人疑穿石去龍或抱珠眠絕頂晴空望漢江在眼前

天淵雲深

羅人龍

紆曲雲間去溶溶遶砌游林煙晴亦溼樹色暗中浮捫石驚飛鳥迷津問牧牛桃源如有路漁棹向谿求

寶林擁翠

邑舉人 盧士常

寶林蒼翠地草樹亦幽香山逼雲容泛天空雁陣長朝陽思老衲北面問先皇豈必無何有始稱快足鄉

辛丑會試至武勝關

盧士常

是月行將畢乃今扣此關路連三楚地人隔一重山目送遊雲去情隨歸鳥還荒村無所遇杳颯下空灣

文王演易臺

邑進士 閔衍

尺寸皆香壤乾坤秀所司一人憂患處千古化成時石蘚分文位松風謠易辭於昭神共見文不在於茲

附五言排律

三泉龍洞

宋 祁

虬洞聳雲峯緣崖一綫通雲披雙壁敞樹補半巖空  
竹森烟霧飛泉出玉虹垂蘿不肯晝陰壑自然風嶺斷  
天斜碧崖傾日出紅浮邱邈難遇畱恨翠微中

七言律

西湖展江亭成

宋宰相 宋 庠

綠鴨東陂已可憐更因雲竇注新泉鑿開魚鳥忘情地  
展盡江湖極目天向夕舊泉都浸月過空新樹便畱煙  
使君直欲稱漁叟願賜閒州不計年

落花詩

宋 庠

昨夜西風拂院牆歸來何事賸淒涼漢皋佩冷臨江失  
金谷樓危到地香淚臉補痕勞懶髓舞臺收影費鸞腸  
南朝樂府休賡曲桃葉桃根盡可傷

前題

宋 祁

墜素翻紅各自傷青樓煙雨忍相忘將飛更作回風舞  
已落猶成半面妝滄海客歸珠併淚章臺人去骨遺香  
可憐無意傳幽蝶盡傳芳心與蜜房

按郡志二宋微時入郡僦舍錦標坊下與吏鄭生者鄰情迹頗熟凡郡守所欲牋狀皆二公爲之夏英公竦守郡怪問之若將學而自爲之耶吏以實對曰二宋秀才代之也因得其所著作益大嗟賞命詠落花賦成英公曰大宋君詠落花而不言落字必作狀元宰相小宋君非所及然亦登嚴近

寄題韓公畫錦堂

宋 祁

瑞節前驅畫錦身堂成署榜示州民遷鶯賀燕翩翩集佳樹甘棠次第春漳岸夕波通沼溜魏臺曷日弄梁塵君看千古青編上得意如公有幾人

送傅印臺先生之洮洛兵備

宋 祁

隴樹青青塞草黃輶車迢遞過咸陽鼓鼙夜度秦關遠旌節春臨渭水長酋酋營中屯宛馬蒲桃月底擁胡牀懸知麟閣題名日萬里功成兩鬢蒼

滴水巖

宋轉運使 連南夫 邑人

滴水巖高路欲窮佩環聲響玉玲瓏一天星斗墮青漢萬斛珠璣瀉碧空滄海竟歸朝夕會曹溪不隔本源通何妨疑貯巖龕下更冰如來灌頂功

寶林寺

明德安知府 馬 翰

溪山翠結招提境暫憩肩輿一望高古柏參天青擁蓋  
新禾沐雨綠翻濤九峯禪定曾巢鶴五馬光生似跨鰲  
來訪遠公遺碣在摩訶盡日不知勞

又云風生萬壑鳴竿籟雨漲千溪噴雪濤

前題

明隨州學正 陳天祥

見約尋幽喜欲騰不辭山路馬登登枝壽日掃風前葉  
敲句時逢月下僧老鶴巢雲來殿閣清泉鳴玉澗松層  
淋漓醉墨人題壁後會紗籠許我曾

松谷濤聲自作寒解襟應覺鬱懷寬好山增勝須吾輩  
長日成吟是此官鴻雪有緣隨處踏鵬風無力際天搏  
相逢且作三生話抱璞明時不待干

前題

向 孜

雲鶴相參話入元沙門點破幾孤禪塵埃不惹非人世  
蘿逕深開此洞天題遍蒼巖磨怪石坐來白石浣山泉  
應知老衲間無事跌坐蒲團了幾年

僧林佛閣隱藤蘿白馬青衫到亦多樹老只教猿鶴在  
谷空疑有鬼神訶煙雲泌澗千年寺身世依稀幾曲歌



聚笑難描今日興久陪方丈看曼陀

前題

明知縣邑人張寬

石龍深處最幽元借榻招提漫講禪一代聖謨光射斗  
四時古木秀參天無邊月色和雲影不盡禽音雜澗泉  
清味者般渠識得野花芳草自年年

祇園春暖映松蘿老衲傳燈悟儘多止水原來無物擾  
名山自是有神訶半庭翠草凭闌玩一榻清風欲枕歌  
為愛幽居塵不到攜將書劍傍盤陀

前題

明東莞人林瓊

悟得仙機一味元乾坤隨處浪參禪方知物外原無象  
始信人間別有天深院落花通曲徑斷崖收雨聽鳴泉  
山僧問我雲遊日弄月吟風不計年

穿雲細路合香蘿野寺曇花春更多一豎指頭原受用  
十譚元處不須訶靜參物外空空話閒放山前踏踏歌  
天與箇中畱勝槩乾坤千古耀頭陀

前題

明應山知縣譚一鳳

春風吹我入煙霞坐倚東窗感物華新綠漫添三尺水  
溼紅飛過兩枝花勞勞塵世清宵夢隱隱煙村畫鼓槌

東望野雲堆正墨殘黎得此卽生涯

前題

明應山教諭

王守約

屋頭雲氣來山雨庭外松聲落海濤煥爛文章留御墨  
崔巍樓閣擁神龜何時擬結淵明社載扣禪關不憚勞

印臺書院

明邑進士工部主事

魏雷

風花蕩漾簷前舞晴嶠嶙峋郭外浮山斗龍光明午夜  
滄溟鵬翮待新秋他年玉署閒思隱莫覓三山與十洲

龍興寺

王守約

層層石磴入重岡且喜尋幽到上方山勢倚天開撥畫  
泉聲落澗奏笙簧洞門雲起龍歸鉢禪院松低鶴近牀  
詩景可人吟不盡數聲曉鳥送斜陽

龍興寺

明鴻臚序班

殷之輅邑人

天澗誰開石逕斜晴巒面擁翠屏遮祇園昔說鋪金地  
法座今看散雨花客到漫驚元鶴夢僧閒幾御白牛車  
詩成謝卻山靈去笑舉吟鞭帶晚霞

晚泊月口

向光振

十月江濤尙未平可堪風雨喚愁生孤燈對酒詩仍寫  
獨樹維舟夢屢驚海內故人今幾在眼前塵事已多更

田園別後應蕪沒猶自勞勞戀世榮

草堂獨坐感懷

向光振

早衙初散對晴暉慚愧頭顱未拂衣捧檄已知前事  
彈冠今覺故人非茅亭小坐聞鶯囀山郭叢篁見吏稀  
但得邑民芟柞遍不妨三徑暮來歸

夏日飲環碧亭次韻

何遷

十丈孤亭煙水中菰蒲深處白鷗通墨花香煖玻璃潤  
竹葉杯浮琥珀濃潦倒可堪金谷飲風流還許習池同  
謝家兄弟多才俊瓊樹無勞紫玉籠

贈彭涪吾雲水遊

楊漣

久向雲壇曳羽衣遽年未屆已知非卻從丹鼎還靈藥  
讀得黃庭悟秘機羈紲何人能自脫塵囂如汝亦應稀  
學仙將去家千里何日歸來丁令威

看山宿鐵佛寺

楊漣

何年鐵冶范金仙勝占靈山地最偏徑入深林迷婉轉  
庭撐古柏拂雲烟談經案近巖邊月煮茗鐺澆石上泉  
藜杖看山時憩此翛然疑到小壺天

秋日移居石龍寺用九龍碑詩韻紀勝二首

楊漣

花宮百尺擁松蘿說偈僧歸歲月多碣上數行畱帝製  
庵間一錫有神訶巖懸飛瀑烟雲溼路近樵青斷續歌  
覽勝自嗤塵累縛何時受戒伴頭陀  
一榻蕭然臥草邊也依繡佛學逃禪未能寐入無塵地  
卻喜閒遊是梵天杖曳雲霞穿古砌琴聽商羽咽鳴泉  
興來幾醉藤蘿月忘卻蹉跎負盛年

陳烈婦詩

楊漣

熄燭會盟合吞時於今殉死益堪悲一雙玉墮春纖筍  
滿首刀殘雲鬢絲名並湘君能泣竹羞渠卓女解聞詩  
漢東自昔多姱節三百年來此一奇

送醫士彭月潭還吳

楊漣

彭仙世住清江浦三十年來寓楚墟此日歸帆別鸚鵡  
到時家譙醉鱸魚活心自熱眩非折殘髮雖皤顏似初  
若過匡山應大笑杏林春意屬吾廬

答魏兌岳贈畫鷹

楊漣

點綴神鳩出海雲信陵好客特頒分風微尚斂雲霄翼  
秋擊應消狐兔羣橫目一鳴沈氣韻枝頭獨立絕塵氛

圖開蓬壁殊增色不羨林禽葺菲文

丁酉中秋對讀所感賦

楊漣

今夕何夕天微雲秋光中燮此平分擁衾獨臥難成寐  
命酒諸君恣論文九折無因逢伯顧一揮誰道掃千軍  
惟應天柱峯頭月堪照幽思百縷紛

四賢祠

楊漣

載酒斯堂豈漫遊興泚不遠得前修連名宦業惟清凍  
渡蟻何心應狀頭山外三鍾仍紫氣橋南一派擁寒流  
地靈尙似催人傑未信芳蹤兩姓收

柏子園青雲閣

楊漣

官閣凌空汶水深金飊初動客登臨浮雲易改三山色  
落葉先驚萬里心江上美人遺雜佩城南少婦試清砧  
繁臺兔苑今禾黍日暮凭闌思不禁

弔朱敬潘宗堯

二公明洪武時縣丞主簿也許賊陷城因死於難後人懷之乃作此

詩

失名

雙壁沈埋歲屢更偶從遺簡識芳名一時死事隨灰散  
千古忠誠貫日明始信殺身仁已著豈論滅賊志無成  
殷勤欲致椒漿奠草滿邱原失故榮

送楊掌院赴司敗

明安陸舉人 甘 籌

破帽青衫賦北征一天風雨暗山城得全忠孝原無死  
漫比龍逢浪擲生唐相笑譚臧利器漢家真錮坐虛名  
傷心不為孤臣別念到同文泣五更

傅氏母子殉節詩

程正揆

機槍無奈月明湖臨難全貞女丈夫兩壁自甘波上碎  
雙珠爭肯土中汙節完母子天俱老盡乾坤海易枯  
湘漢從今憑弔者清吟一曲鳳將雛

送王考至觀音坡偈拈

邑侯 周 祐

水滿魚肥糯稻香太平多半上秋光 羊無繁政干時令  
尚有餘蟬噪晚涼御史新來矜鳳鶴 參軍何日列鵷行  
幾回移坐修篁裏頻喚僧茶洗宦腸

雨雪書懷東珏庵陳先生

周 祐

縣令迂闊竟不倫焚香長自告蒼 及時雷雨沾春杏  
如翦銀花鋪地茵已拌山頭勞太尉且移匡座禮嘉賓  
布袍緩帶吟冰雪澈骨清寒也可人

東郊次珏庵陳先生韻

周 祐

千樹桃花覆漢東大江流咽古今同禮拋太守疏狂外

道在先生杖履中魚鳥無言春自曉歌絃才度意相通  
今朝拌醉沙堤上賭敗乘潮二月風

贈周明府禱雨輒應

時康熙九年

陳聯璧

連宵霖雨足甘棠散帙鳴琴對杜康漫訝頻年霑化澤  
且欣今日格穹蒼溝塍繚繞千村迴錦稻勻翻萬頃長  
愧我硯田荒就久敲詩同獻宓琴堂

重九邀周叔子明府登印臺山未果口占一律用

預支重陽韻

陳聯璧

幸無風雨如重陽虛擬登高共舉觴坐令紫萸空把玩

起憐黃菊獨徜徉雲浮千嶂連鄖國月滿三臺見永疆  
更憶風流單父宰清吟可記漢元方

題周明府觀音坡水竹亭

陳聯璧

水竹環亭花滿山嘲風弄月共高攀離城頓覺塵情少  
到利方知佛境閒拂蘚石留雲香靄挂瓢泉湧鳥綿蠻  
勝遊未盡三生興禪悅能容取次刪

次周叔子印臺雅集

陳聯璧

博得春來野利閒枝頭小鳥噪禪關月明鷺嶺聊題壁  
周明府題壁上 甌滿椒漿一解顏坐愛石泉通德水行  
竹裏花間四字

穿竹徑樂香山清宵睡足全無夢卻笑塵勞兩鬢班

觀音坡別惶休上人

陳聯璧

初秋蕭瑟向禪關羨爾雲深紀勝還夾澗魚遊修竹裏  
層巖鶴翥亂松間老知五嶽終難遍貧覺孤身未易閒  
隨處心安無苦樂平生得力是癡頑

弔彭烈婦

朱孔照

英魂長在北山頭太息當年淚未收就義止知光烈日  
捐生何惜等浮漚淋漓痛血雙纖斷宛轉椎心兩鬢颯  
正氣千年誰可並白雲明月老松楸

前題

邑舉人李阜

雲鬢斷盡斂雙眸寥落人間五十秋城郭已難追在堞  
烝嘗猶自指高邱天懸朗日閒雲淨地有孤貞閒氣收  
父老至今長耿耿浮生豈是泛虛舟

朱母頌言

三楚督學李可汧

母節千年匪石身霜飛翠柏影相親歌成寡鵠酬初志  
織就殘機啓後人手澤已隨熊粉沒燈煙猶見帳痕新  
徽音珍重傳彤管喜見旌書出

紫宸

前題

崑山人狀元祭酒徐文元



楚岫雲橫楚澤寒江天風雪立孤鸞黃封追感三年泣  
彤管長流一寸丹獨有栢棧遺響像每懷箴誠重琅玕  
卽今車蓋巡吳甸回首當年鞠育難

前題

趙開心

從容慷慨孰爲難備歷艱辛豈一端茶葉偏嘗無數苦  
松筠高挺不知寒髮辭晨鏡惟存素心映秋暉轉見丹  
孝子呼天追罔極清名畱得世人看

前題

曹本榮

松筠歷久見寒操大節懿風起後曹設俎卜鄰堪並孟  
邀賓下鬢竟方陶端知檄爲親恩捧益信門因母德高  
懷念不須莪蓼廢五花香裏報劬勞

印臺半月

黃安舉人張希良

平臺一片曉煙前別墅新開枕汝川譜裏花封山作篆  
城頭姑射吏如仙暗泉夜夜看初月古渡人人話昔賢  
獨有登臨偏感慨楊公名共日星懸

高貴凌霄

危峯終古闢鴻蒙醞酒臨風眺望中乍見素蛻飛聖水  
有時紫氣集關東

山下卽平靖關

去天一尺吹噓便排闥千門

沉瀟通莫羨山名傷拓落謝安捉鼻正相從

寶林擁翠

正覺禪林勅賜闍琳宮佳氣自氤氳三關月度鐘聲裏  
二水風生梵唄羣雲擁真人猶物色山當佛面盡殷勤  
蓮花池畔他年約不斷名根未許分

仙洞波澄

柯爛山頭一局微荒唐故事是耶非蓬萊不共三泉鋼  
華表虛聞獨鶴歸水靜遊魚依影立雲生芝草爲誰肥  
安期漫進神仙說虎觀崇儒日有輝

軍山環秀

廢壘巍然直北存乾坤龍戰幾傷魂烽煙已罷新亭障  
草木猶疑舊甲兵牧豎雨餘尋斷鏃山花春至發營門  
時平一任嫖姚老樓鼓虛懸月滿村

洞庭風生

何處飛來下洞庭宵冥無際見圖經潛通震澤三江氣  
偶漏君山一點青正欲探書開禹穴便將鼓瑟問湘靈  
乾坤日夜沈浮裏滄海桑田幾易形

乳巖九峙

削出芙蓉半碧天  
嶙嶙竦峙欲誰先  
齊州九點峯頭盡  
海外三山望裏全  
仙液春融雲母石  
瓊漿煖醉玉田煙  
遊人夢繞金華路  
未許藍橋意便牽

天澗雲深

絕澗天開勝地臨  
春明花柳足幽尋  
石泉雲氣移新火  
黃綬朱旗閒遠林  
問俗還過大烏墓  
憂民喚起臥龍吟  
兒童歲歲看車馬  
露冕風流軼古今

遊觀音坡次韻

盧士常

無復補陀山  
上行此間已自足  
清音風吹修竹疏  
還密月到寒泉淺  
亦深不有菩提成  
妙相何緣野屣見  
天心鸚鵡聲  
柳色依然在  
疑是當初祇樹林

觀音坡

羅人龍

爲尋幽刹過春巒  
開遍春花不覺殘  
芳草踏來隨地綠  
陟緣斷後入林安  
庵中茶笥關情事  
亭外煙霞縱日看  
最愛宜人水共竹  
波光澄處影猶寒

洞庭風生

盧士常

兩峯相峙行人出  
沒其中每至山口  
颯驚風發  
乍哮吼狀不則亦  
颯颯微涼起兩腋  
間此意未

解云何或曰山有一穴深廣如許疑即風生於此與

洞庭谷口氣何清為愛巒岡空外聲兩岸縱然無浪拍  
一灣盡日有風生飄飄紅葉穿林出簇簇黃埃入路橫  
極目長颯吹廣漠遊人那復記陰晴

乳巖九峙

陳仰可

山勢嵯峨障永陽連峯一望遍三洲資生偶爾形坤德  
天保何須須舊章高列蓬壺藏石髓隱然仙窟注瓊漿  
應長欲踏承日澤時下飛泉雨露香

高貴浚霄

陳仰可

雄長諸峯勢接天濤聲奔漢響飛泉蒼崖口映藤蘿曉  
花樹雲封錦繡連楚豫遙分千里目山河遼闊萬村煙  
無風殿閣棲龜石靜隔塵囂不異仙

印臺半月

周統

廣寒團就耀新芒獨此靈泉滅月光料到蛟龍珠漸吐  
還疑婦女黛初揚分符誰剖相如璧破鏡曾憐公主妝  
共說滿盈終必闕清虛影映總如常

復登郡城文昌閣有感用壁間韻 周統

無限煙霞樓閣收登臨應喜續前遊文章何處分今古  
人代偏傷有去留俯眺寒潭千嶽見遠觀落葉萬山秋  
騎人薄暮多離思空對沙鷗聽水流

印臺半月

閔衍

皎皎冰盤碧落浮臨波斜影不相謀張丞佩印修眉嫵  
嚴子登臺擲釣鉤開襖多餐七寶屑據流漫對一輪秋  
龍宮別有霓裳侶舞破嬌娥半面愁

高貴凌霄

南望楚江如帶流北瞻崑嶽靜中收陰晴不與人間共  
奇險多爲俗子讐古澗千尋高鳳闕飛泉百道湧龍湫  
十年前後躊躇地及到相逢難遍遊

寶林擁翠

祇園聳峭揖諸峯花氣溪光漾水濃翠繞山門同帶鎖  
煙浮僧壁並紗籠垂枝松證圓明偈呬浪魚聽清淨鐘  
無念燈傳何處是閒時默坐看山容

天澗雲深

壺天非比世中情佳氣輪囷玉柱平覓路但憑山鳥語  
下時每候寺鐘聲茗旗巖畔和煙折蘭佩溪邊背日傾

老衲高僧裁不盡釀成霖雨慰蒼生

仙洞波澄

漁人探指列仙家百尺滄泓礪戶斜石泛餘香開舊醴  
風搖微浪動新槎簾飛洛浦鸞音靜雲鎖青溪鶴夢奢  
何日看塵生海底沿流豈但驗浮麻

洞庭風生

千巖萬壑盡靈空箇裏新開少女宮呼吸似通湘竹韻  
披迎還記楚臺雄氣蒸大澤兼雲夢浪破長驅首漢東  
近日帝絃能解佩特教寒谷代天工

軍山環秀

野人夢寐認當初舊鏃遺戈絆草鋤河水安流兵氣淨  
鳥聲無恙陣雲虛羊公對客惟投矢曹氏充庭盡擁書  
閒步山前槐影月寒光曾照撲塵車

乳巖九峙

天姥飛來效地靈雲衣未整逗坤形流膏那數羅霄石  
異態休猜涓水星雨露無私推嫩母秀頑得哺盡甯馨  
逢人難悉資生澤指點二三崖上青

平靖關

閔衍

封緘南國勢崇隆  
互汝經申引漢東  
拜氣未看牛背紫  
劈山曾說馬蹏紅  
鑿開陝塞燧煙外  
疲盡蒼生驛道中  
且喜披襟添壯想  
入關已識大王風

保定楊椒山先生祠

用舊韻

閔衍

猶是當初員外郎  
風吹姓字滿天香  
勝朝戮士推三廟  
羣小戕公借二王  
爭馬市時憂不淺  
卻蚺膽處意如常  
鑿瑤文孺相先後  
世烈關西獨譜楊

程節婦

安邑候選訓導

劉湘

夏鵠興歌只自傷  
安前裕後豈尋常  
某姑早渡忠臣血  
秋晝恆牽慈母腸  
心比雪冰寒更冽  
骨同蘭蕙久彌香

聖朝端重深閨節  
棹楔連祠建永陽

前題

邑舉人

高道宏

萬古難磨一字貞  
乾坤有恨此時情  
寒烟黯淡迷丹旆  
芳草淒涼逼隴塋  
自信素心昭月皎  
誰憐苦操勵冰清  
琴堂正欲觀風化  
林下今知孝節名

懷楊忠烈公

邑廩生

閔芝

抗節移宮世所知  
我懷常熟作官時  
蒼生望得謝安出  
赤子來嫌叔度遲  
兩袖風能存俎豆  
萬家佛尚活鬢眉

公在常熟政績頗多惟築隄障水人尤德之  
因於隄上立廟肖像祀公迄今香火甚盛  
琴堂只隔  
先生坐也向春秋敬謁之

重陽日同諸子登臺山

邑庠生 韓文權

城隈一逕上龍窠  
淡淡朝陽颯颯風  
掩映菊花籬角白  
翩翻楓葉嶺頭紅  
貴山北障烟雲外  
汶水東流曉夜中  
眼底時光如電掣  
可堪同醉梵王宮

卸篆畱別

邑侯 張樹猷

涖任年餘自信真  
此心似水總無塵  
循聲未奏龔黃績  
宦况依然潔白身  
縱有訟詞畱在牘  
肯貽官謗辱垂紳  
今朝揮手從茲去  
月旦公評問部民

世情變幻感滄桑  
一點靈臺要主張  
當路未能除害馬  
臨歧安得覓亡羊  
器因盤錯方知利  
事不綢繆總自荒  
怪得歲寒天氣近  
蒼松翠柏已經霜

曾無實惠及編氓  
慚愧沿街共祖程  
臨去不忘前令尹  
相看猶是老書生  
放懷已醉重陽酒  
把盞難爲此日情  
寄語城鄉諸父老  
者番贏得宦囊輕

卸篆畱別

邑侯 朱榮實

楚邊雄鎮列三關  
雪柳征途舊往還  
地是漢朝鄆縣邑



脈連隨境大洪山在天星野分張柳稽古源流溯范班  
論屬自宜江夏郡傳訛前志竟須刪

永陽書院講堂深辛苦王公創造心官舍借居殊雜沓  
文場排列頗幽沈清風在牖高懸榻明月當簾坐撫琴  
舊植女貞新種柏可能遺愛及棠陰

城外青山號印臺幾回登陟笑顏開書聲舊引聽魚出  
佳話曾傳渡蟻來作賦有才多士業論文未了替人催  
須知忠孝根基在自合科名肇大魁

花過春三月八圓此邦難別是仁賢補瘡方法增漸忝  
哺乳心情劇愛憐辜負好風窗北牖句畱山色邑東偏  
修書未就詩裁就攜與臨歧作話傳

五言絕句

渡蟻橋

明御史 李元

渡蟻本無求狀元亦偶爾所貴君子心愛物當如此

寄老僧筇杖

楊漣

堅輕筇竹杖一杖有九節寄語朔州僧閒步秋山月

失題五首

楊漣

山色無定姿如煙復如黛中有素心人鳴琴應秋籟

閒逐趁春遊，脩然大深峭。不見響屨人，山花淡相笑。  
結伴諸女兒，山花各嬌面。柔鶯弄柳雙，轉頭落翠鈿。  
鬪草藉花茵，山花香撲鬢。尋香不辨人，嗅來蝶成陣。  
闢此洪濛荒，真成羽人宅。洪崖居可移，天姥夢亦得。

魏武疑塚

閔行

誰屑仇枯骨，偏營七十餘。庸知青史上，斧鉞不躊躇。  
奸雄無甯晷，生死總徬徨。何怪李林甫，重關夜徙牀。  
分香賣履處，衰草白楊坡。為問畢原上，周文塚幾多。

孝子灘

蘄州舉人 陳瑞林

楊氏忠臣廟，韓家孝子灘。永陽重弔古，蕭瑟晚烟寒。

七言絕句

玉堂

時由鄭州入為翰林承旨

宋 祁

粉署重來憶舊遊，蟠桃閱盡海山秋。甯知不是神仙骨，  
上到鼇山更上頭。

九日

宋 祁

飄館輕霜拂曙袍，糗資花影鬪分曹。劉郎不敢題餒字，  
空負詩中一世豪。

罷翰林行次南都遇雨

鄭 獬

雨聲飄斷忽南去雲勢下生從北流料得涼風消息好  
蕭蕭已在柳梢頭

老火燒空未擬收急驚快雨破新秋晚雲濃淡落日下  
只在楚江南岸頭

吳門蠡口

鄭獬

千重越甲夜城圍戰罷君王醉不知若論破吳功第一  
黃金只合鑄西施

翰林

鄭獬

中使傳宣內翰家君王令草侍中麻紫泥金印封題了  
銀燭纔燒一寸花

浮雲樓

鄭獬

樓在浮雲縹緲間浮雲破處見朱闌山光對入鄖城紫  
溪影橫飛夢澤寒

王子安應城新亭

鄭獬  
獬弟

一簪華髮一牀書盡日新亭適意無莫道長安天樣遠  
長官自不厭江湖

前年諫獵出長楊乞得新亭作醉鄉好把青衫送酒媪  
從教人識御爐香

陪尾山

明楊繪

壽山北聳侵隋碧鄖水南流接漢清宋玉陽臺猶暮雨  
子虛夢澤半春耕

印臺書院

明兵科左給事中劉伯燮安陸人

香生芳沼風來後清映疏櫺月上初落葉遶前皆蹴字  
遊魚出聽亦聞書

遊北固望金焦紀事十首

今遺其六聞南  
中有石刻云

楊漣

危亭平俯大江流煙色維揚一片淨眼底六朝人物盡  
獨憐拳石自千秋

逢僧剛得話逃禪候吏催人下曉船怪底漁翁維柳下

三杯高枕石頭眠

巖岫古洞幾經春穠李天桃色自新半壁老藤深抱月  
卻疑中有避秦人

風塵逐日若為醒纔到虛堂眼倍明高貴白腸春正淨  
天涯何事滯迷津

遊靈崖望太湖過西施洞

楊漣

吳王穩擁太湖深薪膽十年少伯心但看扁舟辭國事

何嘗載去浣紗人

贈融和尚

楊漣

二十年前學閉關而今相見鬢毛斑  
卻憐海內徵求急  
卽爾山僧亦不閒

遊雙泉寺次彭熙陽先生韻二首 楊漣

鐘聲縹緲鶴聲孤彷彿人天有卽無  
最是禪心容易覓  
一聲清磬見元珠

嶙峋山寺倚雲孤是處鸞塵此若無  
怪得王僧多慧識  
摩尼膽有照昏珠

輓楊忠烈公

明邑舉人陳愚

二十四參憤已深借題况復巧相侵  
血誠許國何辭死  
翻憾當年不楚吟

曾參悞藥慎宮曹此是忠臣極口褒  
天子豈忘言在耳  
其如中禁有凶高

登極期緣斂畢遲禮伸機緩眾皆危  
衛宮五夜鬚全白  
心血惟應烈考知

不見鬚官屢注思公疑冲聖或相知  
何當埋姓云亡久  
難識先年保駕姿

正諫忠臣守太常先拋成敗與存亡若教數定身無死  
千古逢干亦不祥

與公抵掌策時艱老大無成法應聞此際但教公有後  
永甘披髮入深山

溱洧懷古

閔衍

四十餘年楚晉身千秋溱洧載艱辛波間儘有虹橋臥  
卻少當初輿濟人

嵇侍中祠

閔衍

護蹕湯陰血雨飛豫辭佳馬脫重圍祠邊春湧桃花漲  
猶似安陽未浣衣

題岳王廟

邑進士 胡楷

教王窮廬未得歸康王養志若無違我年應怯還較苦  
兒在江南殺岳飛

大貴山

陳常泰

山行強半且登樓已見長江如帶流絕頂正須畱一步  
青雲寬處好回頭

渡蟻橋懷古

閔芝 仙回

編蒲即是渡人舟爭不當年應狀頭多少茫茫渾似蟻

橋邊惟見水東流

應山縣志卷三十六

雜記

賢士大夫文章遊戲後之景而慕者輒稱道弗諼况嘉  
言懿行片羽足珍顧聽其散漫而莫之統考古者竊心  
焉病之茲舉本傳所未載者聞見偶及輯而存之庶無  
異於安石之碎金乎誌雜記

柳子厚云嘻笑之怒甚於裂眦劉夢得云駭機一發浮謗

如川信文之險語

宋景文筆記

經曰孝莫大於嚴父嚴父莫大於配天則周公其人也

古者祭天於郊郊也者不屋者也達自然之氣掃地而祭器尚陶匏不敢以人之所愛奉之尊之也遠而敬之也人莫不本乎祖祖一而已祖無二上故曰率義而上至於祖祖尊而不親是所以配天也周推后稷配天盡矣至矣不可以加矣周公之攝政仁乎其父欲配之郊則抗乎祖欲遂無配則已有仁父之心不能見之天下不見之天下仁也於是乎名天以上帝而配之上帝也者近人理也人於萬物乃一物假令天若有知然宰制生育未必圓顧方趾耳鼻食息於人者也今名之帝以人事天引天以自近親之也人之親者莫若父故以文王配上帝不可以郊故內之明堂明堂王者最尊處也仁乎其父故親於天天有帝名則祭之明堂親與敬兼之矣孔子所以美周公能以是心達於天下而不失乎至禮禮者緣人情者也

簫韶九成鳳凰來儀擊石拊石百獸率舞以爲虞氏之德上奉天下法地中得人萬物字茂殺之不暴貸之不私挈天下於仁壽若奠器在壚以其成功次之歌



詩轟然寫金石入匏竹無所加其德可矣鳳未始來也獸未始感也且樂作之朝作之廟作之郊乎羣瞽在廷百工雁行而獸參其閒何其怪也然則孔子何爲而不剛曰樂王成功不得不盛推吾道侈吾言以肆之有如祖考來格又將見顓頊堯瞽叟闐然於堂上耶

余少爲學本無師友家苦貧無書習作詩賦未始在志立名於當世也願計粟米養親紹家閥耳年二十四而以文投故宰相夏公公奇之以爲必取甲科吾亦不知果歟天聖甲子從鄉貢試禮部故龍圖學士劉公嘆所試辭賦大稱之朝以爲諸生冠吾始重自淬礪力於學模寫有名士文章諸儒頗稱以爲是年過五十被詔作唐書精思十餘年盡見前世諸著乃悟文章之難也雖悟於心又求之古人始得其涯略因取試五十以前所爲文赧然汗下知未嘗得作者藩籬而所效皆糟粕芻狗矣夫文章必自名一家然後可以傳不朽若體規畫圓準方作矩終爲人之臣僕古人譏屋下位屋信然陸機曰謝朝華於已披啓夕

秀於未振韓愈曰惟陳言之務去此乃爲文之要五經皆不同體孔子沒後百家奮興類不相沿是前人皆得此旨嗚呼吾亦悟之晚矣雖然若天假吾年猶冀老而成云

弛惡不戮姦笑於腹當封吝寵勞臣諱勇奴耕於原婢執其爨丈人以安

植表挺挺下無曲影善聲之唱應無醜響  
民之瘠無肥國下之悅有豫君

東南天地之奧藏西北天地之勁方

憂樂喜怒人所未嘗無也多憂傷神過樂喪守喜極氣散怒極氣慙而不下使吾心爲郵至而不久含則善矣若少畱彼其以我爲囊橐掩其耳而聽藐藐猶洪洪然掩其目而視了了猶眊眊然惡來掩紂之耳武王翽師於孟津之濱宰嚭掩夫差之目句踐嚙笑於會稽之隙

蝟螬啣秋螳子戰陰非有命者

重兵在邊京師乃單拂軀以尾尾不可大

剛四胆者骨也剛天下者兵也

臣弄其法王威且刦私門可炙君戶將闐  
臬不憑夜弗能自怪政必先罅姦人投詐  
父否母然子無適從政產二門下乃告勤  
重輕不同衡獻其公曲直相欺繩出其私  
知賢不進朝有剏印知不肖不退挈明入昧  
任賢而二五堯不治 水淵則回道衍則聖  
至不謹戶盜者夜舞

種禾不耰而懟其秋與食爲讐

以上俱筆記

宋祁筆記二卷其書上卷曰釋俗中卷曰考訂多正名  
物音訓裨於小學者爲多亦間及文章史事下卷曰  
雜記則欲自爲子書造語奇雋多似焦贛易林譚峭  
化書而終以廷戒治戒左志右銘未審爲平日預作  
爲其後人附作也未有寶慶二年上虞李衍跋稱其  
可疑者七事如以骨朵爲服牝不知朵爲某字之誤  
以鮑照作昭爲誤而不知唐避武后之諱以牛耕始  
漢趙過而不知冉耕字伯牛古犁字文亦從牛以移  
爲開而反合而不知爲郁李以臣瓚爲于瓚而不知  
酈道元水經注稱薛瓚以朴無樓音而祁所預修之

集韻實有蒲侯匹角二切以卯本柳字而不知實古  
 卿字所撫多中其失然大致考據精詳非他說部游  
 談者比其中如論漢高祖呂氏一條後蘇洵高祖論  
 全本之又如蕭該漢書音義為顏師古所未見者亦  
 賴此書存其畧晁公武讀書志稱是書每章冠以公  
 曰字不知何人所編此本無之或傳刻者所削文獻  
 通考引中興藝文志以是書為紹聖中朱肇次其祖  
 庠之語與公武說異馬端臨謂二筆錄卷數相同祁  
 庠又兄弟不能定為一書二書今考書中稱引莒公  
 者不一莒公即庠則此錄為祁明矣或肇所編又別  
 一書亦名筆錄耳

四庫全書提要

歸田錄云宋鄭公庠初名郊字伯庠與其弟自布衣時  
 名動天下號為一宋其為知制誥仁宗驟加獎眷便  
 欲大用有患其先進者諧之謂其姓符國號名應郊  
 天交自郊諧致致者代之名也宋交其言不祥仁  
 宗遽為改以公缺缺不獲已乃改為庠字公序公後  
 再遷踐二府二十餘年以司空致仕兼享福壽而終而  
 講學書不見用以卒可為小人之戒也

靖康紀  
素雜記

宋元憲公以奏詔更名庠意殊怏怏不滿會用新名移書葉道卿乃呼同年葉戲答公曰清臣宋郊榜第六由選通閣小錄無宋庠者不知何許人公因寄一絕自解云紙尾勤勤問姓名禁林依舊玷華纓莫驚書錄題臣向只是當時劉更生

西清詩話

三采俱爲晏元獻門下士兄弟雖甚貴顯爲文必手鈔寄求雕潤嘗見景文寄公書曰莒公兄赴鎮圃田同遊西池作云長楊獵罷寒熊吼太乙波閒瑞鶴飛語意驚絕因作一聯云白雪久殘梁複道黃頭閒守漢樓船仍注空字於間字之旁批云二字未定更望按示晏公書其尾曰空優於間見雖有船不御之意又字好語健蓋前輩務求博約情實肫至蓋如此也

西清詩話

宋鄭公庠省試良玉不琢賦號爲擅場時太宗胥內翰偃考之酷愛必謂非二宋不能作之奈何重疊押韻有瓌奇擅名而無刻畫之名之句密與自改擅名爲擅聲後埒之於第一殆發試果鄭公也胥公孳孳於後進故天聖明道間得譽於時若歐陽公等皆是後

雖貴顯而眷盼亦衰故學士王平甫撰胥公神道碑略云諸孤幼甚歸於潤州公平日翦擢相踵而材勢大顯者無一人所助獨鄭公恤其家甚厚蓋茲事也

湘山野錄

宋莒公殿試德車結旌賦第二韻當撰結字偶忘之考試官奏過得旨因得在數以魁天下其後謝王司文啟云掀天波浪之中舟人忘楫動地鼓鼙之下戰士遺弓蓋敘此也

台州府志

子京鷓鴣天詞云畫鼓雕鞍狹路逢一聲腸斷繡簾中身無彩鳳雙飛翼心有靈犀一點通金作屋玉爲龍車如流水馬如龍劉郎已恨蓬山遠更隔蓬山幾萬重子京過繁臺街逢內家車子中有褰簾者曰小宋也子京歸遂作此詞都下傳唱達於禁中仁宗知之問內人第幾車子何人呼小宋有內人自陳頃侍御宴見宣翰林學士左右內臣曰小宋也時在車子偶見之呼一聲爾上召子京從容語及子京惶懼無地上笑曰蓬山不遠因以內人賜之王阮亭云蓬山不遠小宋何幸得此奇遇麗豎然椽燭遠山磨險麋此

老一生享用令人妒煞

張宗櫛詞林紀事

子京修唐書嘗一日大雪添繡幕然椽燭一秉燭二左右熾炭兩巨爐諸姬環侍方磨墨濡毫以澄心堂紙草一傳未成顧諸姬曰汝輩俱曾在人家頗見玉人如此否皆曰無有其間一人來自宗子家子京曰汝太尉遇此天氣亦復何如對曰只是擁爐命歌舞間以雜劇引滿大醉而已如何比得內翰子京點頭曰也是不惡乃閣筆掩卷起索酒飲之幾達晨明日對賓客自言其事後每宴集必舉以爲笑

語林

范蜀公少時與宋子京同賦長嘯卻邊騎蜀公先成破題云制動以靜善勝不爭景文見之於是不復出其所作潛於袖中毀之因謂蜀公曰公賦甚善更當添以二者字蜀公從其說故謂之制動者以靜善勝者不爭然景文賦雖不逮於蜀公他人亦不能到破題云月滿邊塞人登戍樓真奇語也

能改齋漫錄

宋景文言爲文是靜中一樂

剡溪野語

子京博學能文章天資蘊藉好游宴以矜持自喜晚年知成都府帶唐書於本任刊修每宴罷盥漱畢閉寢

門垂簾然二椽燭媵婢夾侍和墨伸紙遠近觀者皆知尚書修唐書矣望之如神仙焉

東軒錄

多內寵後

庭曳羅綺者甚眾嘗宴於錦江偶微寒命取半臂諸婢各送一枚凡十餘枚皆至子京視之茫然恐有厚薄之嫌竟不敢服忍冷而歸

東軒筆錄

景文過子野家將命者曰尚書欲見雲破月來花弄影郎中子野內應云得非紅杏枝頭春意鬧尚書耶

子京玉樓春詞云東城微覺風光好縠皺波紋迎客棹綠楊煙外曉寒輕紅杏枝頭春意鬧浮生長恨歡娛少肯愛千金輕一笑為君一酒向斜陽且向花間留

曉照

詞林紀事

論者多咎新唐書不載詔令殊不知前輩自有意見宋景文公摘碎云文有屬對平仄用事者供公家一時宜讀施行似快便然不可施於史傳予修唐史未嘗得唐人一詔一令可載於傳者惟舍對偶之文近高古乃可著於篇大抵史近古對偶非宜今以對偶之文入史冊如以粉黛飾壯士笙匏佐鼓聲非所施云

雲谷

雜記



侍讀劉原父守維揚宋景文赴壽春道出治下原父爲  
 具以待宋又爲踏莎行詞以侑觴云蠟炬高高龍煙  
 細細玉樓十二門初閉疏簾不捲水晶寒小屏半掩  
 琉璃翠桃葉新聲榴花美味南山賓客京山妓利名  
 不肯放人間忙中偷取功夫醉宋卽席爲浪淘沙近  
 以別原父云少年不管流光如箭因循不覺韶光換  
 至如今始惜月滿花滿酒滿扁舟欲解垂楊岸尚同  
 歡宴日斜歌闕將分散倚蘭橈望水遠天遠人遠能改

齋漫錄

宋景文修唐史好以艱深之辭文淺易之說歐陽公思  
 有以諷之一日大書其壁曰宵寐匪禎札闕宏休宋  
 見之曰非夜夢不祥題門大吉耶何必求異如此山堂

肆考

鄭獬記注云黃帝時有瑪瑙甕中有寶露時瀉則露  
 滿時澆則露竭 周穆王時西域獻常滿杯 內庫  
 一杯青色紋如亂絲其薄如葉杯足有鏤金字曰白  
 煖杯以酒置之溫溫然有氣相吹如沸 尉賓國進  
 一杯名照世杯光明洞徹照之可知世事 觚者鄉

飲酒之爵也解者適也當適可也所以節飲 觥者

罰不敬也周禮觥其不敬者 鹵者中尊也受五斗

彝者上尊也受三斗罍者下尊也受六斗 劉伯倫

一飲一石五斗古時斗窄以今量較之古一石得三

斗 觴者卮之總名也謂之羽觴者如生爵之形有

頸尾羽翼 嵇叔夜刻杯爲鸞鳥之形名曰鸞觴

烏孫國貢劉表青田壺貯水卽如酒可供二十人

劉表三爵一曰伯雅七升二曰仲雅六升三曰季雅

五升 隋文帝時笑厥獻玻璃杯元宗以酌李白

金鑿落姜堯章詩翦燭屢呼金鑿落 銀不落白樂

天詩銀花不落從君勸 蘇東坡有荷葉杯黃庭堅

有梨花盞

王荆公素不樂滕元發鄭毅夫目爲滕屠鄭酷然二公

豪邁殊不病其言毅夫一日送客出郊過朱亥冢俗

謂之屠兒原者作詩云憑君莫笑金槌陋卻是屠酷

解報恩 老學庵筆記

鄭獬詩夜來過嶺忽聞雨今日滿溪都是花 詩人玉屑

田家汨汨流水渾一樹高花明遠村雲意不知殘照好

卻將微雨送黃昏鄭毅夫詩也春陰垂野草青青時  
有幽花一樹明晚泊孤舟古祠下滿川風雨看潮生  
蘇子美詩也第二句相類然皆清絕可愛

能改齋漫錄

仁宗重於選士皇祐五年廷試既考定前一日取首卷  
焚香祝曰願得忠孝狀元洎唱名乃鄭獬也故鄭謝  
啟曰何以副上心忠孝之求

慶史

鄭毅夫自負時名國子監以第五人選意甚不平謝王  
司啟詞有李廣事業自謂無雙杜牧文章只得第五  
之句又云騏驥已老甘駑馬以先之巨鼇不靈因頑  
石之在上王司深銜之他日廷策王司復為考官必  
欲黜落以報其不遂有事業似獬者枉遭斥逐既而  
發考卷則獬乃第一人及第

沈括夢溪筆談

鄭獬未貴時病疫甚困夢至一處若宮闕有吏迎謁甚  
恭公曰吾病煩熱思涼浴以清肌膚吏曰辦之久矣  
遂導至一室中有小方池發以明玉水光豔豔以手  
測之清冷可愛公坐其上引水沃身俄頃兩臂皆生  
白鱗顧水中影則頭已角出公驚遽去吏云玉龍池  
惜乎公不入其水入當大貴但沾灑而已幸而公是

白龍翁雖貴不主一品乃覺大汗而愈公後登第一  
乃戲為詩云文闈敷載奪先鋒變化須時自古同霹  
靂一聲從地起到頭元是白頭翁 緯略

內翰鄭毅夫久負魁望而滕甫元發名亦不在其下暨  
試禮闈鄭為南宮第四場魁滕為南廟別頭魁及入  
殿試圖丘象天賦未入殿門已風聞此題遂同議論  
下筆皆得意時留後李公端夢滕作第三人服緋牙  
繫鞋來謝而鄭亦有白龍之夢將唱名二公相遇各  
舉程文滕破題云大禮必簡圖丘自然及闈鄭賦禮

大必簡丘圖自然滕即歎服曰公在我先矣然未忘  
魁望預為笏記云朝廷取士惟求一日之長吠畝望  
君咸務積年之學及唱第鄭果第一滕果第三皆如  
素望鄭卻無陞謝之備遂用滕記 能改齋漫錄

鄭猶字獻嘉獬弟風流文雅人物秀少翩翩佳公子也  
自幼隨獬守東南名郡如錢塘之類所閱佳麗皆一  
時之選喜讀書而詩章翰墨皆有聲獬既沒求監安  
州酒稅安州其鄉里以便養親也 塵史

李庭芝在淮南聞陸秀夫名辟置幕下時天下稱得士

多者以淮南為第一號小朝廷

宋元通鑑

顏木免官歸益淬礪自信曰彼能尼吾仕而不能錯吾履能黜吾爵而不能墮吾學吾將樹風立言示範後世屹然表正於淮漢之間號淮漢先生著有家政漢

東志七禮解選詩評諸書

分省人物考

楊忠烈宰常熟時織監某夫役至邑藉璫勢以上供為名索詐無厭公杖而逐之璫怒提典戶不與曰解一典戶填壑無厭定傾此一人家吾甯棄官而不忍也邑有勢官務為奸利魚肉善良資結公卿持官吏短

長或鳩其異己者道路以目公得其諸奸狀密上巡方禠衣冠抵重辟時相書亦不受大姓皆為斂手

楊公

年譜

常熟田多汗下苦水漲十年九不登公創築府塘石堤四十里蛙池荻港悉為桑田廬井又置義田三百畝以為每歲修補之費人稱楊公堤云去任後復寄金植桃柳於上彷彿蘇公之西湖焉

同上

公二十四罪疏入後忠賢日購死士刺公私第皆至牆卻步若有雲霧障護者不得入五城聞之皆設兵防

守一夕有人飛簷而至公見之曰殺止殺我毋傷我  
母其人曰吾實奉委感君忠孝何忍加害竟不言姓  
字而去 同上

應自梁隋以來立為州縣扼三關固為湖北衝繁要

地矣自明正德八年南直無錫談公一鳳來令茲土始

建城池創修邑志未就而任遷 調岳州蘇州吳縣莊公

鉞於十年接任與邑人顏木始得纂成繼自萬曆元年

山陰張公博涖任重修之

朝康熙四年邑侯儀封王公匯三修之志多未備復於

康熙十二年邑侯周公祐四修之迄今已越百九十八

年矣自同治六年商邱劉公宗元權篆於茲適 上憲

徵志慨然筵請闔邑諸紳妥為籌商立定章程遂設局

於東嶽觀七年卸篆未就涇縣朱公榮實接署斯篆下車卽督辦又以八年解任未竟茲星沙周公道源特授此任移局城內督飭諸紳務期採訪確實考核詳明俾得徵爲信志以備輶軒之採稿成移學校閱並令補缺訂訛俾無遺議瀛不敏徵文考獻邑人士各以舊所錄並新所聞者請證之然瀛不敢自專也必呈 邑侯鑒定焉而志於以成特書其原委附末時官斯土者邑侯周道源教諭陳瑞琚城守陳得陞典史姚振玉巡檢謝超例得備書閣中書銜應山縣訓導海農氏任步瀛跋

吾邑前志賴陳孚尹公獨任捐資力也成自康熙十二年距今近二百載矣杰自束髮時就茂亭長兄受書屢聞兄與長者聚議輒以邑乘未修有志莫逮爲恨時尚茫然莫省也旣入 京師邀微職捧檄江右迂道旋里兄舉廉儉訓之不責家計而獨以剖分廉俸贊修邑志爲諄諄杰不敏宦遊累載不能繼陳公捐修之志爲一邑光也愧何如之兵燹後聞邑中樂善諸君子有慨然續修之舉竊願竭涓埃助梓費不敢云首倡也茲聞賢父母鎮廷周侯力任其事諸君子分任其勞而底於

公杰恨未躬與曠典而樂厥成功則有不禁望風拜禱者矣爰綴數言以識

同治十年歲次辛未季冬之望邑人楊長杰謹跋



應山縣志

卷末

公產  
捐戶

書院膏火田

佃戶彭芳鍾租屋坐落西門會楊家灣南頭正屋八間廳  
屋四間橫屋六間南首山牆屬私北首山牆與方姓作  
官屋前基址齊方姓田邊連界屋後基址直上分水嶺  
書院田邊為界界內樹木荆祠一併在內其田坐落門  
首冲方姓田下坎貳坵共五斗徐家塘北塆一連拾四  
坵共九斗隨田山岸上齊姚胡兩姓分水為界下齊方  
姓塘邊連界徐家塘正冲壹連貳拾九坵共四石四斗  
下齊方姓田邊連界上齊大路為界以上田俱在徐家

塘用水屬私深塘正冲七坵共六斗南塘六坵共七斗  
下齊曹姓田連界上齊彭李二姓山連界李姓出下坎  
六坵共貳石七斗下齊曹姓田連界以上俱在深塘用  
水屬私屋後楊家冲屋基塘下坎一連拾八坵共貳石  
叁斗俱在屋基塘用水屬私共九拾四坵共田拾貳石  
陸斗楊家冲隨田山岸上齊蔡姓分水為界下齊方姓  
田連界屋側小塘下坎一連拾貳坵共五斗此田五斗  
在拾貳石六斗之內俱在小塘用水屬私四界明白稻  
場石碌米碓作官

存押租 壹百叁拾叁串

每年租穀五拾石零四斗

佃戶周明租屋坐落西門會胡家橋北周家棚子嶺

上灣草屋正屋四間橫屋貳間屋前基址與書院田連

界屋後基址與書院田連界屋北齊大路外分水為界

屋南與書院田連界其田坐落門首小墘下坎田壹坵

四斗上坎壹連五坵共八斗屋後四坵貳斗正冲南塘

壹坵五升五升田背上有曹姓祖墳四界以埋石為界

以上共田壹石四斗半盡在清水塘用水屬私清水塘

背上山岸以大廟山分水爲界大廟山上水溝壹條下  
清水塘熟地在內山上與陳姓作官石頭塘腳下壹連  
四坵共叁斗正冲灣田壹連五坵共七斗半在石頭塘  
用水與楊姓作官石頭塘背熟地貳塊齊小廟山分  
水爲界灣田東隨田山岸熟地齊分水爲界與王姓連  
界南齊楊姓以埋石爲界大路北壹連五坵共六斗在  
豬槽塘用水屬私豬槽塘上大路南壹連九坵共九斗  
在大路南清水塘用水屬私塘背上有古溝貳條從楊  
姓田過水下清水塘隨田山岸南齊楊姓田爲界北齊

陳姓山分水爲界西齊李姓山分水爲界李姓山有書  
院古溝一條攔水下清水塘熟地在內中坡山齊分水  
爲界與陳姓連界九斗田腳下大路邊有古溝壹條水  
灌豬槽塘凡有界內樹木荆柯稻場石礮土地廟壹併  
屬私共田四石叁拾四坵

存押租錢貳拾陸串  
每年租穀拾陸石

佃戶李占吉租屋貳洞坐落宋家會發旺寺正屋五間  
貳面橫屋四間發旺寺上冲草屋墘瓦正屋四間貳面

橫屋四間小廳屋四間坐西朝東屋前後左右基址俱以山頂分水爲界其田坐落墩子塘以下正冲到大塘壹連貳拾四坵共田四石六斗發旺寺對門陳家冲大小田拾坵共田壹石發旺寺側邊灣大小壹連拾貳坵共田壹石四斗隨田山場俱齊分水爲界私塘六口用水大塘角下正冲大小田拾壹坵共田四石東邊塆田拾貳坵共田貳石西塆大小四坵共田六斗隨田山場俱齊分水爲界私塘貳口用水大塘角下山岸東齊毛姓連界南齊劉李貳姓連界合計柒拾叁坵共田拾叁石六斗稻場石礮荆柯樹木壹併屬私生熟地俱在其內田地屋宇山岸俱齊分水爲界

存押租錢壹百串

每年租穀五拾四石四斗

佃戶王升爵租屋坐落八角會九里岡坐北朝南正屋七間草屋貳間其田坐落門首塆下坎田壹冲到頂大小田貳拾八坵共田四石貳斗私塘叁口管水田地屋宇基址山岸東齊山頂分水爲界西齊山頂分水與王姓連界南齊山頂分水與劉姓連界北齊山頂分水爲

界界內樹木荆柯水溝稻場石礮壹併屬私

存押租錢四拾串

每年租穀貳拾八石

佃戶張志元租田坐落西鄉半甲會柴家灣對門叁坵  
共貳斗東齊朱劉二姓田連界西齊吳姓田連界北齊  
劉姓田連界西首壹座小山齊分水為界其田在與朱  
吳二姓作官之草塘用水

無押租錢

每年租穀八斗

佃戶程彩租屋坐落北十會任家冲正屋叁間橫屋貳  
面門樓壹座門首正冲水麥田壹冲到底合計四拾四  
坵共田四石整私塘叁口管水田地屋宇山場東西南  
北四面俱齊分水嶺為界下齊河心為界

存押租錢貳拾串

麥租貳石秋租拾肆石

佃戶柴青岩租田坐落北鄉北門會柴家灣頂西頭五  
正屋叁間橫屋貳間廳屋叁間屋後基址齊人行路為  
界屋西齊古墳邊為界前齊塘邊為界東與原業官牆

直上到人行路爲界吳姓塘坎上壹坵柒斗五升冲中壹坵柒斗與原業柴姓連界冲頂上貳坵共五斗冲西塋貳坵共貳斗傍北有小熟地壹塊有隨田山場東塋四坵共叁斗五升祖墳前壹坵壹斗門首大塘坎下第貳坵壹坵貳斗圍田坎下壹坵壹斗桑樹口壹坵叁斗大塘吉口下壹坵並山邊壹坵共貳斗有隨田山岸屋西壹坵叁斗鼓脰田壹坵貳斗俱在門首塘新塘用水屋後冲窰田東坎下叁坵共叁斗尖角地北四坵叁斗在屋後小塘用水熟地大小四塊隨田山場俱照田直上管業止有柴姓祖墳山不在其內合計貳拾五坵田四石陸斗

存押租錢四拾五串

每年租穀拾八石四斗

佃戶劉新階租田坐落南門會西茶菴小劉家塋後廟脚下田貳坵貳斗下坎貳坵叁斗下坎壹坵壹斗廟塘用水作官計五坵共田六斗熟地四塊在內東齊劉姓山路爲界南齊劉姓田爲界西齊蕭姓地爲界北齊茶菴人行路爲界

無押租錢

每年租穀叁石正

佃戶程江租屋坐落小北門外坐西朝東正屋七間貳面橫屋四間門樓院牆壹座屋後圍園壹個基址東齊周姓爲界北與譚姓官山連界南齊人行路爲界西齊八斗田邊與許姓連界界內園林樹木門前稻場石礮壹併屬私其田坐落明首塘下坎壹坵壹石下坎壹坵九斗北齊陳姓連界下坎壹坵六斗下坎壹坵五斗下坎貳坵共壹斗下坎壹坵八斗西齊許姓連界下坎壹坵四斗下坎壹坵五斗下坎壹坵壹石下坎壹坵四斗下坎壹坵六斗下坎壹坵六斗下坎壹坵貳斗下坎壹坵柒斗俱係門首塘用水屬私自屋南人行路下水俱以灌塘七斗田下坎壹坵貳斗下坎壹坵八斗南齊許姓連界俱係新塘用水屬私新塘水路接本庄山水灌塘南首濠溝下坎壹坵五斗下坎壹坵六斗下坎壹坵壹斗俱係濠溝用水合計貳拾坵共田拾石零五斗

存押租錢柒拾串

每年麥租八石秋租叁拾九石五斗



佃戶熊登魁租田坐落北鄉黃土會陳家河大四冲柴家灣有正屋叁間坐東朝西貳面橫屋五間草屋貳間其屋前後基址北齊徐姓分水爲界南齊本灣土地爲界門前西齊水溝爲界界內大小樹木壹併屬私其田在腰塘以上叁坵共五斗在腰塘倒車用水隨田山岸東齊柴姓分水爲界北齊徐姓田連界西齊喻姓分水爲界腰塘以下又田七坵共壹石亦在腰塘用水隨田山岸東齊徐姓爲界西齊喻姓分水爲界又徐姓田以下有田九坵共壹石貳斗在腰塘用水兩面隨田山岸東齊徐姓分水爲界西齊喻姓分水爲界下齊官塘界外南有河田壹坵叁斗齊河心爲界在河堰用水與徐姓作官又南有平地壹塊計貳拾坵共田叁石稻場石礮壹併屬私

存押租錢貳拾五串

每年麥租貳石秋租拾石

佃戶席林席正元租屋坐落半甲會席家岡正屋六間貳面橫屋四間廳屋六間貳面山牆俱係作官屋前基址齊塘坡屋後基址齊分水爲界門前菜園在內門首

田壹連貳坵共七斗與席姓連界席姓田下坎壹坵壹斗五升與周姓連界與程席二姓官塘用水又門首私塘壹口用水席姓墳前貳坵共壹斗與程姓官塘用水北榜壹連貳拾貳坵共田貳石六斗五升與程姓連界熟地在內係私塘用水西冲田壹連叁拾坵共田壹石八斗熟地在內係屋基塘管水與程姓作官又小私塘貳口蔭救地坎堰背山岸西齊饒姓山分水爲界南齊席姓祖墳山邊爲界東北與程姓山田爲界胡家冲田壹坵四斗係黃家堰管水田與黃姓田連界大塘下坎壹連四坵共田六斗五升席姓田下坎壹坵叁斗又席姓田下坎貳坵共壹石東榜破田壹坵壹斗五升周姓田上坎貳坵共田四斗又周姓田下坎壹坵貳斗南榜田壹連貳拾貳坵共田壹石叁斗俱係大塘用水大塘與周席二姓作官門首正冲新塘堰口貳坵共貳斗係新塘用水作官新塘周姓田上坎壹坵貳斗新塘倒車西榜兩坵共壹斗五升係深塘管水作官東榜田叁坵共叁斗係大塘長塘用水又東榜田壹連拾柒坵共田壹石叁斗五升與席官塘用水又私塘一口用水生熟

地在內東齊人行大路爲界北齊黃姓田連界合計壹百壹拾六坵共田拾貳石田地屋宇界內大小樹木荆柯壹併屬私稻場石礮米礮俱係作官

存押租錢五拾貳串

每年租穀五拾四石

買彭之杞之田屋坐落在半甲會彭家壩北首廳屋貳間橫屋貳間後齊滴水爲界前齊彭姓田邊爲界其田在正冲門首貳坵壹斗黃土塘用水私塘壹口菜園壹個屋側地貳坵壹斗黃土塘用水

佃戶彭之相租田坐落在半甲會西十三里橋劉家岡壩東小塘下坎叁坵共貳斗小塘用水作官

存押租錢貳串

二 麥租貳斗穀租壹石壹斗

僧照臨捐入田坐落南十里會十里鋪胡家壩北首正冲陳姓田坎下壹坵四斗又壹坵五斗私塘用水喂魚五斗田西塋上壹連六坵共六斗與吳姓連界東塋上壹連大小五坵共六斗有四斗田在黃土塘用水喂魚又下坎壹坵四斗軍私貳塘用水喂魚又塘腳下壹坵

壹石又下坎壹坵五斗再下坎壹坵六斗又小沖宿姓田下坎壹連六坵共六斗北沖餘水從宿姓田過宿姓不能阻攔南有水溝壹條屬私下坎壹坵貳斗又下坎壹坵貳斗又軍塘北首壹連叁坵共叁斗在大塘用水外有熟地壹塊隨田山岸又軍塘腳下大小叁坵共叁斗又宿姓田下坎壹坵叁斗又卑塘南首山下壹坵壹斗在大塘用水喂魚屋側壹連五坵共六斗屋後草塘私塘貳塘用水喂魚胡家灣北首李姓屋側傍田上坎有過水田壹坵外有民田四斗在五部四號過戶完納屯糧壹石捌斗在武昌左衛完納田山岸東齊人行路爲界正屋五間橫屋貳間廳屋五間門樓圍牆欠楹梁柱楨櫺窗戶鼓皮在內前齊陳姓塘邊爲界後齊直上分水爲界南齊陳姓官山爲界北齊買主塘邊爲界週圍園林樹木荆柯石窖稻場石碾碾子一併在內共田柒石貳斗此田係胡遵海稟請充公

存押租錢柒拾串

穀租貳拾捌石捌斗麥租四石在內

歲利賦卷費田

咸豐十年買吳燮位屋田坐落在南二會破塘南邊正屋四間橫屋貳間門樓壹所西屋後熟地壹連數坵至丁姓地邊爲界南至人行大路吳姓田邊爲界北齊破塘邊爲界東齊盧姓田邊爲界田坐落壹冲兩傍田有八拾餘坵共田六石大塘長塘用水喂魚屬私屋前後左右園林樹木稻場石礮米碾糞湯糞空俱以在內

押租錢叁拾串

租穀貳拾肆石

麥租貳石在內

咸豐十年買吳育亭之田屋坐落南二會雷家灣北首  
正屋參間北首橫屋壹面門樓壹所前齊塘坡後齊滴  
水北齊人行路其田坐落江家廠雙塘下坎田貳坵共  
四斗在雙塘用水江家壩田壹斗壹坵在草塘用水江  
家廠田五坵共四斗石家灣長塘下坎四斗貳坵長塘  
南橫頭貳斗壹坵木魚塘西橫頭貳斗壹坵張家灣土  
地門前壹斗壹坵明前正冲田貳坵共四斗俱在張家  
大塘用水腰塘上坎田叁斗壹坵在腰塘用水碾子塘  
大路邊壹連叁坵共貳斗半在碾子塘用水大路下坎  
第叁坵田貳斗壹坵張家灣南邊田壹斗壹坵在碾子  
塘用水張家灣後古田壹斗壹坵張家灣門首田四坵  
共貳斗半張家灣北頭田六坵共九斗半在兩個塘用  
水碾子塘正冲田貳坵共四斗半在碾子塘用水大塘  
下坎田壹斗壹坵共田五石石碾稻場米碾公用園林  
樹木在內

押租錢貳拾貳串

穀麥租貳拾石

同治元年買甯惟正之田坐落南三會資福寺軍塘上

坎六斗壹坵六斗東頭壹斗壹坵西頭壹斗壹坵熊家  
灣門首秧田壹斗壹坵灣背後壹斗壹坵在軍塘熊家  
灣塘長塘叁處用水軍塘下坎壹斗壹坵壹斗下坎貳  
斗壹坵下坎貳斗壹坵下坎壹連兩坵共叁斗下坎貳  
坵共貳斗共田貳石

錢拾肆串

穀叁租捌石

同治四年胡遵海捐廟田屋坐落南門會石龍寺東北  
坡瓦屋四間草屋四間門首田壹坵貳斗窑田貳斗坎  
上貳坵貳斗硤口壹坵壹斗山邊貳坵共貳斗下坎壹  
坵貳斗又壹坵壹斗長田壹坵貳斗又南邊叁坵叁斗  
長田下坎壹坵壹斗又壹坵五斗下坎壹坵貳斗五斗  
背上壹坵貳斗上坎壹坵壹斗上坎硤口壹坵壹斗南  
塆叁坵共貳斗又南邊壹坵貳斗下坎壹坵貳斗又貳  
坵貳斗硤口田下坎貳坵壹斗塘巖壹坵貳斗南橫頭  
壹坵壹斗塘巖第貳塊壹坵貳斗下坎壹坵貳斗又下  
坎壹坵貳斗南邊壹坵壹斗北頭壹坵壹斗正冲壹坵  
九斗下坎壹坵壹石隨田隨屋山場各照田屋基址俱

齊分水爲界所有山場熟地基址樹木壹並在内私塘  
貳口共田六石八斗

押租錢肆拾柒串

租穀叁拾石零陸斗

同治四年郝元慶捐屋田坐落蓮洪會龍泉鎮西南貳  
里許潘家灣瓦屋貳洞正屋七間廳屋四間橫屋四間  
屋基前齊塘坡後齊直上分水頂爲界内有楊姓祖墳  
一塚周圍以羅垣埋石爲界屋西山牆與梅氏祠作官  
屋後西齊梅姓祖墳腳塹老埋石直上直下爲界巒  
西頭出入路照梅姓空基人行路作官其田坐落腰塘  
背上壹坵四斗隨田山岸上有熟地壹塊西首劉姓山  
界内有古溝壹條接水灌塘東邊田岸山岸俱齊人行  
路爲界地邊有古溝壹條腰塘西首有古溝壹條在劉  
姓山岸之内田岸熟地貳塊齊分水爲界腰塘腳下壹  
連七坵共田壹石腰塘管水喂魚腰塘止有梅姓貳斗  
田用水又在門首大堰倒車用水門首東傍陸坵壹石  
灣堰管水喂魚屬私又在門首大堰倒車用水隨田山  
岸北齊梅姓田界東齊分水内有梅姓古溝貳條止照



古跡不詳開挖南齊梅姓山岸爲界內有梅姓古溝壹條各照基址管業西塋古溝壹條接水從梅姓祠田過水下梅姓小塘再下門首大塘大塘腳下壹坵貳斗壹坵壹斗壹坵五升與梅姓連界壹坵五升壹坵壹斗壹坵貳斗壹坵貳斗門首大塘用水喂魚門首大塘止有梅姓正冲田八斗西塋田叁斗用水餘俱屬私西塋六坵四斗小團堰管水屬私堰背與梅姓地埂連界界內有古溝壹條西塋壹連七坵共四斗長堰用水屬私有古溝壹條南北與梅姓連界門首正冲壹坵叁斗壹坵叁斗壹坵叁斗壹坵四斗壹坵四斗壹坵貳斗壹坵壹斗壹坵叁斗壹坵四斗從底硯腳下梅姓田過水東塋田壹坵四斗叁坵貳斗壹坵貳斗九坵四斗南與梅姓連界上坎田壹坵四斗南與梅姓連界又上坎壹坵四斗壹坵四斗南齊梅姓墳腳爲界草塘壹口用水屬私又俱在大塘用水深塘硯口壹坵貳斗深塘用水屬私上坎壹坵四斗長堰管水屬私四斗北岸有余姓祖墳以埋石爲界大塘吉角七坵共四斗俱在大塘用水四斗田上坎有古溝壹條熟地壹塊各齊分水

爲界又翻嶺椿樹灣北側草塘背上田壹坵貳斗草塘  
管水先車草塘硤口田壹坵叁斗草塘管水北第四坵  
田壹坵壹斗小草塘用水長堰下坎第叁坵田壹坵五  
斗又壹坵叁斗叁斗上坎壹坵貳斗俱係長堰用水稻  
場石礮作官米碾在河灣公用又蓮洪會西北方家岡  
瓦屋貳洞正屋七間貳面橫屋四間門樓貳座門首菜  
園壹個前齊田邊後齊山頂分水爲界屋左荒山壹片  
基址齊土地廟人行路分水爲界稻場石礮草園石窖  
生熟地俱在內屋右荒山壹片有古溝壹條生熟地在  
內隨田山岸各齊分水爲界灣南正冲江西堰第叁坵  
田壹坵貳斗壹坵四斗壹坵壹斗係江西堰管水喂魚  
門首田壹坵叁斗大堰背上壹坵貳斗西塆貳坵貳斗  
大堰吉腳貳坵壹斗稻場下坎田壹坵壹斗北冲路下  
叁坵壹斗壹坵壹斗又下坎四坵斗半壹坵斗半門首  
堰管水菱角堰背上壹坵五升係菱角堰倒車用水隨  
田山岸齊分水爲界黃土堰硤口田壹坵斗半係黃土  
堰用水草堰背上貳坵五斗熟地壹塊古溝壹條灌水  
到塘西齊分水爲界草堰硤口壹坵四斗西塆壹坵壹

斗正冲四坵壹石壹斗西塋田貳坵壹斗在草塋用水屬私隨田山岸上齊分水生熟地在內月亮塘西塋田叁坵叁斗碗口壹坵貳斗五升貳坵四斗五升月亮塘用水屬私黃土塘北壹連四坵貳斗碗口貳坵貳斗黃土塘用水屬私門首堰正冲田壹連七坵共壹石七斗半高碗口七坵共斗半東塋田貳坵貳斗俱在門首堰用水屬私隨田山岸齊山頂分水爲界生熟地在內米碾在方家灣公用共田貳拾石

押租錢壹百串

租穀捌拾石

麥租拾石在內

同治四年梅大順捐田屋坐落寶林會蔡家畝中灣東首正屋叁間北齊塹埂爲界東齊水溝爲界西齊蔡秀茂官山連界正屋前貳面橫屋共四間東齊水溝爲界南與秀玉官山爲界西山頭屬私橫屋前廳屋壹間東與秀玉官山爲界直下塘邊西與秀茂作官過梁直下塘坡爲界其田坐落門首黃家塘正冲第叁坵壹坵壹斗第五坵壹坵貳斗又下坎壹坵五斗又下坎壹坵貳斗又下坎壹坵貳斗半五斗西橫頭壹坵四斗蔡之進

五斗東橫頭壹坵壹斗半下坎壹坵貳斗半俱在黃家塘用水又上灣竹陰塘正冲第七坵壹坵叁斗第八坵壹坵壹斗第拾六坵壹坵六斗半又盧家塘低鑪口壹坵壹斗第叁坵壹連四坵共六斗半第八坵壹坵四斗第九坵壹坵四斗第拾壹坵壹坵壹斗俱在深塘竹陰塘貳步塘盧家塘用水又應家冲塘鑪口貳坵貳斗半在應家塘用水又黑谷冲傅家壩大塘鑪口田壹坵貳斗又貳坵壹斗半下坎壹坵斗半又下坎壹坵斗半長田壹坵貳斗下坎田壹坵貳斗東邊路上壹坵叁斗又壹坵五斗又貳坵叁斗俱在大塘用水又小塘用水大塘接黑谷冲東吉餘水灌塘彭姓田西有眾姓攔水纏山古埂壹條不許鋤挖又小塘鑪口田壹坵四斗西下坎壹坵壹斗吉口新田壹坵貳斗又壹坵壹斗下坎靴田貳坵貳斗半又壹坵貳斗又壹坵叁斗又叁坵貳斗又貳坵貳斗又壹坵貳斗又黃土田壹坵貳斗半又屋基塘背貳坵四斗半俱在小塘用水小塘管水外姓止有田貳斗五升共田拾石稻場石礫米碾公用餘水灌足西畝之塘後下正冲灌塘

押租錢五拾串 租穀四拾五石

同治六年買李志榮之田屋坐落南門會李家灣中間正屋貳間天井壹個正中廳屋壹間北邊官山與周姓作官南邊官山與李姓作官門樓屬私前齊屋基到塘坡為界後齊滴水為界門首正冲貳坵七斗在新塘用水大塘東上坎二坵七斗在大塘用水周姓田北下坎壹坵壹斗大塘用水南邊大塘正冲壹坵叁斗大塘用水大路西黃土塘北上坎貳坵五斗在黃土塘用水以上四塘均係作官門首田七斗貳坵在門首塘用水稻場石碾米碾公用共田貳百叁拾

押租錢貳拾叁串

和穀拾石 麥租貳石在內

同治七年買李志榮之屋坐落南門會李家灣中間南邊橫屋貳間廳屋壹間北邊與卷價屋連界南邊與李姓官山連界前齊塘埂為界

同治七年買閔華亭田坐落北十會柳家灣南首官塘下坎南壹坵貳斗下坎壹坵壹斗王姓田下坎壹連叁坵共叁斗官塘鑪口壹坵五升正冲閔姓田上坎壹坵

叁斗長塘背上壹坵斗半共田壹石壹斗

押租錢拾壹串

租穀四石四斗麥租壹石壹斗在內

同治年八買蔡長弟兄田坐落東門會蔡家河上墘門首

塘下坎第四坵壹坵五斗在門首塘用水蔭救

押租錢五串

租穀貳石麥租五斗在內

甯樂二姓充入資福寺廟田與買甯姓田坐落南三會

資福寺西坡山邊貳斗壹坵大路邊貳斗捌升壹坵又

賓興田

咸豐十年買胡治田坐落南三會白露墘東頭瓦屋壹

洞前齊塘邊為界後齊人行路為界青龍側冲四斗貳

坵下坎壹坵斗半上坎壹連大小六坵共田五斗半私

塘壹口對門大塘壹口小塘壹口照老例用水喂魚有

分隨田山岸生熟地在內門首塘外邊壹連大小四坵

共四斗劉姓田上坎斗半壹坵又劉姓田上坎斗半壹

坵對門冲叁斗貳坵西邊山壹塊上齊石埂下齊田邊

西齊埋石為界內有熟地數塊上坎壹連六坵共田六

斗私毛壹斗壹坵隨大塘新塘用水喂魚有分隨田山  
岸東齊人行路上齊黃姓地畝南齊大塘畝爲界新塘  
外邊壹斗壹坵東邊山壹塊東齊吳姓埋石爲界南齊  
張姓埋石爲界上齊分水爲界內有熟地數塊頂田貳  
斗私塘壹口用水喂魚東邊熟地壹塊王家冲西傍壹  
坵壹斗官塘用水喂魚漢冲胡姓田下坎壹坵叁斗又  
胡姓下坎壹斗壹坵又下坎叁斗又下坎貳斗四方貳  
斗登子田貳斗刀欄壹斗東頭溝壹條屋側西頭空廠  
叁股作官上齊分水下齊田邊北齊分水南齊塹埂爲  
西頭壹斗貳升壹坵下坎壹斗壹坵大路北叁斗壹坵  
下坎又叁斗壹坵又下坎四斗壹坵山坡下坎廠壹斗  
壹坵軍塘吉口斗半田上坎五升壹坵俱在軍塘用水  
除五升外又俱在曹家堰用水軍塘上六斗上坎壹斗  
壹坵在軍塘用水屋基塘甕口貳斗壹坵下坎伍升壹  
坵在軍塘屋基塘用水高家灣上畝肆斗壹坵又西邊  
貳斗壹坵大路邊貳斗壹坵用水俱照向例又資福寺  
東坡肆斗壹坵又貳斗壹坵俱照向例用水共田叁石

陸斗

存押租錢貳拾叁串

每年穀麥租拾柒石壹斗

界四方田六坵共田五斗半門首塘用水喂魚叁股有  
貳總共田四石六斗稻場石磙米碾作官樹木析河壹  
併在內

存押租錢伍拾壹串

穀麥租拾捌石貳斗

同治二年胡良臣以存典錢楚田屋坐落周家灣正屋四  
間南齊周姓墳垣為界北齊楊姓為界後齊小埂為界  
前齊塘邊為界其田在門首私塘壹口腳下壹坵壹斗  
下坎半邊田壹坵壹斗正冲大塘西頭五坵叁斗五升



大塘畝口壹坵叁斗西頭壹坵叁斗又西頭私塘壹口  
畝口壹連七坵共田壹石七斗正冲又半邊田壹坵四  
斗東塘壹坵壹斗盡在大塘用水喂魚對門山壹座分  
水爲界又駱家冲塘腳下貳坵八斗西邊北上坎貳坵  
貳斗熟地數塊在塘用水喂魚俱以隨田山場爲界又  
後冲田壹連四坵共四斗與胡姓四斗田相連塘壹口  
與胡姓作官熟地數塊隨田地山場壹併在內合共田  
四石七斗五升 屋塌田荒

現存押租錢陸串

現收穀麥租叁石貳斗

同治五年楊茂盛捐田屋坐落南三會蔡家岡巷子墘  
正中壹連叁間貳面橫屋貳間廳屋叁間貳面橫屋貳  
間門樓壹座前齊塘坡爲界後齊滴水爲界左鄰人行  
巷子爲界右齊蔡邦賢官山爲界巷子墘南中間正屋  
叁間門樓壹座巷子墘北正屋叁間廳屋叁間貳面橫  
屋貳間巷子墘東首獨屋墘正屋四間門樓院牆壹座  
凡屋前後左右園林樹木隙地糞廠壹併在內其田坐  
落蔡家岡腰塘窖口田四斗壹坵下坎田叁斗壹坵又

下坎田壹石貳坵門首南半邊五斗壹坵又南首半邊  
田五升壹坵黃土塘腳下田五斗叁坵門首小塘腳下  
正冲田貳斗五升壹坵長塘橫頭壹斗壹坵藕塘背上  
半邊叁斗壹坵腳下五斗壹坵又貳斗壹坵椿樹塘鑪  
口田貳斗五升壹坵劉家墳後田叁斗四坵小冲壹連  
叁坵共田六斗西上坎台子田壹斗五升壹坵又上坎  
田五升壹坵在楊樹塘用水五斗塋田五斗五坵私塘  
壹口大塘正冲邦質田東半頭田叁斗壹坵廟東邊又  
塘腳下壹斗貳坵又下坎四斗壹坵藕塘背上邦質田  
西上坎五升壹坵在义塘用水又蔡家廟長塘高鑪口  
壹斗五升壹坵又下坎壹斗五升壹坵木子樹田壹斗  
壹坵低鑪口壹斗壹坵又下坎五升壹坵又五升壹坵  
邦質田下坎南塋五升壹坵又下坎田壹斗壹坵人行  
路田壹斗壹坵又五升壹坵冲口西半頭田叁斗壹坵  
窰田叁斗壹坵又下坎壹斗五升壹坵邦懷田下坎叁  
斗壹坵門前長塘腳路下田叁斗壹坵藕塘腳下東半  
頭貳斗壹坵木子塘鑪口貳斗壹坵廟前地壹斗壹坵  
大塘高鑪口秧田壹斗五升壹坵廟後和尚田下坎壹

斗壹坵又塘東橫頭田壹斗壹坵庫子田五升壹坵下  
坎壹斗壹坵又壹斗壹坵又塘鑪口貳斗壹坵長塘吉  
口叁斗壹坵南下坎壹斗五升壹坵文記田壹斗五升  
壹坵凹子田叁斗五升共叁坵椿樹塘背上貳斗壹坵  
楊樹塘橫頭田貳斗五升壹坵屋南邊小塘上坎貳斗  
壹坵又下坎壹斗壹坵碾子塘下坎壹斗五升壹坵廟  
東和尚田北下坎五升壹坵和尚田南下坎壹斗壹坵  
又塘規溝東邊壹斗五升壹坵正冲劉姓田上坎貳斗  
壹坵上冲吳姓田上坎貳斗壹坵又上坎叁斗壹坵又  
徐家園西邊田叁坵共貳斗又腰塘背上田七斗貳坵  
黃土塘壹斗壹坵又蔡家岡井邊灣南齊陳姓田邊爲  
界東齊人行大路爲界北齊人行路爲界西齊蔡姓墳  
園爲界四界之內共田貳拾四坵計田四石叁斗五升  
屋後栗園塘背上墳田壹坵貳斗山邊田貳坵壹斗又  
四斗壹坵北邊田貳斗壹坵墳北邊五升壹坵屋南首  
園子田壹斗壹坵在井邊塘用水柳家塋頂上塘腳下  
叁斗壹坵中塘陳姓田下坎壹斗壹坵又下坎貳斗壹  
坵南塘和尚田下坎壹斗壹坵東熊家塘下坎七斗共

四坵又葉家冲蔡姓田下坎叁斗壹坵在史家塘用水  
楊樹塘腳下田五斗壹坵文記田下坎五升壹坵盡在  
長塘大塘用水外有熟地貳塊又蔡家廟前長塘腳下  
四斗五坵邦質田上坎貳斗壹坵巷子墘南墘圍田壹  
斗壹坵下坎壹斗壹坵又下坎貳斗壹坵門首正冲口  
東半頭叁斗壹坵又正冲四斗壹坵邦質田上坎叁斗  
壹坵長塘鑪口叁斗壹坵又長塘西頭貳斗壹坵冲東  
上坎壹斗壹坵在藕塘用水蔭救菜田壹斗貳坵南邊  
上坎五升壹坵菜田北下坎壹斗壹坵大塘低鑪口壹  
伍升壹坵小塘腳下壹斗伍升壹坵廟西邦先田坎  
下壹斗伍升共貳坵又塘上坎貳斗伍升壹坵又塘西  
橫頭壹斗壹坵邦質田上坎灣田叁斗壹坵大斜田叁  
斗壹坵長塘背上文記田壹斗壹坵杏子樹田貳斗伍  
升壹坵長田壹斗伍升壹坵又上坎伍升壹坵又下坎  
田壹斗伍升壹坎小斜田叁斗壹坵碾子塘腳下壹斗  
壹坵又伍升壹坎廟東墘順墘田貳斗壹坵下坎叁斗  
壹坵水田肆斗壹坵西橫頭壹斗壹坵共屋數拾間共  
田貳拾捌石

存押租錢壹百叁拾玖串

每年收穀麥租壹百叁拾貳石陸斗

同治九年以同治二年所買樂以成南三會資福寺東田屋稟請捺換樂致亭南二會盧家灣北首正屋壹間橫屋貳間門樓壹所與馬盧二姓作官南齊葉姓官山北齊馬姓官山前齊藕田邊後齊分水爲界門扇板壁棚房欠脊一併在內沐木山場各照基址管業石碾米碾稻場有分其田坐落門首大屋塘葉姓田下坎四斗壹坵在大屋塘用水餽魚從盧姓田過水又盧家冲盧家堰起水伍斗壹坵伍斗背肆斗壹坵肆斗橫頭又肆斗壹坵計田壹石叁斗俱在盧家堰用水餽魚兩個肆斗從盧姓捌斗過水南頂頭埠頭起水有分共田壹石柒斗計肆坵

每年穀麥租柒石伍斗伍升

存押租錢拾串

同治七年晒明圓通寺冲下獨屋一洞田一分坐落譚家會汪家堰北上坎肆坵共叁斗獨屋北肆坵共叁斗又上坎田叁坵共貳斗又荒凹塘下坎伍坵上坎陸坵

共田陸斗又東邊山嘴下肆坵共叁斗又東連界叁坵共壹斗又龍王壩田陸坵共壹斗伍升又碑記凹上下九坵共田叁斗又東上坎沙田壹坵貳斗俱在楊樹堰管水沙田以上田柒斗共拾坵隨田二面山廠齊分水爲界其餘山廠坐落沙田以至山以西盡齊分水爲界至獨屋西南邊人行路爲界與汪姓山連界沙田以下齊港邊直到汪家堰上盡齊隨田山廠樹木俱無夾雜內有僧俗祖墳數塚以穿心叁拾步爲界以外不許添葬盡隨賓興管業界內大小私塘叁口用水餒魚屬私楊樹堰壹口與圓通寺作官共田叁石貳斗

押租錢叁拾伍串

穀麥相拾伍石

咸豐十年買吳育亭屋坐落南二會盧家灣北頭正屋五間橫屋貳面披水貳間廳屋叁間門樓壹座南齊官山爲界後齊分水爲界前齊塘邊爲界北齊田邊爲界南灣正屋五間橫屋貳面廳屋九間橫屋六面拾貳間門樓叁座後齊分水爲界屋後過水古溝壹条前齊塘邊爲界北齊塘邊爲界南齊官山爲界南邊廳屋叁間

後齊滴水通前至後園林樹木在內門扇板壁欠楹在內碾子作官地基屬私其田坐落屋北邊小塘上下壹連八坵共壹石四斗小塘用水喂魚作官北邊上下壹連五坵四斗半荒塘作官北河邊上坎貳坵四斗半隨田上坎熟地數所盧姓地北熟地數所草塘東邊壹連四坵叁斗小黃土塘用水喂魚隨田熟地數所壹連六坵七斗又草塘西黃土塘背上叁坵四斗又西邊壹連八坵壹石叁斗半正冲甌口叁坵四斗半山頂五坵四斗又四坵貳斗屋基塘橫頭壹連六坵六斗半屋基塘用水作官正冲四坵壹石零五升大路上坎壹坵五斗長塘背上橫頭貳坵叁斗塘坎下叁坵叁斗半長塘用水路上坎壹連七坵九斗路下坎壹連拾壹坵壹石四斗半蔡姓墳側貳坵斗半以蔡姓墳邊爲界盧姓墳前墳側墳後八坵共八斗盧姓墳西過水古溝壹條又上坎壹連六坵共田壹石壹斗半又九坵壹連壹石叁斗雷姓墳前四坵九斗又八坵共五斗半俱齊河心爲界門首塘坎下壹連拾叁坵貳石零五升土地屋邊貳坵又側邊貳坵共壹石又西塋七坵七斗北塋屋後汗塘

用水從盧姓墳前墳側過水古溝貳條任從掘挖培築過水盧姓不得異說南灣屋後從雷姓墳前墳側過水古溝貳條任從掘挖培築過水雷姓不得異說北荒塘過水古溝壹條屋後糞廠數塊隨田山場俱齊分水爲界熟地數拾塊隨田塘界內樹木荆柯壹並在內河東貳坵四斗半在大塘用水俱齊河心爲界盧家灣庄田壹分共貳拾石零叁斗半俱係後冲連四口大塘用水喂魚門首大塘用水喂魚照田又北門首塘用水喂魚屬私石碾稻場共用如有遺漏坵數不清照老約管業又壹約田坐落盧家灣屋前空廠壹所南齊山頭直上直下齊塘邊爲界門首田下坎貳坵叁斗田橫頭貳坵壹斗北橫頭壹坵貳斗下坎尖角田壹坵壹斗冲塘背上壹坵貳斗橫頭貳坵壹斗西北橫頭壹坵貳斗共田壹石貳斗頂上塘屋基塘草塘冲塘門首塘五塘用水喂魚以上田合共貳拾壹石餘斗賣王吳育亭提留土地後田叁斗壹坵土地前墳田五斗壹坵大路下坎貳斗壹坵又下坎貳斗貳坵五斗下坎壹斗壹坵共田七坵計壹石叁斗盡在原塘用水並提盧家北灣中間正



屋貳間橫屋壹面門樓壹所前齊塘坡後齊分水各照

基址管業石礮稻場米碾共用內除賣主提田壹石叁斗計二十石零二斗半

押租錢壹百串

穀麥租柒拾石

同治八年郝文椒捐田庄共計叁坐落黃土會新店西下王家灣田五石九斗五升本增西頭瓦正屋叁間東邊橫屋貳間廳屋叁間門屋貳間西邊茶廳屋八間內有天井四個東邊山牆直上直下與陳姓作官西邊山牆俱已屬私屋前隨屋基址齊田邊為界屋後隨屋基

址齊人行路為界東與古墳連界小屋西齊陽溝坎人行路為界路西外糞窰壹個菜園壹個西齊上灣為界內有古墳壹塚有墳無地古墳西有盧姓墳貳塚北齊牆為界西齊人行路為界其田坐落本增門首西田壹坵叁斗南下坎田壹坵叁斗俱係屋側邊塘管水喂魚又係門首塘倒車蔭救喂魚破塘連貳塘西腳下田壹坵貳斗係東西貳塘管水喂魚連貳塘東腳下田壹坵叁斗又上坎吉口田壹坵壹斗俱係東邊塘管水喂魚壹斗田東頭熟地貳陌東與王姓地連界下連貳坵堰腳

下第叁坵田壹坵叁斗係下連貳塘管水喂魚東冲礮頭張姓八斗田上坎田壹坵貳斗係門首塘管水喂魚礮頭南上坎橫連貳坵共貳斗又南上坎橫連叁坵共四斗又南上坎田橫連叁坵共貳斗五升北下坎田上下橫連五坵共七斗五升撮箕灣大塘東腳小田壹坵東下坎熟地貳塊南邊荒地壹塊熟地下坎田橫連貳坵下坎隔餘慶地下坎田上下橫連五坵大小九坵共四斗貳斗半田西上坎田壹坵壹斗北下坎田上下橫連四坵共五斗五升以上之田俱係撮箕灣門首大塘管水喂魚又係破塘管水喂魚共五斗五升田西邊熟地叁塊大塘北上坎熟地壹塊隨四塊熟地以上山岸齊分水爲界栗山在內本灣門首塘吉口田上下橫連叁坵共五斗南上坎干田壹坵西齊塘埂爲界東齊人行路爲界菜園在內俱係門首塘管水喂魚干田上坎熟地壹塊上齊水溝爲界東齊人行路爲界南熟地壹塊南齊分水爲界東與栗山熟地連界西齊人行路爲界灣南對門熟地壹塊東齊上水溝爲界西南齊水溝爲界北齊地腳爲界均口熟地壹塊東齊宋姓墳垣連

界西南北俱與楊姓地連界南灣屋基田壹坵貳斗係腰塘管水喂魚灣西楊姓熟地上坎山岸壹片西南與王姓地連界東與陳姓山岸連界北與楊姓地連界王姓地中熟地四廂四面與王姓地連界腰塘下坎人行路下坎熟地叁廂東與王姓地連界西齊人行路爲界北齊水溝南齊地頭爲界楊樹塘腳下田壹坵壹斗西下坎壹坵五升又下坎壹坵五升又下坎壹連貳坵共五斗俱係楊樹塘管水喂魚稻場叁個石礮有分南頭米碾作官門首塘喂魚六大股買主一大股派叁股有貳股栗坡東邊盧姓有祖墳四塚左右齊熟地邊爲界上齊古墳腳爲界四塚墳西有古墳數塚四面以埋石爲界空處許盧姓起土上墳又門首大塘下高礮口東半頭秧田壹坵壹斗西與章姓以埋石爲界北與王姓山腳爲界東齊人行路爲界南與章楊王三姓田頭爲界係門首大塘管水喂魚又本灣後冲東北上坎破廟東上坎有熟地壹塊共八廂北與章姓地埂以埋石爲界南與王姓熟地邊爲界東與章姓栗山邊爲界南與喻姓祖墳前以埋石爲界南與王姓熟地邊爲界西與

章姓地邊連界地埂屬私糞窖糞廠稻場石碾米碾在  
本壩公用又柏樹壩田七石六斗五升南頭瓦廳屋貳  
間廳屋前瓦橫屋貳間橫屋前草廳屋貳間其田坐落  
本壩門首秧田壹坵壹斗下與丁姓連界東與丁姓連  
界又大塘荷上田壹坵叁斗東齊葉姓連界北齊圍牆  
爲界又大塘東頭田壹坵貳斗五升南齊人行路爲界  
北齊葉姓田連界係碾子塘藕塘蔭救喂魚又大塘腳  
下坎壹坵貳斗東齊丁姓連界西南與葉姓連界又艾  
家冲葉姓田下坎田壹坵貳斗南與丁姓連界東與葉  
姓連界係艾家壩大塘用水又閻姓叁斗田北邊田壹  
坵叁斗東南西與丁姓連界係柏樹壩大塘管水又南  
丁姓田下坎田壹坵貳斗西齊丁姓連界南齊河心爲  
界係河水蔭救又郝宏昌田上坎壹坵壹斗又上坎田  
壹坵貳斗又上坎田壹坵六斗五升東北與丁姓連界  
西齊郝姓連界係馬家塘管水又馬家塘背上田壹坵  
壹斗北齊郝姓連界西齊丁姓連界又丁姓田下坎壹  
連貳坵共叁斗南與郝姓連界又葉姓田下坎田壹坵  
五斗南與郝姓連界又腰塘高硤口田壹坵壹斗南與

丁姓連界又腰塘背土壹連貳坵共壹斗又腰塘葉姓  
田土坎田壹坵四斗又上坎田壹坵壹斗又腰塘吉口  
田壹坵叁斗叁斗田南下坎田壹坵壹斗西南與葉姓  
連界俱係腰塘管水又腰塘背上壹連七坵共貳石叁  
斗五升俱係大塘橫塘管水喂魚又丁姓四斗田下坎  
田壹坵四斗龍林灣西塆壹連叁坵共四斗係龍林灣  
大塘管水稻場石礮米碾糞窖糞廠空基空廠在本塘  
及田又橫山坡北邊楊樹灣田六石四斗瓦正屋四間  
北邊橫屋貳間門樓壹所院牆門扇板壁園林樹木空  
基隙地稻場石礮菜園生熟地山坵壹並在內屋後山  
岸齊分水東北有栗山壹塊北齊水溝直下到塆叁斗  
田角與章姓連界塆叁斗田東外地壹塊齊山邊堤  
埂爲界對門熟地栗山壹片北齊郝姓連界上齊分水  
到牛角小田以直上地邊爲界南以郝姓水溝尖直上  
大嶺橫山坡分水爲界水溝以下買王管業西北與張  
姓小鼻拱嶺以直上到橫山坡分水俱以連界內有私  
塘貳口田大小叁拾餘坵共五石叁斗壹冲兩塆下齊  
塆叁斗田爲界係私塘管水喂魚末脚灣叁斗田係葶

齊塘管水老觀冲下東塋田壹連八坵共貳斗係老觀  
堰管水東與屋後山岸連界南與山岸連界西南以埋  
石爲界西北齊章嚴二姓連界正北以埋石直下爲界  
下齊水溝爲界係買王管業屬私屋西丁姓墳垣壹所  
四面齊熟地邊爲界又屋後西冲共田五斗壹坵壹斗  
北齊山脚爲界南齊張姓連界又張姓壹斗田下坎田  
壹坵貳斗又下坎壹坵貳斗叁面與張姓連界無水蔭  
救又章家樓子灣門首大塘脚下壹坵四斗叁面與張  
姓連界係門首塘用水喂魚稻場在楊樹塋屬私米碾  
在松林灣公用糞窖糞厰空基空厰俱屬私凡屬界內  
諸樹木壹並在內共田貳拾石

存頂禮錢壹百九拾壹串

每年麥穀租八拾石

同治八年梅椿捐田坐落城東蔡家畝黑谷冲口傅家  
壠大塘鱸口田壹坵貳斗東小田壹坵四升畝中團田  
壹坵壹斗五升上坎壹坵壹斗五升路下尖田壹坵叁  
斗上坎壹坵叁斗又上坎東壹坵壹斗共田壹石壹斗  
九升俱在大塘用水程家塘背田貳坵五斗在程家塘

用水上坎壹坵五斗上坎連貳坵共五斗俱在王家塘  
李家塘用水水係上流下接接上黑穀冲正冲彭姓田  
餘水灌塘大凹塘背貳坵貳斗塘上連八坵共八斗半  
私塘壹口貳面山岸俱齊分水爲界土地塘田壹坵斗  
半東壹坵八升下坎貳坵貳斗下坎壹坵貳斗又下坎  
壹坵貳斗高壩口壹坵貳斗下坎壹坵斗半又壹坵八  
升中壹坵叁斗叁尖角田壹坵斗半又壹坵叁斗又連  
叁坵共四斗稻場田壹坵貳斗溝田壹坵貳斗又溝田  
壹坵貳斗半又小塘田連貳坵共貳斗又壹坵貳斗又  
壹坵斗半又河邊田連叁坵共壹斗共田叁石七斗壹  
升俱在土地塘用水屬私此塘接上冲大塘餘水灌塘  
又門首小私塘壹口西首碾子上屋基園子壹斗新塘  
第叁坵壹坵六斗東塆叁坵貳斗又貳坵貳斗半又連  
叁坵共貳斗又刀欄田壹坵貳斗又四坵共六斗又大  
路邊田壹坵叁斗俱在新塘用水共田拾石正礮中頂  
後壹層正屋叁間廳屋貳間天井壹個前齊塘坡後坎  
邊東西俱齊官山爲界稻場石礮米碾俱係公用



頂禮錢四拾叁串

每年麥穀租四拾八石貳斗

光泰典所欠公頂錢償還屋坐落城內十字街路西向東南首門面三間廂房一面北首門面二間廂房一面門內二進六間北邊廂房二間又正屋八間廂房二面後二進倉屋九間中又二間又向北門面三間內宅四間現歸賓興首士經管每歲收租幫補修整考棚之費餘入賓興給發

學田

同治九年蕭履和繳還屋坐落郭家棚對岸胡家壩南頭瓦廳屋四間後有大擺手齊滴水爲界前橫屋貳間門樓院牆在內北山牆與胡姓作官屋南基址上以埋石下齊撥岸南齊水溝爲界門前照屋址齊撥岸爲界田坐落張家冲腰塘下坎壹連拾壹坵共田貳石八斗俱係腰塘用水東榜熟地五塊東榜田六坵共五斗腰塘用水西榜熟地壹塊西榜田壹坵壹斗叁坵貳斗壹坵貳斗壹坵壹斗腰塘用水有私塘貳口又田壹坵叁



斗壹坵壹斗墘塘用水又東塋田五坵五斗壹坵貳斗  
腰塘用水有私塘壹口共田五石稻場石碾米碾作官  
每年穀麥租貳拾石

無押租錢

同治九年胡朗如繳還田坐落北二會石土塘順山田  
下坎壹連叁坵共壹石係石土塘低鑪用水蔭救大塘  
低鑪口田西頭第貳坵以下壹連叁坵共七斗係大塘  
用水蔭救柘刺塘曾姓田下坎田壹連貳坵共叁斗係  
柘刺塘低鑪用水蔭救田頭熟地壹塊其屋坐落王家

墘南首正屋壹間橫屋壹間任從業王開門前照基址  
齊塘坡為界後齊滴水北連山牆屋角與胡姓作官南  
邊園子壹個齊園牆為界共田貳石

每年穀麥租捌石

無押租錢

同治九年明琪等繳還田坐落交殊會余家冲南塋壹  
連四坵計叁斗五升又正冲壹坵壹斗五升私塘壹口  
面前山壹坵貳斗五升塘下坎壹坵壹斗在五斗塘用  
水墘北冲上首壹連六坵計四斗在草塘用水又墘南

原山縣志 卷五  
首獅子塆壹坵叁斗在五斗塘用水面前山壹坵壹斗  
又南首上冲泉水冲壹連四坵計叁斗南首壹坵壹斗  
共計貳石

每年穀麥租捌石

無押租錢

同治九年朱光藻繳還田坐落南叁會周家榨背後小  
塘孫姓田下坎貳坵共叁斗又下坎小塘北壹斗壹坵  
又孫姓田下坎壹斗壹坵下坎貳斗壹坵南下坎貳坵  
壹斗南上坎壹坵叁斗西上坎壹斗壹坵共田壹

石貳斗盡在貳小塘用水正冲刀欄田六斗壹坵在  
塘用水又稻場東下坎壹斗壹坵在長塘用水其屋坐  
落孫家獨屋南首橫屋叁間東齊塘坡北齊大井與捐  
主作官南齊陽溝爲界共田壹石九斗

每年穀麥租柒石陸斗

無押租錢

同治九年黃長榮繳還田坐落蔣林會常家塆蔴布石  
塘下坎壹坵叁斗又下坎壹連叁坵共貳斗又下坎壹  
坵叁斗又下坎貳坵共田貳斗又南塆壹坵壹斗下坎

貳坵壹斗大小拾坵共田壹石貳斗盡在蔴布石塘用水蔭救

每年穀麥租肆石捌斗

無押租錢

同治九年華士萬繳還田坐落北十會任家畝背後泡桐樹灣田首坵下第六坵壹連叁坵共田九斗西塆田壹坵壹斗計田壹石在老塘門首塘貳塘用水蔭救

每年租穀肆石

無押租錢

同治十年韓運隆繳還田坐落烏石會韓家畝塆東首田捌斗壹坵在大湖担水塘二塘用水

每年租穀叁石貳斗

無押租錢

同治十年韓啓和繳還田坐落烏石會韓家畝大湖口路西叁斗壹坵在大湖用水

每年租穀壹石貳斗

無押租錢

節孝祠屋

同治十年同知銜候選知縣高煥章貢生龍新德以原節孝祠屋宇狹隘願將道光二十六年夥買周振興市房一洞稟請同捐入公以便改建節孝祠其屋坐落本城北門外坐西向東門屋間長短格樓板俱全北與陳姓通前至後均係官山南與陳姓樹架作官門屋後天井南首係陳姓私牆屏牆一道有門內天井花台南首牆從前至樓子與夏姓官山廳屋三間兩架格門鼓皮門俱全鼓皮後左右樓板各二步左右門俱全廳屋後

朝南小廳三間大小花台三個桂樹一株樓子三間樓板上下格門中堂左右鼓皮門俱全樓子後左右橫屋三間短格八扇天井一個屏牆一道向南小巷一條有門門外天井二個朝西屋三間窗門全南北坡水二間有門俱與黃姓官山黑門外天井一個朝南橫屋二間有門有院牆院牆西窖一棚朝西槽門二間無樓板有樓領前齊街心後齊菜園南齊水溝爲界

同治十年陳楚盛捐入賓興屋坐落小枒林灣後柳家灣北首正屋一間空基一間橫屋貳間上齊陽溝下齊塘坡北齊田邊南照正屋官山牆直上直下爲界其田坐落門首塘下坎第三坵秧田壹坵壹斗門首塘圍塘用水正沖水田壹坵肆斗在門首塘用水東塋一連拾坵共壹石貳斗在圍塘用水灣塘下坎一連叁坵共肆斗在灣塘用水蒿子岡熟地壹塊在內小枒林灣南首田一連伍坵共伍斗在四方塘用水三角塘西塋壹坵壹斗在三角塘用水柳家灣後沖刀欄田壹坵叁斗在

山頂塘用水共田叁石

每歲收穀麥租拾貳石

押租錢

以上各項公產所有押租錢隨時應用登帳不作移交

永陽書院條規碎記

一書院山長總由生童悅服公舉呈 憲敦請束脩按

季交清如有上薦支取稟 憲婉辭

一考課除甄別外定於書院局門考試如在外作文補送不准收卷

一膏火照每月甲乙生員前九名童生前十二名每名膏火給九七大錢六百文院役分送不經禮房

一書院錢穀出入每年生童公舉文庠中有學守者二人正管每年甄別生員批首監管

以院案首為正管公舉殷實老成一人為監管

一 生童公舉文庠中方正年長一人作監齋考課必監齋察守卷交齋後始得出齋

一 首事經生童公舉卽照條規公辦不得互相推諉

一 書院租穀遠穀存佃戶家必須保戶佃戶均具存字近穀盡歸書院倉貯不存首士家亦不存佃戶處

一 書院量租當卽懸明某處田若干量租若干一懸因化堂一懸儒學照牆

一 脩金膏火需錢隨時賣穀當卽兩處懸單某日憑某行賣穀若干價若干城鄉共剩穀若干如有餘穀價昂卽賣仍兩處懸明某日某行穀價石數錢數一月清取存典無利

一 用錢每朔望懸單因化堂細註某項用錢若干

一 每年穀數出入除隨時懸帳外定於十二月初一日生童齊集書院通體核算兩處懸明帳單

一 懸一年出入細目總單卽於是日公舉次年正管二人監齋一人以便交卸

一 正管二人監齋一人每年各酬辛勞錢八千文監管一人每年酬辛勞錢四千文

一正管不照條規監管及生童即稟請另換狗隱者均扣存辛勞錢不給

一經管首事於接管之日即將所收上解存貯錢穀實數明白懸出毋得朦朧容隱

道光十六年歲次丙申孟夏月 立

同治六年定書院應用額規

一山長每年束脩壹百貳拾串折席錢四串兩季節禮錢四串押關書錢四串

一月課一次學內第一名膏火錢壹串貳百文自第二至第五每名錢壹千文自第六至第十每名錢捌百文自十一至十六每名錢陸百文 學外第一名膏火錢壹千文自第二至第五每名錢捌百文自第六至第十每名錢陸百六自十一至二十四每名錢肆百文 每次共膏火錢二十五串六百文

一每逢甄別學內第一名筆資錢肆千文 即監管

一月課一次 禮房院役雜用飯食共錢壹千文

一每年省禮房錢貳千文府禮錢壹千文縣禮房工食錢捌千文院役工食錢陸千文



一每年完條銀錢拾柒串柒百叁拾陸文完南漕米錢拾貳串零叁拾四文完屯糧錢壹串五百文完衛糧錢肆串陸百捌拾文

一每年開消號房錢陸百文茶房錢肆百文宅門錢叁百文執帖錢壹千文

一首士監齋辛勞錢每年各給捌千文

賓興館現行章程

一經管首士以科歲試批首爲正管公舉殷實老成之生員二人爲監管輪流接替必須同眾算明帳據稟候批示不得私相授受

一帳據每首事各執一部約據租字以及出入動用一體書清不得歧混

一看租之年首事三人必須約同親看不得獨任亦不得委之家人

一詣庄看租隨帶帳簿某佃完租若干隨時登帳佃戶各執一摺看租多寡由首士照帳親書蓋一戳記免致異日相爭諸凡往來均以摺戳爲據

一佃戶租穀期以當年完清延玩者該首事稟官追究

如首事徇隱該首事墊出接管者不得受佃戶欠帳  
一每歲賣穀以三月爲度如有要事需錢必須會議具稟不得任意私賣

一錢穀存監管首事殷實之家不許外人挪借

一田屋約契佃戶租字銀米券票首事接替具稟必須註明某項若干紙交某專管以免支離遺失

一給發北上賓興錢舉人每名肆拾串五貢每名貳拾串例貢監九北闈者每名拾串臨行交給不許預支  
一給發南闈賓興錢該首事同眾核算明晰懸單計收

租若干變錢若干動用若干實存若干迨八月初五日按名分割各攜卷票領給不許支留

一首事運錢至省許提盤費帶銀無議

一賣穀必期制錢買銀必期足色給發時免費脣舌

一首事寓省發錢處房租公提發錢日首事飯食酌給外人不得濫竽

一首事辛勞正管者每年給錢四千文監管者貳千文  
一學書門斗辦科場者每屆各照科生壹名分賓興錢外給看榜錢貳千文

一縣署茶號宅與執帖人每年給錢貳千貳百文禮房給錢壹千文

一首士有公事會議轎錢火食隨時同算登帳不得言濫捏報

一清租走信首士同雇一人每歲議給工食錢五千文

一完賓興館西十九號 銀叁錢壹分壹釐 米捌升壹合玖勺

一完賓興館南十八號 銀柒錢肆分陸釐 米壹斗玖升陸合陸勺

一完賓興館南一十號 銀貳兩叁錢叁分 米陸斗壹升肆合叁勺

一完賓興館譚新九號 銀叁錢肆分玖釐 米玖升貳合壹勺

一完賓興館東十號 銀壹兩壹錢柒分 米叁斗柒合貳勺

一完賓興館孟四四號 銀貳兩伍錢壹釐 米陸斗壹升肆合叁勺

一完楊姓捐田 銀叁兩貳錢陸分叁釐 米捌斗陸升壹勺

一完陳姓捐田 銀叁錢伍分 米玖升貳合貳勺

卷價田現歸書院首士帶管歲科兩試期前賣穀每屆給錢叁百陸拾串於禮房以買試卷且一概開消在內每歲完銀伍兩伍錢肆分伍釐米壹石伍斗陸勺共需錢貳拾叁串叁百零伍文外幫完屯糧錢肆串陸百陸拾伍文其餘毫無浮費如年不順成差費不

數即與書院賓興通融辦理如有贏餘併入賓興給發

捐貲姓氏

楊長杰 捐錢壹千串 梅大順 捐錢叁百串

周溪濂 捐錢貳百串 吳宗保 捐錢壹百柒拾串

高煥章 捐錢壹百貳拾串 郝文楨 捐錢壹百串

郝文楸 捐錢壹百串 郝文枋 捐錢壹百串

郝泰運 捐錢壹百串 梅茂楚 捐錢壹百串

郝文樊 捐錢玖拾串 馬自新 捐錢捌拾串

萬修廉 捐錢壹百串 張永盛 捐錢陸拾串

周之渭 捐錢伍拾串 龍鉅霖 捐錢伍拾串

曹春 捐錢伍拾串 饒履泰 捐錢伍拾串

閔湘 捐錢伍拾串 胡先岳 捐錢伍拾串

郝餘慶 捐錢伍拾串 毛本楨 捐錢伍拾串

鄧學詩 捐錢肆拾串 韓明灼 捐錢肆拾串

許藝 捐錢肆拾串 饒榮 捐錢肆拾串

彭德興 捐錢肆拾串 李培元 捐錢叁拾串

朱華袞 捐錢叁拾串 程楫 捐錢叁拾串

閔忠宇 捐錢叁拾串 易致盛 捐錢叁拾串

李育松 捐錢叁拾串 曹松 捐錢叁拾串

丁觀成 捐錢叁拾串 楊合盛 捐錢叁拾串

馮兆霖 捐錢叁拾串 易均 捐錢叁拾串

楊慶高 捐錢叁拾串 湯奎獻 捐錢叁拾串

孫繼賢 捐錢拾串 陳炳昌 捐錢貳拾伍串

熊之紀 捐錢貳拾伍串 熊步元 捐錢貳拾串

許尚純 莊泰興

夏國銓 吳上朝

高金鐸 易義興

黃本驥 黃汝弼

黃汝玉

王長茂

毛宗祥

劉前智

聶光顯

楊壽培

劉正紀

湛德儉

程彥圃

馮振瀛

汪世清

閔作榜

周廷杰

金朝柱

丁德成

陳紹元

以上俱捐錢貳拾串

彭長興

捐錢拾捌串

余一枝

捐錢拾捌串

陳華玉

捐錢拾陸串

蕭茂青

捐錢拾陸串

程伯俊

捐錢拾陸串

閔海

捐錢貳拾串

閔作梅

捐錢貳拾串

陳白樂

捐錢拾伍串

周維翰

楊前起

何萬祥

曹天澤

朱希元

黃兆清

傅公和

湯清文

劉仁義

以上俱捐錢拾伍串

蕭廷俊

捐錢拾肆串

蕭作霖

捐錢拾肆串

易廣芹

捐錢拾叁串

盧兆元 捐錢拾貳串

向祥興 捐錢拾貳串

吳順興 捐錢拾貳串

左堯階 捐錢拾壹串

周煥章 捐錢拾伍串

周濟川 捐錢拾伍串

葉澍

葉渭

葉浩

胡必榮

左聯陞

田賢

胡邦瑀

丙南

彭之斌

長發

吳端熾

夏宏鼎

陳謙

劉尚達

劉元

程榮

劉大棟

馮東明

左永順

劉金秀

劉金朗

聶日楷

李文朋

程鵠

孫樸齋

曹天華

石元裕

馮恆泰

吳乾興

葉凌雲

汪思慎

黃全興

閔長申

劉從善

楊國勳

黃世鵠

李大俊

楊宏盛

吳鼎興

吳之俊

樂公興

曹光德

唐必貴

吳家棧

易豐盛

殷道興

張天生

胡長泰

李之英

李德陽

高正和

彭開善

王長迎

王長近

樂長德

劉大元

江申

傅億豐

傅洛

傅淇

陳廷鈺

龍培

瞿冠楚

李朝

楊李記

易公和



李宗漢

熊升舉

沈瑞祥

梅廷玉

彭汝濂

鄒永清

關盛義

程合順

程三泰

何其模

馮建昌

程新

鄭開泰

丁自泰

劉三陽

劉順有

關家會

楊大義

劉同興

徐文雄

楊義和

胡珣

王有朋

陳金有

楊希金

李永興

閔作楨

孫繼宗

孫兆元

劉則桀

劉天祚

周之麟

嚴邦俊

閔作材

閔灼

吳長清

應山縣志

卷末

捐資姓氏

五十三

熊珍

劉志道

熊士全

丁白玉

程隆興

以上俱捐錢拾串

吳太興捐錢九串 徐華成捐錢九串 姚魁元捐錢八串

程志煌捐錢八串 李才捐錢七串 朱本灼捐錢六串

張守成

楊億興

汪永興

郭鳳山

劉本性以上俱捐錢六串

徐紹先捐錢五串 李楚豐

黃開泰

左新臣

傅子亮

尚同興

李大春

顏秀堂

余國培

傅長發

郝會運

王步雲

黃萬鎰

張銀

仇華成

劉正起

丁懷泗

雷正春

徐文鍊以上俱捐錢五串

梅宗溶捐錢四串 柴公興

王士泰

孫炳億

龍復秀

傅之相

周祥興

李公和以上俱捐錢四串

朱宏錦

陳駿發

易立官以上係捐

陳鴻捐錢貳串董

榮捐錢貳串

[同治]应山县志三十六

卷首一卷 末一卷

(清)刘宗元等修 吴天锡纂

清同治十年(1871)刻本

十六册

记事止:同治十年(1871)

见卷二十三 第二十七页

原件收藏

湖北省图书馆

原件书号

地 2855

原件状况

原件完好

本部书共摄制 **2** 卷

2:1 首一卷、卷 1-卷 27

2:2 卷 28-卷 36、末一卷

版权所有 不准复印